



**Beständige Antwort der Pfa?ltzischen Theologen, auff der  
Wirtembergischen Theologen Erkla?rung und Bekenntniss von  
der Maiestet des Menschen Christi, und der Gegenwertigkeit  
seines Leibs und Bluts im heiligen Abendmal, wider der  
Pfa?ltzischen Theologen Gegenbericht von dem  
Maulbrun[n]ischen Gespräch, im Jar 1565 aussgangen : an  
alle Christliche Evangelische Leute und Kirchen Teutscher  
Nation.**

<https://hdl.handle.net/1874/404607>

Beständige Antwort

Polihunst 3

Der Pfälzischen Theo

logen / auff der Wirtembergischen Theologen  
Erklärung vnd bekentniß von der Malestet des Menschen  
Christi / vnd der Gegenwertigkeit seines Leib s vnd  
Bluts im Heiligen Abendmal / wider der Pfälz  
sischen Theologen Gegenbericht / von  
dem Maulbrunnschen Besprech /  
Im Jar 1565. auß  
gangen.

In alle Christliche Euangelische  
Leute vnd Kirchen Teutscher  
Nation.



Gedruckt in der Churfürstlichen Statt  
Heidelberg / Durch Johannem  
Mayer / Im Jar  
1566.

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO  
THE UNIVERSITY OF CHICAGO  
THE UNIVERSITY OF CHICAGO  
THE UNIVERSITY OF CHICAGO  
THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO



THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

Allen Christlichen  
Evangelischen Leuten/ vnd Kirchen  
Teutscher Nation/wündschen die Psäl-  
tischen Theologen/so dem Maulbrunnis-  
schen Colloquio beygewonet/

Gottes genad vnd zunemung in erkenntnis  
reiner Evangelischer Wahrheit.



Sist kaum etwas zu erhal-  
tung vñ erbarung der Kirchen vnd  
Gemein Gottes/in diesem zeitlichen leben  
gehörig/das vns die ganze heilige schrift/  
so hoch rühmet vnd so fleissig befühet / als  
rechte Gottselige einigkeit/welche stehet in  
gleichheit der waren lere vnd ongefärbter brüderlicher lie-  
be / Vnd dargegen / das sie so hoch verdammet / vnd mit  
ernstlicher dreyung dauon abmanet / als solcher einigkeit  
trennung vnd zerrüttung / vñnd solches nicht one grosse /  
wichtige vrsachen. Denn die erfahrung täglich mehr denn  
zu viel vns lere / was für zeitlicher vñnd ewiger schade/  
vnd verderbnis vieler menschen/durch gemelte oneinigkeit  
vnd zwittracht enstehet. Derwegen auch niemand befunden  
wird / der für einen vrsächer vnd anfenger solches vbels/  
wolte gehalten vnd angezogen werden / sonder scheubet ein  
jeder/er sey gleich so sehr vnd offentlich daran schuldig als  
er möge / die schuld vnd vrsach desselben auff einen andern.  
Aber sich solcher schuld zuentladen / ist starcke verneinung

vnd seines gegenteils bezüchtigung nicht gnug/sonder gehöret für allen dingen darzu / daß man alle falsche lere vnd Gottesdienst zum höchsten meide / fliehe / vnd da jemand derselben auß Gottes wort vberwiesen wird / onuerzüglich faren lasse vnd verwerffe / Auch niemanden onuerhörter sache oder one öffentliche / wichtige / nötige vrsachen beschuldige / verdämme / oder auß der Christlichen gemein vnd brüderschafft außschliesse / Ja auch in vertedigung der warheit solche maß halte / daß nichts anders denn Gottes ehre vnd das heil seiner Kirchen / vnd der strenden gesucht / vnd keine gebürliche gottselige zur einigkeit dienende mittel / auch mit möglichem nachgeben vnd duldung des onrechtens / außgeschlagen noch verseumet werden.

Solches / demnach es von vns zu gemüt gefüret / sind wir nicht in kleinem bedencken vnd zweuel gestanden / ob wir auff der Wirtembergischē Theologie / dem Maulbrunnischen Gespräch fürgesetzte Vorrede / vnnd wider vnsern Gegenbericht / von snen außgegangene Erklärung irer bekentnis von der Maicstet des Menschen Christi / vnd der warhafftigen gegenwert seines leibs vnd bluts im heiligen Abendmal / ferner etwas antworten solten. Vnd diß fürnemlich auß zwoen vrsachē / Erstlich / Daß gemelte Theologen schreiben / wie sie nicht bedacht / sich mit vns / die sie vnruhige leut nennen / in fernere weitlauffigkeit leichtlich einzulassen / sonder vns der lere Pauli nach zumeiden / vnd dem vrtail Gottes zubefelhen entschlossen / Vnd derwegen vielleicht wir bey jemanden für die jenigen möchten angesehen werden / die begierig zuzancken / vnnd auch vom gegenteil angebotnem fried hinderlich weren / so wir vns ferner mit schriftlicher verantwortung gegen snen einliesen /

Vnd

Vnd fürs ander / Das wir vnter dem / so in gemeldter des gegenteils Erklärung / zuerhaltung irer fürgenomenen meinung von der Allenhalbenheit des leibs Christi / vñ buchstäblichem verstand der Wort Christi im Abendmal / fürgebracht / nichts befinden / das nicht von andern vnd von vns zuuor genugsam vnd vielfeltig verantwortet vnd widerleget were.

Jedoch weil die Wirtembergischen Theologen / nicht allein sich zum höchsten beschweren / als dero lere vñ schriften / mit großem onrecht so vieler abscheulicher verdamten meinungen vnd kekereien von vns beschuldiget / Sonder auch vnserere lere auffss neue mit onbilllicher verkürzung vnd nachteiligem fürgeben / auch mit vermeinter widerlegung sich vntersehen verdächtig zumachen / Darzu mit etlichen nicht wenig beschwerlichen vffträgen vns veronsglimpfen / Fürnemlich das wir die Acta oder Protocoll des Maulbrunnischen Besprechs ontrewlich vñnd verfelscht in Druck sollen gegeben haben / So ist vnserers achtens / neben anderer verstendiger vnd Christlicher leute bedencken / ob es wol bey denen die mit onparteiischem vnd mit vorurteil oneingenomenem gemüt beider teil schriften ansehen vnd erwegen / vnserer verantwortung nicht fast bedarff / Doch vñ etlicher willen / die auß vertrewlicher zuuersicht zu den iren / vns onerkanter sachen / für desselben so vns zugemessen / schuldig halten möchten / vns solchs nicht so gar mit stillschweigen zuobergehen gestanden. Denn keine sache so gut ist / welche nicht durch scheinbare vnd viel getriebene anfechtung vnd nachlässige vertedigung / könnte für böß angesehen werden / Welchs den jenigen / so die göttliche warheit bekennen vñnd vertedigen sollen / mit sonderem

rein fleiß vnd ongesparter mühe in alle wege zu verhüten.  
 Derhalb auch wir so viel immer an vns mag sein / mit  
 gutem gewissen für Gott vnd seiner ganzen gemein bezeugen /  
 daß wir nichts mehr von Herzen wünschen vñ begeren /  
 denn daß heilsame Gottselige einigkeit / in allen Teutscher  
 vnd anderer Nationen / der waren Euangelischen lere  
 verwanten kirchen / erhalten vnd gefördert / vnd alle anläß  
 vnd vrsachen zu zwittracht vnd spaltungen vermieden vnd  
 auffgehoben werden. Vnd wie vns wider die Wirtembergischen  
 Theologen einen buch staben zuschreiben nie in vnsern  
 sijn wer komen / da wir nit von inẽ schrifftlich angegriffen /  
 vñ vnser lere vnd kirchen zu verantworten weren gedrungen  
 worden / Ja auch andere deren wider vns oder vnser lere  
 außgegangenen Büchern / wir in vnsern ersten schuffien  
 auß bewegliche vrsachen zubegegen fürgenomen / vñ deren  
 lere vnd schreiben zum teil auch die Wirtembergische  
 Theologen selbst als onchristlich vñ abschewlich verworffen  
 vnd von sich geschoben / dennoch nit gewolt namhaftig  
 machen / damit mentiglich sehen möchte / daß wir nit die  
 person / sonder allein die lere meineten / Vñ da wir vns  
 gegen den Wirtembergischen Theologen mit namen zu verantworten /  
 von snen genötiget worden / zu solchem nit vne grosse  
 beschwer vns habẽ bewegt lassen / Also sind wir auch  
 hinfüro nit gesünet / einiges schreibẽ wider sie zuthun /  
 da wir nur zu solchem nit mit öffentlichem gewalt vnd gesuchter  
 zündigung von snen werden gezwungen.

Daß aber wir noch dise kurze antwort fürgenomen vnd an alle  
 Christliche Euangelische leut vñ gemeinẽ Teutscher Nation  
 geschriben / hat vns erslich die ob gemelte not / göttliche  
 warheit zuretten / verurrsacht / vnd demnach auch / daß  
 die

5  
die Württembergischen Theologen das vrtail dieser sache der  
Christlichen Euangelischen kirche wollen befolhen haben/  
Vnd aber wir vns dermassen bewust sind / daß wir diesen  
Richter vnd scheidmä / Gott lob / alle zeit mit so gutem vnd  
freudigem gewissen / als sie die Württembergischen Theolo-  
gen / annemen vñ leiden mögen / Vñ nichts mehr begeren /  
daß dz ein jedes Christlich onparteiisches gemüt / nach sei-  
nem gewissen / vnd ihm von Gott verliehenem verstand  
Euangelischer warheit / vnser vnd der Württembergischen  
Theologen lere vnd schriften gegen einander halte vnd ge-  
gen dem einigen grund vnd richtschnur H. schrifft / vñ den  
Articulen vnserer algemeinẽ vralten Christlichen Glaubens  
halte vnd erwege / vñ als denn frey vnd vnuerblümet / von  
beiden das vrtail spreche. Wollen derhalben / damit solches  
vrtail einem jeden auch ongelernten vnd gemeinen Christen /  
desto leichter sey zufellen / In ist fürgenomenem schreiben /  
auffß fürhest / als die sache mag erleidt / Anfenglich der auff-  
lagen / so die lere nit angehen / Vnd zum andern der vns zu-  
gemessenen Irthume vnd vermeinten widerlegung vnser-  
rer lere vns verantworten / Zum dritten auch der Württem-  
bergischen Theologen gegenlere vnd beweiß / fürzlich ge-  
gen vnserer zuvor offft gegebenen antwort halte / Vnd zum  
vierten vñnd letzten die Ableinung der verdamten Ir-  
thumen vnd Akerceien erwegen / so auß der Württember-  
gischen Theologen lere von Christo / würden erfolgen.

i.  
ii.  
iii.  
iiii.

l.  
Ableinung der Aufflagen / damit wir  
beschweret werden / außserhalb  
der lere.

Wiewol



Wiewol wir bedachte waren / auff der Wirtembergi-  
 schen Theologie sünst wider vns außgangt schrei-  
 ben/allein so viel die widerlegung vnserer / vñ ver-  
 tedigung jrer lere belanget / kürzlich zu antworten / Jedoch  
 weil sie etliche nebenklagen wider vns mit einfüren / die wol  
 für sich selbst zu der lere nicht gehören / aber dennoch die  
 selbe bey vielen verdächtig machen / vñnd die zuuor einge-  
 nommen vnd verbitterten gemüter / von erwegung beider  
 teile meinungen abhalten / vñ an erkündigung der warheit  
 verhindern / So haben wir solche hindernisse eben im ein-  
 gang dieser vnserer verantwortung / auß dem wege zureu-  
 men vnd kürzlich abzuleinen / oder viel mehr vnserer schon  
 zuuor darauff gegebenen antworten / den Christlichen Les-  
 ser zu erinnern / für notwendig geachtet / damit er von dem  
 selben onangefochten vnd ongeblendet / die sach an jr sel-  
 best onparteißsch vnd beim liecht ansehen vnd betrachten /  
 vnd auß rechtem eigentlicher grund die warheit suchen vnd  
 daruon vrteilen möge.

I.

Fürs Erste / wird vns die schuld gegeben / daß auff das  
 Maubrunnisch Gespräch nicht die erwünschte verglei-  
 chung / sonder nur grössere weitleufftigkeit vnd spaltung  
 erfolget ist. Dis ist wie in allen / also auch in der lere vnd  
 Religion spaltungen / ein klag beider des rechten vnd on-  
 rechten teils vber den andern. Weil aber nicht die / so sich  
 mit niemands zustreiten oder zuzanken nötigen / sonder da  
 sie von andern angefochten vñnd gedrungen werden / die  
 warheit mit gebürlichem glimpyß vñ ernst vertedigen / vnd  
 sich von derselben nicht abwenden lassen / sonder die jeni-  
 gen ein vsach der trennung vñ weitleufftigkeit sind / wela-  
 che newe vnd onrechte lere in die Christliche Kirch einzufü-  
 hren /

fären/ vnd wider allen grund Göttliches Wortes halftar-  
 riglich zuerhalten vnd zubehaubten sich vntersehen / So  
 sind wir guter hoffnung/ es werden alle verstendige nit auff  
 diese vnnnd dergleichen beschuldigungen / sonder auff den  
 grund derselben / nemlich auff beides teils Lere vnd beweiß  
 sehen/ vnd vns nicht ehe für vnruhige Leute vnd vrsächer  
 der trennungen halten / denn wir von vnserm gegenteil ir-  
 riger lere vberwiesen werden/ welches/ Gott lob/ noch bis-  
 her nit geschēhē / auch mit Gottes hülff/ vns in sezt schwe-  
 bendem streit nicht ist zubeforgen.

Fürs Ander / damit sie solche vrsach der trennung auff  
 vns möchten bringen/ beklagen sie sich abermal/ wie so viel  
 beschwerliche reden vnd schriftten/ vnd vnuolkomene ver-  
 zeichnissen / durch vns von gehaltenem Gespräch außge-  
 breitet. Bestehen aber wir auff vnser zuuor hierauff ge-  
 gebenen antwort/ daß wir vns solches mit nichten bewust  
 sind / ist auch von snen noch nie erwiesen. Vnd tragen wir  
 darob ganz vnd gar keinen schew / da gleich die ganze welt  
 lesen vñ wissen soll / was jemand auß vns se von gemeltem  
 Gespräch hat geschriben / Zweifel vns auch nicht/ da die  
 Wirtembergischen Theologen / etwa solche vnser schriff-  
 ten köndten darthun / die der Wahrheit ongemēß weren / sie  
 würden dieselben zu bescheinung irer klag/ nicht haben hin-  
 derhalten. Denn daß sie fürwenden / es möchte den selben  
 personen/ an die es geschriben / etwa gefahr bringen/ were  
 leicht zuuerkomen gewesen/ dieweil one not die Namen der  
 selben zumelden.

Fürs Dritte/ vermeinen sie solchen vnglimpff auch mit  
 dieser klag auff vns zuladen/ daß wir wider den Hilspacht-  
 schē Receß oder Abschied/ die Acta oder Protocoll des Ge-  
 sprächs

II.

III.

B

spreche haben an tag gegeben. Ist aber damit nicht geantz  
 wortet auff vnserre gemeldter publication des Protocolls/  
 von vns angezeigte vrsachen/ Das nemlich wir in vnserer  
 einfalt/ so onbedachtig nicht gewesen/ das wir vns mit die-  
 sen Theologen in einiges Gespräch hettten einzulassen ver-  
 williget/ Die Acta/ so es die not erfordern würde/ zu publi-  
 cieren onuorbehalten/ Vnnd aber sie/ ob gleich wir solche  
 publication nicht begert/ vns dieselbe mit frem parteiſſchen  
 Bericht vnnd Außzug des Protocolls/ nicht allein frey/  
 sonder auch notwendig vnd onuermeidlich gemacht/ weil  
 meniglich verstehet/ vnnd die am tag liggende sacht selbst  
 außweiset/ das ohne darlegung des Protocolls weder der  
 von ihnen mit ongrund auff vns geladene onglimpff ab-  
 zuleinen/ noch ihr vnd vnser Ja vnnd Nein/ mit einigem  
 Bericht oder Gegenbericht zuentscheiden gewesen. Dar-  
 gegen aber hat ihre des außgangenen Berichtes entschul-  
 digung keinen grund. Denn nicht allein die fürgewent-  
 te vrsacht desselben/ nemlich durch vns außgebreitete ver-  
 zeichnissen vnnd geschrey/ ihnen darzuthun/ biß in ewig-  
 heit onmöglich ist/ Sonder auch/ da gleich solches ge-  
 schehen were/ welches doch nicht ist/ Dennoch sie lieber  
 mit dem Protocoll/ denn mit ihrem Außzug/ solchem zu-  
 begegnen/ diß gar nicht gehindert hette/ wie sie fürgeben/  
 das zweye vnterschiedene Articuli des Abscheids gewesen/  
 Die handlungen des Colloquii weder mit Schrifften noch  
 in andere wege weitläufftig zumachen/ vnd/ die Protocoll  
 bey Chur vnnd Fürsten handen zulassen/ Die weil sie vn-  
 terschieden eben so wol als onunterschieden/ beide zugleich  
 in einem Articuli/ das ganze Protocoll/ vñ nach eines teils  
 gefallen

gefallen darauff gezwackte stück vnnnd Aufzüge/ zu publi-  
cieren verbotten gewesen / Das also sie mit irem bestimmes-  
ten Aufzug / so wol auß dem Andern als auß dem Ersten  
Articul anfanglich geschritten / vnd vns ihnen zu antwor-  
ten verurrsacht vnd genötiget haben.

Zum vierden / welches vns in ihrem jüngsten schrei-  
ben am beschwerlichsten für gefallen / vnd vns darauff kur-  
ze antwort zugeben fürnemlich verurrsacht hat / werden wir  
von den Theologen geziehen / daß wir das Protocol dem  
Original nicht gleichlautend haben lassen auß gehen / son-  
der dasselbe vnser gefallens geendert / gemindert / gemeh-  
ret / vnnnd mit allerhand zusatz vnnnd glossieren / auch in an-  
ziehung der Sprüch auß der Heiligen Schrifft vnd zeug-  
nissen der alten Väter / Desgleichen in den Versionibus  
auß dem Latein in das Teutsch / partijsch gehandelt / vnd  
vnsern vortell vnd glimpff zu ihrer beschwerung vnd ver-  
unglimpffung gesucht.

I III.

Dieser klag hat vns billich nicht wenig gewundert / weil  
nicht allein vnser gewissen für Gott / sonder auch die that  
für aller Welt / vns genugsam zeugniß giebet / daß vns  
hierinnen ongütlich / vnnnd öffentlich vnrecht geschiehet.  
Vnnnd ist zwar vnser sacht / Gott lob / dermassen geschaf-  
fen / daß wir solches behelffs in keinen weg bedörffen /  
Auch wir nicht so onbedacht vnnnd küne / daß wir in ange-  
sicht aller vnserer Freund vnnnd Feinde / dieselbe mit die-  
sen oder dergleichen / vns vnnnd der warheit nachteiligem  
vorteil / verdächtig machen / vnnnd das jenige zuuerschla-  
gen vns vntersehen wolten / das sich doch keines wegs mit  
bergen noch entschuldigen ließe.

D if

Damit

Damit wir aber den Christlichen Leser nicht auffhalten/  
hat gemeldte klag von verfälschung des Protocolls / vier  
stücke / vnter welchen das erste / daß wir das Protocoll ge-  
endert / gemindert vnd gemehret haben.

Dis schreiben wol die Theologi von vns / thun aber kein  
ort oder Exempel dar / damit sie beweiseten / daß solches von  
vns geschēhe. Ist derhalb vns viel leichter solches zu vera-  
neinen / den inen von vns zusagē. Sie beruffen sich auff die  
Collation des Heidelbergischen vnd Tübingischen Exem-  
plars / Desgleichen thun auch wir. Denn wie sie nach vns  
srem / Also auch wir nach srem geschriebnen Exemplar / die  
Acta haben lassen aufgehen. Da aber jemand hie wolte  
sagen, Es stehen dennoch nit wenig worte in vnserm druck  
anders / denn in srem / Ist dis vnser antwort.

Erstlich finden wir einen guten teil derselben worte also  
in dem Wirtembergischen Original geschrieben / wie sie in  
vnserm Druck stehen / vñ köndten vielleicht in etlichen wol  
mit so grossen schein von den Wirtembergischen Theolo-  
gen sagen / sie hetten vorteil darinnen gesucht / als sie von  
vns. Weil aber wir vnserer sachen behelff nit so genaw an  
inen dorffen suchen / als sie an vns thun / Vnd wissen / daß  
solche ungleichheit etlicher wörtelein sich leichtlich im Abco-  
pirn vñnd Collationirn zutragen kan / lassen wir solchen  
argwon faren.

Die ort sind diese.

Im Heidelbergischen druck / am 1. blat / 2. seitten / 28. zeil / stehet / Es machten  
aber dennoch 2c. Darfür stehet im Tübingischen Druck / Es hetten aber dennoch  
sre Chur vnd Fürstl. G. 2c. Heidelb. 2. 1. 29. zwischen beiderseits. Tüb. zwischen  
sren beiderseits. H. 2. 2. 13. vieler betrübten gewissen vnd seligkeit. T. vieler be-  
trübten gewissen heil vnd seligkeit. H. 5. 1. 2. Hierin stehet die hauptsach. T. sres  
he. H. 5. 1. 3. werde. T. were. H. 17. 2. 17. Itaq. T. Ita H. 17. 2. 19. quod. T. quia.  
Heidel. 23. 2. 30. als stücklin brots. Tüb. als der stücklin brots. Heidel. 28. 1. 6.  
die

die vorige fallen. T. die vorige fallen laffet. H. 55. 1. 22. zusammen gesetzt. T. zusammen gesetzt ist. H. 55. 2. 13. den ganzen Text. T. den ganzen Text/der lautet also. H. 56. 1. 3. daß Christus nach dem er/x. T. daß Christus sagt/ nach dem er x. H. 76. 1. 28. bey vns. T. bey vns sey. H. 98. 2. 19. verstande. T. verstehē. H. 100. 1. 23. vnuerglichen bleiben. T. vnuerglichen bleiben/wie denn bisher noch bestetische weise. H. 102. 1. 16. andere verborgene Maifestische weise. T. andere Maifestische weise. H. 102. 1. 18. von allen alte Lereern. T. von alten Lereern. H. 102. 1. 20. vnnot sie zuerzelen. T. vnnot sie jetzt zuerzelen. H. 103. 1. 23. nicht alle mal geoffenbaret. T. gebraucht. H. 110. 2. 14. wir halten euch/x. T. wir haben euch/x. H. 119. 2. 8. zur sachen greiffen. T. zur sachen treten. H. 122. 2. 18. an welchem ort d'offen sehet. T. an welchem ort das wörtlein d'offen sehet. H. 124. 2. 26. So viel den ersten Spruch belanget. T. So viel den Spruch belanget.

Zum andern/sind auch etliche worte im Abschreiben des Exemplars / dieweil das Original hat müssen sauber gehalten werdē/im Collacionirn / vnd im drucken vbersehen wordē / derē etliche in der Correctur gesetzt / etliche auch wider vnsern/vñ der schreiber vñ Correctorn willen vñ möglichen fleiß/onuerzeichnet blieben/welches vns für ein verfehlung des Protocolls auffzurucken/ein jeder verständiger one zweifel für beschwerlich vnd onbillich erkennet.

Die ort sind diese.

Am 1. blat. 2. seitten. 11. zeil. gewand / ließ / gemeind. 4. 1. 14. bedenkens / windsehens. l. bedenkend / windsehend. 4. 1. 17. vnd für Chur. l. vnd jrer Chur/x. 5. 1. 8. sie. l. sie/mit dem kleinern druck. 5. 2. 14. vielmal. l. allmal. 6. 2. 25. v biquitate corporis Christi caret. l. v biquitate caret. 8. 1. 24. detur. l. det. 9. 1. 16. expendenda. l. exponenda. 11. 2. 9. das ewig leben. l. das ewig leben in jm. 11. 2. 27. transfusa. l. transfusa realiter. 12. 2. 18. negent. l. urgent. 12. 2. 27. vnd 28. welche wir vernemē. l. dar auffer bringt. 19. 1. 15. spricht gegēteil/x. l. spricht gegen teil / die sache sey inder schrift nie deutlich x. 21. 1. 12. iudē. l. jm. 24. 1. 7. werdē. l. werden/mit dem kleinern druck. 24. 2. 16. Humanitas. l. humanitas Christi. 26. 1. 4. als wir. l. als ob wir. 27. 2. 3. aller. l. alle. 29. 1. 18. auch gestern. l. auch je gestern. 34. 1. 18. vnbeschriebē. l. vmbeschriebē. 39. 2. 2. vnd 3. so vom wort angenomen/soll klein gedruckt sein. 45. 2. 9. sonder. l. oder. 47. 2. 27. auch. l. euch. 51. 1. 21. dann wie. l. dann wie. 51. 1. 29. der halben. l. derselben. 58. 1. 6. die. l. sie. 63. 1. 6. gemacht. l. gemacht hat. 66. 1. 5. welche seine Maifestet. l. welche Maifestet. 76. 2. 13. der halben.

haben, sol klein gedruckt sein. 78.2.3. *diuinitatis suae*, sol folgē/ *mortuus est natura carnis suae*, et nō est mortuus natura diuinitatis suae, etc. 85.1.18. auß schrifft. l. auß heiliger schrifft. 85.2.14. *impleri*. l. *impletur*. 89.1.10. art. sol grob gedruckt sein. 89.1.28. zugleich. l. zugleich vnd auff. 90.1.3. weite. l. andern. 94.1.8. leichtlich. l. gang leichtlich. 94.1.31. vnd bald. l. vnd bald hernach. 98.1.25. Christus. l. der Herr Christus. 102.1.3. ein ding. l. eins. 108.1.27. tranck. l. trinck. 115.2.20. Aber mit allem. l. Das brot/ Aber mit allem. 118.1.18. dise fragen. l. dise zwey frage.

Zum dritten / damit wir nichts verschlagē / sind auch etliche wörterlein / doch die wenigste / sonderlich dadurch die rede an einander gehengt vñ regiret wird / Als nemlich / vnd / darumb / doch / daß / wie / weil / &c. bißweilen anders gesetzt / den sie im geschriebē stehen / nit an der meinūg des Protocollis das kleinste zuendern / sonder allein die rede vñ worte / welche sonst entweder onteutsch oder gang onuerstendlich gewesen / dem ongeübten leser etwas verstandlicher vñd minder verdriesslich zulesen sein möchten.

Die ort sind diese.

Am 5. blat. 2. seiten. 6. zeil. haben wir in vnserm Druck gesetzt / verstehen / &c. wie obsehet. *pro* / wie obsehet / verstehen / &c. 20.1.9. die meinūg. *pro*. Ita: die meinūg / &c. 21.1.17. der menschheit / *pro* / dem menschen. Denn also zulesen die gang vor vñ nachgehende disputation erfordert. 27.1.2. da *pro* / daß. 27.2.9. *se* / *pro* / *mi*. 30.2.21. Hat nit sterbē mögē / *pro*. Ergo, hat nit / &c. 34.2.10. derselben / *pro* / deren. 35.2.12. vnsterblich gewesen / vñ jez vnsterblich sey / *pro* / vnsterblich gewesen sey / vñ jez vnsterblich. 38.2.11. *de anima et corpore*. *pro*. *de corpore*. Ist in der version mit kleinem druck gezeichnet. 38.2.17. es ist vñ bleibt eben dieselbe Gottheit / *pro* / es ist eben dieselbe Gottheit vñ bleibt / &c. 38.2.22. *non quia exaequauit*. *pro*. *non exaequauit*. 39.2.17. darumb almechtig / &c. daß / &c. *pro* / darumb almechtig / &c. darumb daß / &c. 39.2.26. Almechtigkeit / *pro* / Almechtigkeit hat. 44.2.26. vnbeschweret lassen / *pro* / vnbeschweret bleiben lassen. 46.2.24. *Non dum uidemus*. &c. Heb. 2. *pro*. *Non dum uidemus*. &c. 49.1.2. solche annemūg der menschheit / sollte ein vergleichūg / &c. *pro* / sollte solche annemūg der menschheit ein vergleichūg / &c. 50.2.28. folget darumb / *pro* / darumb folget. 54.1.21. als so doch / *pro* / doch also. 63.2.4. auß Joh. 1. *pro* / auß Joh. 1. spruch. 72.2.5. die Mater ist kein außgedehnt vmbschrieben ding ist / *pro* / die Mater ist kein außgedehnt vmbschrieben ding ist. 72.2.7. da man. *pro* / daß da mā. 74.1.9. als auß allen / *pro* / so

so wenig als auß allen. 79.2.5. allein angezogen. pro/allein darumb angezogen.  
 79.2.12. melden. pro/gemeldet. 82.1.17. modus. pro. moles. 105.2.17. im Nach-  
 mal der leib Christi/mit allein köndte / sonder auch mit der that müß entgegen sein.  
 pro/im Nachmal muß der leib Christi mit allein können/sonder auch mit der that  
 entgegen sein. 107.2.26. Bitten aber/das. pro / Bitten aber/ doch. 122.1.4. dem  
 der leib. pro/ dem wie der leib. 122.2.22. das ihr. pro/ weil ihr. 125.1.7. zugleich  
 auff Erden vnd im Himmel. pro/ zugleich auff Erden vnd zugleich im Himmel.

Zum vierden vnd letzten / sind alle diese ungleichheiten/  
 etlicher worte in den Exemplarien / dermassen geschaffen /  
 daß sie der sacht vnd dem verstand nichts geben weder ne-  
 men / Vñ derhalben sie für ein verfälschung des Protocolls  
 anziehen / etwas zu viel sein würde. Solches beweiset nicht  
 allein die erfuchung der Exemplar / Sonder auch / daß wir  
 wol zufrieden / man lese dieselben worte / nach vnserem oder  
 nach dem andern druck / Diueil wir sehen / daß weder dem  
 gegenteil / noch vns etwas damit geholffen oder genommen  
 wird.

Die ander klag der Theologen in diesem stück / ist vber al-  
 lerhand zusätze vnd glosieren. So viel wir können erachten/  
 meinen sie damit die von vns mit kleinen buch staben zwit-  
 schen den Text des Protocolls eingesezte worte. Sind aber  
 erstlich dieselben alle dermassen gesetzt vnd geschaffen / daß  
 sie die meinung vnd verstand des Protocolls in keinen weg  
 endern / noch mehrn oder mindern / welches die erfuchung  
 des Exemplars für mentiglich bezeuget. Können derhalben  
 wir einigen vorteil oder behelff darinnen nicht gesucht ha-  
 ben. Die vrsach aber / darumb wir sie nach vielem beden-  
 cken gesetzt haben / ist diese / Daß zum teil im reden / zum  
 teil im Excipiern oder schreiben ( Sonderlich in den ersten  
 handlungen / da nicht / wie hernach / in die Feder geredt  
 worden ) bißweilen die wort also gefallen oder gesetzt / daß  
 entweder



entweder etwas zu völligem verstande mangelt / der sonst die rede onbequeme oder dunkel / vnd also sonderlich dem ongelerten / gemeinem leser onuerstendlich oder verdriesslich zu lesen wird. Solchen mangel zuersehen / haben wir vmb der ongeübten willen / denen one das solche disputationes leichtlich schwer vnd dunkel scheinen / vnd einen vberdruss bringen / wenn schon auß dem stylo vnd den worten wol zu kommen ist / dieselben worte / so entweder öffentlich vñ notwendiglich nach der Grammatica oder art Teutscher sprach / oder nach außweisung der vor vñ nachgehenden rede / oder meinung beider parten / zu volkömmlichem vnd klarem verstand / vñnd wie ein sentenz oder rede auff die ander gehe / oder an der andern hange / zusehen / erfordert werden / oder sonst dem einfeltigen leser dienstliche nachrichtung zu klarem vñ ongezweueltem verstand geben / zwischen die worte des Protocolls zusehen / nicht allein one alle gefahr vnd nachteil / sonder auch dem leser / vnd beider teile Colloquenten / kömlich vnd zuträglich geachtet. Vnd damit vns niemand beschuldigen köndte / wir hetten dem Protocoll etwas zugesetzt / vnd dasselbe nicht trewlich lassen aufgehen / Haben wir nit allein mit größtem fleiß / obgemeldte worte durch ein kleinere schriftte von den worten des Protocolls vnterscheiden / sonder auch zu ruck des ersten blats / den leser des selben erinnere. Exempel. Fol. 11. Fac. 2. Lin. 8. Stund im geschriebnen Exemplar / Ergo, So ist Gott. Warumb sollte nicht besser sein / So ist er Gott ? Wie es auch im Zwingischen druck stehet. Mögen es vielleicht in ihrem geschriebnen Exemplar also haben / vnd ist recht / Aber in vnserm nicht gestanden / darumb von vns darzu gezeichnet mit der kleinen schriftte. Item / Fol. 21. facie 1. lin. 18. Stehet / Ant wort /

wort/ Ist stracks wider in. Daß alhie der gemeine leser ver-  
 stünde/ was wider den gegenteil were/ Haben wir darzu  
 gezeichnet/ derselbe ort ist stracks wider in. Vñ weiter am sel-  
 ben ort/ stehet also/ Er behalte es in ewigheit. Damit klar  
 were/ was Christus in ewigheit behalte/ haben wir darcin  
 gesetzt/ Nämlich diese gleichheit. Vnd bald hernach stehet also/  
 Aber folgt nicht/ daß in dem menschen Christo alle eigens-  
 schafften der göttlichen Natur sind gegeben worden/ zc.  
 Weil dis etwas kurz vnd dunkel geredt oder geschrieben  
 war/ damie nit ein einfeltiger meinete/ wir entzögen Chri-  
 sto seine gottheit vnd Matestet/ wie wir aufgeschrien wer-  
 den/ habē wir darzu gezeichnet/ das ist/ seiner Menschheit/ Damit  
 ein jeder verstünde/ daß vnser meining sey/ Christus habe  
 die göttlichen eigenschafftē an sich/ nit nach seiner mensch-  
 heit/ sond nach seiner Gottheit/ vermög der ganzē Maul-  
 brunnischen handlung/ vñ aller vnserer lere vnd schrifftē.  
 Item/ Fol. 28. fac. 1. lin. 6. Stehet also/ Dieweil jr die vorige  
 fallen. Weil dis nicht allein onuerstendlich/ sonder auch  
 onteusch/ Haben wir gesetzt/ Dieweil jhr die vorige schluss-  
 rede fallen laffet. Vnd zwar das wörtlein/ laffet/ auch  
 im Tübingischen Druck gesetzt/ wie denn der sentenz erfor-  
 dert. Stehet vielleicht in frem geschriebnen/ Haben es  
 aber nit gefunden in vnserm. Item/ bald hernach stehet al-  
 so/ Aber wie dem/ ist dis ewer sehiger Syllogismus. Damit  
 ein gemeiner leser nicht lange nachdencken dörfte/ welches  
 der Syllogismus oder schlussrede sein solte/ dauō mā sagt/  
 Haben wir den anfang derselbē darbey gezeichnet/ Wer sige  
 zur rechten Gottes/ ist Allenthalben/ zc. wie obfichet. Vnd also fort an zu  
 reden von allen Exempeln durchaus. Denn daß solche er-  
 setzung der aufgelaßenen worte nicht allein dem einfeltis-  
 gen

gen Leser zu rechtem verstand behülfflich / sonder auch an  
manchem ort ganz notwendig ist / erweisen alle so im Pro-  
tocoll zufinden / vnd zum teil ist angeregte Exempel / Son-  
derlich aber der Ort / Folio 66. facie 2. linea 20. re. da also  
stehet. Doctor Jacob repetiert den Syllogismum [ die  
schlußrede ] vnd antwortet *ad Minorem* [ auff den andern  
Spruch ] Nicht allenthalben sein ist zweierley / Nemblich /  
mit der that vnd wirklich. Erstlich / es haben in der possess /  
ob ers schon nicht braucht / Als wie von einem Fürsten ob-  
gemeldet. Ein Fürst ist ein Fürst / wenn er schon nicht re-  
gieret / oder wenn er bey guten Gefellen sihet / *lure suo habet*  
[ hats dennoch / so viel sein recht belanget. ] Zum andern /  
heißt es / nicht vben. Nach dem andern *modo* [ verstand ]  
globe ichs zu. Nach dem ersten nicht. Alhie sihet ein jeder /  
daß die wort entweder dunckel geredt / oder wie es sich an-  
sehen laßt / nicht ganz haben können in die Feder gefasset  
werden / Also daß ohne endrung oder ergensung nicht dar-  
aus zuformnen ist. Daß im Lübingischen Druck stehet /  
Erstlich heißt es haben / Ist recht / Stehet vielleicht in  
ihrem Exemplar / Doch weil vns das wort / Heißt / geman-  
gelt / haben wir es mit kleinen Buchstaben gesetzt. Die  
zwo weisen aber Nicht allenthalben zu sein / darauff sich  
des Gegenteils Antwort auff vnser Argument / gründet /  
Erstlich / es haben in der Posses / ob ers schon nicht brau-  
chet / Vnd zum andern / es nicht vben / Ist offenbar / daß  
sie zusammen fallen / vnd eben eine weise sind / Nemblich /  
die Allenthalbenheit in der Posses haben / aber doch nicht  
brauchen oder vben. Nun antwortet Gegenteil auff den  
andern

andern Spruch vnserer Schlußrede / welcher also laute  
 et / Nicht allenthalben sein nach der Menschheit / vñnd  
 nach der andern Natur vberal / kan sein mit vereinigung  
 der zwoen Naturen / Vñnd giebt diesen Spruch zu / nach  
 der andern weise / vñnd nach der ersten nicht. Derhalben  
 weil wir wol wusten / daß ihr furnemen nicht were / vñnd  
 zu zugeben / Daß also Nicht allenthalben sein nach der  
 Menschheit / daß sie es nicht habe / mit vereinigung der  
 zwoen Naturen sein könne / Sonder allein also / daß sie  
 es wol habe / aber doch nicht gebrauchte oder vbe / Wie  
 denn die ganze Disputation / vñnd am selben ort diese bald  
 darauff widerholte Antwort aufwieset / So haben wir /  
 damit ihre Antwort verstanden würde / vñnd sich mit ihree  
 meinung reimete / also gesetzt / Erstlich / heist es die Maiestas  
 allenthalben zusein / gar nicht haben / auch nicht in der Possess / ob es  
 schon nicht brauchte / re. Zum andern / Heist es / dieselbe Ma-  
 iestas haben / aber doch nicht vben. Denn also mag nach irer mei-  
 nung bestehen / daß darauff folget / Nach der andern wei-  
 se Nicht vberal zusein / geben sie zu / daß es ohne trennung  
 der persönlichen vereinigung könne sein. Darfür haben sie  
 vff den Rand ein Nota zu diesem ort geschriben (vben) soll  
 heißen (haben) re. Wird aber damit vñnd zugegebē / was wir  
 begeren / vñnd der ganze grund vñnd gebew der Obliquet in  
 einen hauffen gestossen / Diweil sie zugeben vñnd bekennen /  
 daß nach der andern weise Nit allenthalben sein / nach der  
 Menschheit / das ist also / daß sie das Allenthalben sein /  
 nicht allein nicht vbe oder brauchte / sondern auch nicht  
 habe / könne sein mit vereinigung der zwoen Naturen in  
 C. H. Ist / vñnd die Person nicht trenne. Diese Correctur  
 C ij vñnd

vnd bekentniß nemen wir gerne an / Vnd wolt Gott / die  
 Wirtembergischen Theologen blieben bey derselben / so we-  
 re zu hoffen / es solte dieser streit schon gestillet sein. Ist der  
 wegen hier auß zusehen / daß wir nicht vnsern / sonder viel  
 mehr des gegenteils vorteil hierinnen gesucht / Der aber  
 diese Correctur gemacht / Also begierig ist gewesen / vnseren  
 einseitigen onuorteiligen fleiß vnd mühe zuuerronglimpfen  
 / daß er auch darüber vergessen / was seiner sache dienst-  
 lich oder schädlich were / vnd hoffen wir / wie die erfahrung  
 giebet / daß wir bey dem gemeinen leser / so die warheit zu-  
 uerstehen / vnd nicht tadel zusuchen sich beflisset / da keiner  
 zufinden ist / mit solchen von vns bey gesehen vnd doch von  
 dem Protocoll mit fleiß vnterschiedenẽ worten / keinen on-  
 danck haben verdienet.

111.

Zum dritten / geben sie vns schuld / wir haben in anzei-  
 hung der sprüch auß der H. schrift / vnd zeugnissen der alten  
 Väter / parteiisch vñ vorteilig gehandelt. Wenn wir aber in  
 frem Druck nachsuchen / welches denn derselbe vorteil sey /  
 den wir sollen gebraucht haben / so finden wir nicht / was sie  
 hienit meinen können / denn daß wir an etlichen orten / als  
 nemlich / Fol. 8. 20. 32. vnd 61. die sprüch Eph. 1. vnd Phi-  
 lip. 2. fol. 11. 1. Cor. 15. fol. 16. Joh. 3. fol. 20. vnd 50. Mat. 28.  
 fol. 29. 1. Cor. 2. fol. 103. Act. 2. nicht die ganzen sprüch ge-  
 setzt / wie sie gethan. Ist aber solches auff keinen vorteil /  
 sonder auß diesen vrsachen geschehen / daß sie im Original  
 also stehen / wie in vnserm druck / vñ auch solche ergenzung  
 für onnödig angesehen / dieweil nicht allein die sprüch be-  
 kant / vnd den mehren teil so viel gesetzt / als zur sachen von-  
 nöten / sonder auch die Capitel darbey angezogen / daß sie  
 meniglich leicht nach zusuchen / sonderlich well derselben  
 nicht

nicht so viel / Vnd vber diß alles sie im Protocoll vnd be-  
 derteil angehengtem bericht / so viel vnd offft nach der leng  
 gesetzt / widerholet / erkläret / vnd getrieben werden / daß sie  
 auch dem onerfarnen leser müssen bekant vnd gemein wer-  
 den. Sehen derhalben nit / wie einiger vorteil darinnen von  
 vns hette können gesucht werde. Ja haben auch wir in dem  
 so vñ vnserm teil geredt ist wordē / deß gleichen gethā / Wie  
 fol. 22. fol. 103. 2c. zusehē. Die ort Augustini aber vñ Vigili /  
 fol. 75. vñ 76. habē wir gesetzt / wie dieselbē zu Maulbrunn  
 verlesen / vnd derhalben im Original nit wort wort zu wort  
 gesetzt / sonder allein anfang vnd end verzeichnet. Allda  
 haben sie zu end des Spruchs Vigili ein stuck aussen ge-  
 lassen / darinnen er klar sagt / Christus sey von vns ge-  
 wichen nach seiner Menschheit / vnd sey bey vns nach sei-  
 ner Gottheit / 2c. das lassen wir seinen weg gehen. Auch zu  
 anfang des spruchs Augustini etwas mehr gesetzt denn wir /  
 dessen wir auch wol zufrieden. Denn solches nicht vns /  
 sonder viel mehr vnserm gegenteil zuwider ist / weil Augu-  
 stinus sagt / daß wir jekund Christum haben / so wir from-  
 sind / vñnd zu seinem leibe gehören / vñnd solches durch den  
 glauben / im Tauff so wol als im Abendmal / 2c.

Das vierde in dieser klag ist von den Versionibus oder  
 dolmetschungē auß dem Latein in das Teutsch / darinnen wir  
 auch vnsern glimpyff vnd ihre beschwerung sollen gesuchte  
 haben. Wir aber sind vns bewust / vñnd ist am tage / daß  
 wir so viel möglich / bey den Lateinischen worten im Teut-  
 schen blieben sind / eben auß dieser vsach / daß wir solches  
 verdachts vñnd nachrede / als hetten wir hierinnen parti-  
 isch gehandelt / möchten vberhabē sein. Solches darff vn-  
 sers achtens nicht viel wort / weil die gelerten nicht allein

leichtlich können sehen / ob gegenteil mit vnserer dolmetschung / oder wir mit dieser ihrer vfflag / onbillich beschwert werden / Sonder auch / weder vnserer noch der andern dolmetschung bedörfften / Bey den ongelernten aber vnd der Lateinischen sprach nicht kündigen vergeblich hievon viel disputieret würde. Dis aber können auch die ongelernten verstehen / Vñ hoffen wir / es soll auch bey diesen zu vnserer verantwortung gnug sein / Daß im Eübingischen Exempel einerley Lateinische wort / etwa anders / etwa eben also geteutschet sind / wie in dem vnsern / Vñnd da gleich die wort im dolmetschen geendert / dennoch der verstandt vnd meinung einerley muß bleiben. Denn alle verstendige wissen / daß selten / da ihr mehr ein ding verdolmetschen / sie durch auß einerley worte behalten / ob sie gleich in der meinung keine ongleichheit haben. Denn da man dis also genau wolte suchen / möcht vielleicht mancher noch wol fragen / ob wir oder sie mehr freiheit hierinnen gebraucht / als in ihrem Druck / folio 143 / in erklärung der Dispensation / vnd anderswo zusehen. Begeren aber wir vmb solches keinen zant zuerregen. Darzu kan meniglich gedencken / daß wir vns selbst nicht so viel zuleid würden thun / daß wir in aller welt angesicht ein falsche / oder parteiische dolmetschung würden sehen / da die Lateinischen wort vorder stehen / Vñnd offentlich solche verfelschung wider vns würden zeugen. Beruffen vns derwegen auff das Latein eben so wol als vnser gegenteil.

Auß dieser kurzen Antwort / hoffen wir / soll jederman verstehen / Daß vns ongütlich von den Wirtembergischen

sehen Theologen geschicket / in dem sie vns zeihen / Wir haben das Protocoll ontrewlich / vnd zu vnserm vorteil geendert lassen aufgehen / Wiewol wir nicht zweueln / es werde bey allen verstendigen / solch ihr fürgeben wenig oder keinen schein noch glauben haben / dieweil sie allein wollen / man solle ihnen solches von vns glauben / vnd es mit dem geringsten Exempel nicht können beweisen.

Zum fünfften / Geben sie vns auch schuld / wir haben ein preiudicialische Vorred für das Protocoll gesetzt / das mit die gemütter vor erkendniß der sachen einzunehmen / vnd all vnser gall vnd gifft darinnen aufgeschüttet. Ein Vorred für das Protocoll zusehen / haben wir nicht wol können vmbgehen / dieweil she wolte von nöten sein / das wir die vrsachen der Publication anzeigten. Vnd haben solchs auch die Wirtembergischen Theologen nicht vnterlassen. Ob aber ihre oder unsere Vorrede billicher preiudicialisch zunennen / lassen wir den Christlichen Leser vtheilen. Denn sie vns in ihrer Vorrede / wie sekund ist dargethan / mit vnserm höchsten onglimpff beschuldigen / des sie vns mit keinem grund können vberweisen. Wir aber wissen von keinem vorurteil noch gall oder gifft / weder in vnserer Vorrede / noch in andern Schriffien / sie wöllen denn also nennen die bittere Warheit / so wir darinnen geschrieben / Dieweil wir nichts darinnen gemeldet / weder von ihrer Lere / noch von ihrem Aufzug des Protocolls / welches nicht von vns in vnserm Gegenbericht gründlich vnd augenscheinlich dargethan vnd erwiesen were.

v.

Zum



VI.

Zum sechsten / halten sie auch für onrecht / daß wir vnsern Gegenbericht zu dem Protocoll haben lassen drucken / darinnen wir / wie sie sagen / vnser sacht mit vielen worten wollen beschreiben. Solchen Gegenbericht aber an das Protocoll zu hengen / hat vns niemand denn eben sie selbst gedrungen mit irem ongründlichen Bericht vnd Aufzug des Protocolls / welchem anders nicht zu begegnen / denn so er gegen dem Protocoll würde gehalten / vnd dem Christlichen Leser von stück zu stück anzeigt / wie er mit demselben stimmte oder nicht. Darumb wir auch nicht allein vnsern Gegenbericht / sonder auch iren Bericht haben darzu lassen drucken / Auff daß der Leser in einem Buch bey einem andern hette / was zu erkentnis der sacht nötig / vnd bey beider teil rede vñ antwort lese vñ erwöge. Darzu weisen auch sie in irer Vorrede den leser auff ire zugleich mit dem Protocoll außgegangene Erklärung. Welches da es geschiehet / ist vnser achtens ein kleiner vnterscheid / Es seien die schriften / so sie zusammen wollen gelesen habē / In einem oder zweien büchern gedruckt. Sie müssen doch jedem vergönnen / daß er sie zusammen binden lasse / wenn sie gleich nicht zusammen weren gedruckt. Vnd leslich / ist ire sacht so gut / als sie sagen / ist ir Bericht der warheit vñ dem Protocoll gemäß / ist vnser Gegenbericht nur worte vnd one grund / Warumb ist ihnen denn so beschwerlich / daß man beide schriften mit vñ neben dem Protocoll hat vñ liest? Warumb haben sie denn vnser Gegenberichts ongrund nicht entdecket vñ widerleget?

VII.

Sie schelten auch für ein Calumniē oder verkerung / daß wir ihnen fürgehalten die mißhelligkeit / so in Schrifften H. Brenzen für jarē außgangen / Vnd in irer zu Maulbrunn gethanen

gethanen bekentniß zu finden. Wir haben aber angezeigt/  
vnd mag ein jeder in iren Schriffen lesen / Daß sie zu vor  
geleret vñ gestritten / wenn das wesen oder die substanz der  
Menschlichen natur Christi nicht vberal were da die Gott-  
heit ist / so würde die Person getrent / Jezund aber bekent/  
wenn die menschheit gleich nicht allenthalben were / sonder  
nur das vermögen hette allenthalben zu sein / so würde die  
Person nicht getrent. Dis wollen sie also verstreichen/  
die menschheit sey allezeit persönlich allenthalben gewesen/  
denn dis heisse also viel / als die Maiestat allenthalben zu  
sein haben / aber doch nicht brauchen.

Wir sagen ihnen aber erstlich / daß diese newe rede / Die  
Menschheit ist allenthalben / es sey gleich wesentlich oder  
persönlich / es sey nach dem Posses oder nach dem brauch  
der Maiestat / in die Christenheit keines wegs einzufären  
sey. Denn nit die Menschheit / sonder der Mensch Christus  
wesentlich vñ persönlich / das ist / nicht die menschliche na-  
tur / sonder diese person die warer Mensch vnd warer Gott  
ist / Allenthalben ist / nicht nach ihrer Menschlichen / sonder  
nach irer Göttlichen Natur / substanz vnd wesen. Zum an-  
dern ist persönlich allenthalben sein / nicht so viel als mit der  
substanz vnd wesen menschlicher natur allenthalben sein /  
oder sein können / sonder heist so viel / daß diese person / wel-  
che Mensch ist / allenthalben sey / ob sie gleich dis nicht nach  
irer Menschheit ist. Vnd zum dritten / werden sie niemand  
vberreden / den der sich mit irer newen sprach vnd Theologi  
wissentlich wil verblenden lassen / daß mit dem wesen vnd  
Substanz des Leibs vñ Seelen allenthalben sein / so  
viel heisse als vberal sein können / vnd doch nit sein / sie nen-  
nen dis gleich die Maiestat haben / oder persönlich allent-  
halben

Halben sein / oder wie sie immermehr wollen. Es darff aber  
 diß nicht viel wort / Man lese ire Bücher / so wird man freilich  
 finden / daß sie nit auff allenthalben sein können / Sondern  
 auff allenthalben mit der that / substans vnd wesen der  
 menschheit sein / zuuor allezeit gedrungen haben. Vnd zwar  
 wenn sie darauff nit dringen / so ist all ihr disputirn von der  
 Menschwerdung vñ Maieestet verloren. Deñ man fragt sie  
 nit / was Christus zuthū vermöge / sond' was er thun wolle /  
 nit ob er mit seinem leibe im brot vñ allenthalben sein könne /  
 sonder ob er es mit der that vñ in der warheit sey.

Des gleich i sind sie sehr ögeduldig vber die öwarhafftige geist  
 vilfaltige offenbare / landküdige / grofliche verkerung vñ on  
 warheit der Heidelbergischen Theologie / die den lebendigen  
 wider sie zusehd liegenden H. Brenken mit gewalt wollen  
 Zwinglisch machen / vñnd in anzihen als hette er etliche  
 Sprüch der Schrift vorzeiten anders den jert erklärt /  
 vñnd die Zwinglische lere mit öffentlichen Schrifteen bester  
 igt. Aber diß mag dem Christlichen Leser ein Exempel  
 sein / darinn er sehe / wie die leute da am zornigsten sind vñnd  
 am hefftigsten schelten / da sie am wenigsten schein irer ante  
 wort haben. Denn es habe H. Brenk zuuor vñnd her  
 nach geschriben was er wolle / so kan doch ein einfalt  
 tiger sehen / daß diese seine vorige reden / Die gestalt Got  
 tes sey die natur vñnd wesen des waren Gottes / vñnd diese  
 fetzige / Der text könne solches nicht leiden / sonder es sey die  
 erschaffene Maieestet / das ist / Göttliche eigenschafften der  
 Menschlichen Natur / da sich der Mensch Christus stel  
 let wie ein Gott / ic. Item / Die Göttliche Maieestet Chris  
 tu hat sich außgeleert / damit daß sie den Menschen an sich  
 genommen hat / Vnd / die Gottheit kan sich keins wegs auß  
 leeren /

leeren/sonder allein die Menschheit/ vnd dergleichen mehr  
 die von vns im Gegenbericht verzeichnet / nicht einerley  
 meinung sind/ Ob sich gleich noch ein mal gegenteil vn-  
 ter stünde mit seltsamen krummen glossen/ schwarz in weiß/  
 vnd weiß in schwarz zuuerkeren. Denn dessen sie so sehr  
 wundert/warumb wir H. Brenken wort gesetzt/da er sagt/  
**CH** Iustus hab sich an seiner Menschheit also aufge-  
 leert/das er in der niedrigheit nicht in solcher herlichkeit vnd  
 Maiestet gewesen / wie er in seiner verklärung oder nach  
 der Auferstehung hat gehabt vnd erzeiget /re. Das wun-  
 dert vns ganz vnnnd gar nicht. Denn diß alles auch wir  
 bekennen / Vnd lest sich mit dieser gloss nicht verstreichen/  
 das **CH** Iustus die Maiestet allezeit gehabt / aber nicht ge-  
 brauchen wollen. Denn H. Brenken wort lauten also/  
 das **CH** Iustus wol hette können in diesem Menschen sei-  
 ne Göttliche Maiestet erzeigen / das er in so grosser her-  
 lichheit gewesen were / als er in seiner verklärung vnnnd  
 nach seiner auferstehung hat gehabt vnnnd erzeiget / Aber  
 dennoch hab er diß nicht gethan. Derhalben wir nicht  
 so onwarhafft / freche vnd verwegene Leut sind / als vns  
 Gegenteil machet / Ob wir gleich ihre vorzeiten / da man  
 noch nicht so hart gedrungen ward/ die Vbiquitet mit ver-  
 kerung der Schrifte zubescheinen / von Inen selbst geschrie-  
 bene/vnnnd mit der ganzen Schrifte vnd einhelligem zeug-  
 niß der Alten Christlichen Lehrer stimmende Auflegung  
 der Sprüch Heiliger Schrifte / gegen ihren seßigen erklä-  
 rungen halten.

Also auch wollen sie auß dem mund des glaubens / von  
 welchem

welchem H. Brenk vor zeitē geschriebē/ daß er den leib vnd  
 das blut Christi empfahē/ den mund des leibes machen/ den  
 er doch daselbst außdrücklich von des glaubens mund vnters  
 scheidet. Aber wir haben nicht ein wort oder etliche auß H.  
 Brenken schrifften gezwacket / vnd im dieselben nach vn  
 serm sinn gedeutet / Sonder die ganken orte nach der lenge  
 gesetzt/ vnd gegen einander gehalten/ damit der Leser selbst  
 kōnde vrteilen/ ob vor zeitē/ da man nicht also im streit er  
 wāmet/ auch die welche doch allezeit gut Lutherisch haben  
 wollen sein/ dermassen auff das mündlich essen gedungen  
 oder nicht. Denn es pfleget also zugehen/ wenn man zum  
 ersten von der warheit sich begiebet/ daß man dennoch viel  
 darneben sagt vnd bekent / darauff der frithum leicht zu wi  
 derlegen ist/ Weñ man aber gewar wird/ daß man sich bloß  
 gegeben/ als denn den frithumb zubehaupten / auch das je  
 nige entweder leignet / oder mit den haren auff die onrechte  
 meinung zihen wil / das man zuuor recht vñnd wol gesagt  
 hat. Ist vns derhalben genug solches der Christlichen ge  
 mein zuzeigen vnd irem vrteil heimzustellen.

V III.

Sie sind auch sehr zornig auff vns / daß wir wie sie mei  
 nen/ Landlügen auff D. Luthern vnter der erden erdichten.  
 Nu haben wir von D. Luthern/ seligen/ geschrieben/ Erst  
 lich / daß seine lere vnd Schrifften der Prophetischen vnd  
 Apostolischen Schrifte müsse vnterworffen/ vnd nach der  
 selben erwogen vñnd geprūfet werden / Dieweil er als ein  
 mensch hat können irren so wol als andere fūrtreffliche vnd  
 heilige lerer der Christenheit. Diß sagen wir noch heut/ vnd  
 müssen es die Wirtembergischen Theologē lassen gut sein.  
 Zum andern/ Daß er in der lere vom Abendmal geirret ha  
 be / das sagen wir auch noch/ vñnd bleibet war / so lang bis  
 DAS

Das widerspiel auß D. Luthers Wort erwiesen wird / Vnd  
 können wir anders nicht sagen / ob es gleich ihr vielen  
 zorn thut. Zum dritten / Das er von der Allenthalben-  
 heit des leibs Christi ongleich vnd wider sich selbst / vnd  
 sonderlich wider die lere der Wirtembergischen Theologen  
 geschrieben habe / Vnd sie für einen Articul des glaubens  
 vnd grund der lere vom Abendmal / niemandt auffzudrin-  
 gen sich vnterstanden. Disß sagen wir auch noch / Ja nicht  
 wir / sonder seine eigne worte / die von vns nach der lenge  
 angezogen / Vnd von den Wirtembergischen Theologen  
 wol onwiderlegt werden bleiben / man glosiere sie gleich wie  
 man wolle. Dürffen derhalben wir in diesem nicht / wie sie  
 fürgeben / herzkündiger sein / Sonder vrteilen auß D. Lu-  
 thers eignen wortz / Das er sich auff die Vbtiquitet als auff  
 einen Articul des glaubens vnd gewissen grund seiner lere /  
 nicht gelassen. Das sie aber andere ort anzihen / da er das  
 widerspiel geschrieben / Hilfft sie gans vnd gar nicht / Sie  
 thun denn die von vns angezognen orte in seinen schriften  
 auß. Denn eben auß solchem widerwertigen schreiben /  
 seine schwachheit vnd ongewisheit in dieser sachen ist zuse-  
 hen. Zum vierden haben wir auch gemeldet / was D. Lu-  
 ther mit Philippo von dem streit vber dem Abendmal kurz  
 vor seinem absterben geredt. Das schelten die Wirtember-  
 gischen Theologen mit Joachim Wörlein ein Landtligen.  
 Wir aber haben darbey geschrieben / vnd widerholen hie-  
 mit zur Antwort / Das nicht einer oder zwene / sonder mehr  
 solche zeugen vorhanden / vnd noch bey leben / denen allezeit  
 so viel zu glauben als den Wirtembergischen Theologen /  
 welche vns mit hand vnd mund bestetiget / das sie gemelde-  
 te rede selbst auß Herrn Philippo Melanthonis munde ge-  
 hört /

hört/ Sind auch vrbietig/ einem jedē d'es begeret/ schriftlich  
 vñ mündlich vō dem das sie mit jrer ohrē gehōrt/ zeugniß vñ  
 antwort zugebē. Vñ kan ein jed' auch ringuerstendiger wol  
 gedencē/ da wir solchē grund der sache nit hettē/ wūrdē wir  
 sie nit so offentlich in die welt außschreibē/ viel weniger ei-  
 nem jedē der es begeret/ vnserē anzeiger zuneñen vns erbietē.  
 Deñ ob gleich dieselbē bey vielen hohes vñ nidere stands in  
 Teutschen landen/ bekant vñ glaubwürdig genug / auch jñ  
 also bewußt/ daß sie in offentlichem außschreiben genent zu  
 werdē/ sich nit beschweren/ Doch haben wir vmb gegen teils  
 vñ jres gleichē ongestümmen geschreies willen/ jrer namē ver-  
 schonē/ vñ den onglimpff lieber auff vns deñ auff sie wollen  
 laden. Achit es sey genug/ da jemand sich so wol als wir/ der  
 sache zuerkündigen begeret / vñ derselbē nit grund befindet/  
 daß wir als deñ für onwarhafft gehalten zu werden vns nit  
 widrigē. Daß sie aber anzihē wie D. Luther vor vñ nach ge-  
 dachter rede mit Philippo das widerspiel geredt vñ geschrie-  
 bē/ ist noch lang nit genug vns der Landlūgē zu berweisen.  
 Deñ ebē wie sie one D. Luthers schmehung oder verkleine-  
 rung sagē/ weñ D. Luther solches zu Philippo geredt hettē/  
 so were es im auß schwachheit oder anfechtung entpfallen/  
 Also köñen viel mehr wir one alle verachtūg D. Luthers/ nit  
 allein sagē/ vñ wie sie/ zū schein vñ behelff fürwendē/ sonder  
 mit gutē grund göttlichs worts darthū vñ erhalten/ daß nit  
 das jenige so er Philippo vō seinem Sacramētstreit bekāt/  
 sond' viel mehr/ daß er denselbē zuwider ruffen schewē getra-  
 gē/ vñ noch mehr/ dz er/ es sey gleich vor od' nach dieser rede/  
 (welches wir in seinem werd lassē/ wie es vō andern aufge-  
 schribē/ od' von im geredt vñ gemeinet ist) anders gestüct/  
 geredt oder geschribē hat/ ein grosse merckliche schwachheit  
 vñ

und straußlung an D. Luthern selbigen / gewesen. Deñ vermessentlich protestiern vñ scheltē one grūd göttlichs worts / macht die sache nit auß / stellet auch die gewissen nit zufriedē. Aber wie dē allem / so ist Ir vñ Mörlins lange widerfechtūg nit ehe wid vns / sie widerlegē deñ / daß Herr Ph. Melanthō / seliger / solches vō D. Luthern geredt vñ erzelet / welches sie noch wol werdē lassen. Derhalben weil wir gewiß vñ sicher sind / daß Philippus solches geredt / tragen wir nit zweuel / alle verstendige werden Philippo so viel hierinnen glauben geben / als allen die one grund darwider schreiben.

Ferner wolle sie auch Philippum wider seine willen auff irer seiten behalten / welches sie inen selbst zuehrlē wol hetten lassen verbleiben / sonderlich weil sie wollen so gut Mörlinisch sein. Deñ ob Philippus mit dem irthum der Vbiquitet sey behafftet gewesen / vñ ob er in der meinūg vom mündlichē essen des leibs Christi bliebē sey / werdē inen Mörlin vñ andere / vnser freunde vñ feinde auch on vns wol wissen zu sage / so die Wirtembergischē Theologē sie zufragē gelüftet / Vñ habens inē zwar in vielen grūnigen schrifftē alzu viel gesagt / wie auch Mörlin in gemeltē seinen Landlūgē hefftig vber diesen sal Philippi klaget. Aber es sind Herrn Philippi schrifftē verhandē / auß welchem wir mit sattem grūd habē dargethan / was er von beiden stücken gehalten vñ geleret. Döffen derwegē noch suchē keine bessere zeugen seiner meinung / deñ in selbst. Vñ wundert vns / daß sie die sprūch an Nycontū Pfarhern zu Gorha / vñ dergleichē schufften herfür zihen / welche hernach Philippus selbst hat verworffen vñ widerprochen / wie wir mit seine eignē wortē dargethan. Damit hat Philippus genugsā bewiesen / wie er auch hernach mehr deñ ein mal gesagt / daß nach dem er Johan Decolampadis antwort / auff dieselben seine zusamen gelese

IX.

Spruch



Sprüch/ gesehen vnd bedacht/ ihm anders zu mut ist worden. Wenn wir ihnen dieses sagten/ solte sich wol abermal ein zettergeschrey vber Landliigen erheben. Wissen aber dennoch wir/ neben vielen Christlichen biderleuten/ daß diesem also/ vnd nicht anders ist. Ob auch gleich Philippus zu Wittenberg Communicirt/ hat er doch damit nicht eines jeden meinung vom Nachtmal approbirt/ sonder angezeigt/ daß er vmb dieser spaltung willen die personen vnnnd Kirchen die es hierinnen nicht mit ihm hielten/ nicht für Keiserlich vnnnd onchristlich hielte/ wie Gegenteil gegen vns thut/ Vñ derwegen zu Communicirn sich nicht geschewet/ dieweil man ihn nichts wider sein gewissen zu approbieren gedrungen.

x.

Über diß alles zihen sie für das aller gröbest vnd onuererschämteste stück an/ Daß wir schreiben dörrffen/ vnsere Lere vom Abendmal sey der Augspurgischen Confession vnnnd Apologi gemäß/ &c. Wir aber haben diß nicht allein gesagt vnd geschrieben/ sagen vñ schreiben es auch noch/ sonder haben es auch mit solchem grunde vnnnd beweiß dargethan/ der von jederman noch onwiderlegt ist/ vnnnd ferner bleiben wird. Denn weil vns die wort der Confession vnnnd Apologi nit zuwider sind/ sagen sie wir zihen dieselben auff einen andern verstand denn sie vermögen. Darauff ist von vns nu oft geantwortet/ daß wir nicht allein die wort/ sonder auch den rechten verstand derselben behalten/ vrsach/ Wir bleiben bey der Lere vnd meinung vom Abendmal/ die in Gottes wort gegründet ist/ Derhalben muß Gegenteil entweder beweisen/ daß wir von der Schrift abweichen/ welches ihnen noch bisher onmöglich gewesen/ vnd biß in ewigkeit sein wird/ oder/ welches wir nicht gedencen/ die  
Augspurg

Augspurgische Confession nit also wollen verstanden ha-  
 ben/wie die Schrift erfordert/ Oder/es sey ihnen lieb oder  
 leid/vns bey der Confession lassen bleiben. Zum andern/  
 Haben wir auß den Worten der Confession vnd Apologi/  
 gründlich vñ onwidersprechlich erwiesen/das wir bey dem  
 selben verstand bleiben/den jr die Confession vnd Apologi  
 selbst giebet/ Dieweil darauff die Vbiquitet same de münd-  
 lichen essen onmöglich zuerhalten/ Vnnd ob gleich das  
 mündlich essen nit außdrücklich darinnen verworffen wird/  
 doch solche gründe vnd erklärungen an vielen orten gese-  
 sind/mit welchen das mündlich essen keines wegs bestehen  
 kan/sonder gründlich vnnd starck widerleget wird. Zum  
 dritten bleiben wir bey dem verstand der Confession/wel-  
 chen ihr die hernach geschriebnen/approbirten/vnd auch  
 dem gegenteil onuerwerffliche erklärungen der Confession  
 gebt/ Als nemlich/die Repetitio od widerholung der Aug-  
 spurgischen Confession Anno 57. gestelt/das sie dem Con-  
 cilio zu Trident vberantwortet würde/ Vnd der Franckfur-  
 dische Abschied zwischen Chur vñ Fürsten auffgericht An-  
 no 58. Darnach auch Herrn Philippi/seligen/hernach vor  
 vnd nach seinem thode außgegangene schrifften/welche sie  
 noch nicht als wider die Confession vnd Apologi streittig/  
 wie etlich andere gethan/ zu verdamnen sich vnterstanden.  
 Diese vnser gründe müsten die Wirtembergischen Theo-  
 logen zuuor umbstoffen/ehe denn sie erhielten/das vnser  
 lere wider die Confession vñ Apologi sey/Werden aber sol-  
 ches sie vnd andere hinfurt so wol müssen lassen/als bißher.  
 Denn das sie fargeben/wir sind vns selbst in vnsern Wor-  
 ten zuwider/weil wir sagen/die Confession vnnd Apologi  
 sey mit vns dran/vnd doch bekennen/das die jenigen/so die

Augspurgische Confession gestellt vnd vbergeben / dazu  
mal wider vnserere lere gewesen / Darinnen thun sie wie in and  
dern stücken mehr / da sie sie einreden herfür ziehen / vnd vn  
serer dabey geschriebnen antwort vergessen. Denn erstlich  
haben wir darzu gesetzt / wo nit alle / doch den mehrern teil /  
sind sie wider vns gewesen. Drumb folget nicht das eben  
Philippus oder etliche andere diese gewesen sind / sond me  
nen damit sarnemlich Lutherū vñ darnach andere die seiner  
meinung gewesen. Zum andern habē wir am selben ort / die  
wort der Confessio vñ Apologi / welche dieweil sie auß dē al  
ten rechtglaubigen vñ mit vns stimmenden lerern genommen /  
wir nit können noch sollen verwerffen / von dem verstand so  
ihnen Lutherus oder andere wider derselben lerer meinung  
darauf sie genommen / haben gegeben / deulich vnd mit fleiß  
vnterschieden. Ist derhalbē eben so wenig widerwertig ge  
redt / das die Confession vnd Apologi für vns ist / ob schon  
etliche oder alle wider vns gewesen / die sie vbergeben oder  
gestellt / Als diß widerwertig ist / das wir sagen / Die heilige  
Schrift vnd die alten Christlichen lerer sind auff vnser selb  
ten / Ob gleich der verstand wider vns ist / den ihnen vnser  
gegentil oder andere geben vnd andichten. Denn wer dies  
selb nicht beifelt vnd vnterschreibet / der ist darumb nicht  
bald von der Schrift / den Vätern oder der Confession  
vnd Apologi abgefallen. Ist derhalbē nit wunder / das et  
liche der Confession nicht können vnterschreiben / da man  
sie hat wollen dringen / demselben verstand damit zu vnter  
schreiben / den D. Luther oder andere der Schrift vnd den  
Vätern gaben / An welchen auch vns so wol als andere zu  
binden / Gottes fürchtige vnd verstendige leute vnsero hofs  
fens nicht werden begeren oder für billich halten.

Sie beschuldige vns auch offener onwarheit / in dem das wir geschrieben / das alle andere Euangelische Kirchen Teutscher vnd anderer Nationen / der Vbiquitet widersprechen. Ursach / Sie widersprechen / sagen sie / allein der groben fleischerne / beinern weise allenthalben zusein / dauon wir schreien vnd schreiben.

In diesem bitten wir erstlich den Christlichen Leser / Er wolle doch sehe wie vnsers gegenteils Reden mit sich selbst stimmen. Sie sagen / Das andere Kirchen vnd Theologen in Teutschen landen / nur der groben / fleischerne vnd beinern Allenthalbenheit des leibs Christi widersprechen / vnd der halben ihnen gar nicht widerig sind / dieweil sie nicht von dieser groben / sonder von einer himlischen vbernatürlichen allenthalbenheit des leibs Christi reden. Zu diesem sagen sie / Das auch wir wider dieselbe grobe fleischerne / beinern weise allenthalben zusein streitten. So wir denn diese allein verwerffen / wie komt es denn / das allein vnsere / vnd nicht auch der andern Theologen Lere wider sie ist / So doch wir vnd sene (so den Wirtembergischen Theologen zuglauben ist) eben einerley weise allenthalben zusein verwerffen? Wir achten es könne weniglich darauß leichtlich schliessen / das entweder vnsere Lere nicht wider die Wirtembergischen Theologen / vnd zwisehen vns vnd ihnen nichts denn nur ein wortstreit sey / oder auch andere mit vns wider sie sind / Oder so deren keines ist / wir nicht wider eine grobe fleischerne / beinern weise allenthalben zusein schreien vnd schreiben.

Zum andern zeugen freilich vnsere Bücher / vnd alle die vmb vnsere lere wissen / das wir nit von einer groben / fleischerne / beinern weise reden / sond von aller weise / auff die der

leib Christi allenthalben soll sein / sie sey so subtil / so Geiſtlich / so vbernatürlich / so onbegreiflich vnd himliſch als ſie in ewigkeit erdacht oder ſpeculirt mag werden / Vnd ſagen rund vnd dürr herauß / daß ſre ſubtile weiße / die ſie für ſo ein hohe Mäieſtet halten / eben ſo wol als die grobe fleiſcherne / beinerne weiße / die ſie ſo ferne von ſich ſchieben / dem Wort Gottes widerig / vnd ein verkerung des ganzen Chriſtlichen glaubens ſey. Diß haben wir nu offte vnnnd deutlich genug geſchriebē / Thut aber gegenteil für vnd für / als heten ſie es nie geleſen. Jedoch ſind ſie alhie noch wol zu fragen / was ſie mit der fleiſchern vnd beinern weiße meinen. Denn die weiße allenthalben zuſein iſt weder fleiſchern noch beinern / Vom leib Chriſti aber ſagt Chriſtus ſelbeſt / daß er fleiſchern vnd beinern ſey. Wollen ſie nu / daß der leib Chriſti vberal ſey / vnnnd aber doch das fleiſch vnd blut / die bei 1 die adn / vnd anders das am leib Chriſti iſt / nit vberal ſein / So mögen ſie als denn ſagen / was denn Chriſtus für einen leib habe / oder was daſſelbe ſey / das ſie mit ſo hefftigem ſtreit / an allen orten wollen haben.

Zum dritten / Ob in andern Euangelichē Kirchen / auch da die mündliche nießung Chriſti vertedigt wird / allein der groben / oder der subtilen vnd groben Allenthalbenheit zu gleich widerſprochen werde / wollen wir den Chriſtlichen leſer auß denen zeugniffen der ſelben / die wir in vnſerm Geſenbericht vnd anderswo geſetzt / vnd auß ſrem eignen bekenntnißlaſſen vrtailen vnnnd erfahren. Denn ob gleich etliche / nach dem ſie den platz / den ſie verhoffet / nicht haben behaltē mögen / ſich auß onwillen vber vns / in die Allenthalbenheit begeben / So habē ſich doch die andern der maßen erklaert / daß vns die Wirtembergiſchen Theologen mit  
 ſnen

nen nicht so sehr haben zudrewen / es wolten denn dieselben  
der klar vnd gründlich von ihnen selbst bekanten vnd ver-  
tedigten warheit / öffentlich widerspreche / welches wir vns  
nicht von allen besorgen / ob sie gleich vber dem mündlichen  
essen mit vns nicht zufrieden sind. Vnd im fal / da gleich  
ir mehr zu der Ubiquitet wolten treten / würde dennoch die  
warheit darumb nicht vntergehen.

Leglich was belanget / daß sie vns abermal öffentlicher  
vnwarheit zeihen / in dem / daß wir laugnen wir haben nit  
gesage / Es sey nicht genzlich in der schrift außgedruckt /  
was die persönlich vereinigung sey / daß wir sie zeihē / durch  
ire lere werden vnser leibe zu geistern gemacht / daß wir vn-  
brietig gewesen im Colloquio fort zufaren / Daß wir nicht  
disputirt ob der leib Christi durch holtz vñ stein gedrungen /  
sonder allein gesagt / solches könne auß der schrift nicht  
bewiesen werden / daß sie allerley böse vorteil vnd arglistig-  
heit in frem außzug des Protocolls gebraucht / Darinnen  
zihen wir vns so wol als sie auff das Protocoll / iren Be-  
richt / vñ vnsern Gegenbericht / da ein jeder genugsam  
vnd leichtlich befinden kan / welches teil öffentliche warheit  
oder onwarheit schreibe.

XII.

II.

Ableinung der Irthumen / so vns vnbillich von  
vnserm gegenteil zugemessen werden / vnd ver-  
meinten widerlegungen vnserer  
gründe.

Im Ersten sagen die Theologen bald im anfang / es  
sey zwischen vns vñ ihnen die Hauptfrage / ob der  
E iij warhaff

I.

warhafftige leib vnd blut Christi im H. Sacrament des  
 Abendmals gegenwertig sey / Vnd mit brot vnd wein allen  
 denen außgeteilet werden / so sich des heiligen Abendmals  
 gebrauchen. Zu diesem sagen wir / Nein / wie wir se vnd  
 allezeit bestendiglich vnd mit sattem grund gesagt. Denn  
 wir bekennen vnd glauben / daß nicht ein falscher oder ge-  
 dichter / sonder der warhafftige / Menschliche / wesentli-  
 che / natürliche leib vnd blut Christi / so auß Maria der  
 Jungfrawen geboren / vnd am Creutz für vns gestorben  
 vnd vergossen / in seinem Heiligen Abendmal / nicht allein  
 warhafftiglich gegenwertig ist / sonder auch warhafftiglich  
 gessen vnd getruncken / vñ vns zur warhafftigen speiß vnd  
 tranck des ewigen lebens gegeben wird / one welche speiß vñ  
 tranck niemand das leben in sich haben mag. Daß aber  
 dieses geschehe / darzu wird vermdg der ganzen Heiligen  
 Schrift / vnd einhelligen Lere vnd bekentniß der ganzen  
 rechtglaubigen Christlichen Kirchen / von anbegin bis auff  
 diesen tag / keines wegs nicht erfordert / daß der leib vnd das  
 blut Christi wesentlich vnd leiblich in oder vnter oder bey  
 dem brot vnd wein / oder nach seiner Himmelfart auff er-  
 den / an allen oder an vielen orten sey / vnd mit dem brot vnd  
 wein in vnsern mund oder leib eingehe / Sonder diß gehört  
 darzu / daß wir das leiden vnd blutuergießen Christi vnd  
 die vergebung der sünde / so er vns dardurch hat erworben /  
 mit herzlichem vertrauen annemen vnd vns zueignen /  
 Vnd also durch seine Geist seinem waren leib / als die glied  
 der sßrem haupt / eingeleibet / vnd gleichförmig gemacht  
 werden / Es sey gleich Christus mit seinem leib im Him-  
 mel / vnd die glaubigen auff Erden / wie jekund / oder er mit  
 ihnen auff Erden / wie im Ersten Abendmal / oder sie mit ihm  
 in

in dem Himmel/ wie wir in ewigkeit sein werden/ vermög der  
 Leere **CHRISTI**/ Johan. am 6. vnd 15. vnd Pauli in der 1.  
 zum Corinthern am 6. 10. vnd 12. vnd der einsetzung des  
 Abendmals / da gesagt wird / Dieser Kelch ist das Neue  
 Testament in meinem blut. Diese gegenwert vnd nies-  
 sung des waren leibs vnd bluts **CHRISTI**/ ob sie schon geist-  
 lich vnd nicht leiblich noch mündlich ist vnd geschlehet/  
 So ist sie doch wesentlich vnd warhafftig/ vnd allen glau-  
 bigen von anbegin der Welt bis ans end / zu ihrer seligkeit  
 nötig vnd genug / Vnd lest die Predig des heiligen Euang-  
 gelij / vnd daran gehengte Sacrament vnd Göttliche  
 Sigil / keines wegs leere bloße wort vnd zetchen sein / son-  
 der gewisse vnd freyffige zeugniß / mittel vnd werckzeuge  
 des heiligen Geistes/ dadurch er solche gemeinschafft **CHRIS-**  
 ti warhafftig in vns wircket vnd erhelt ( Es wolte denn  
 jemand nicht für wesentlich vnd warhafftig halten / was  
 durch waren lebendigen glauben an **CHRISTUM**/ vnd wir-  
 ckung seines Geistes in vns geschlehet ) Vnd widerfer-  
 ret / Ja wird bestetiget vnd vermehret allen denen/ die des  
 heiligen Abendmals / recht vnd nach der Einsetzung vnd  
 befehl vnser **HERRN** **CHRISTI** / Das ist / in waren  
 glauben an ihn zu glaubiger gedechtniß vnd erinnerung/  
 vnd zu danckbarer verkündigung seines für vns gesche-  
 henen Opffers / vnd vergossenen Bluts / gebrauchen.  
 Denn diesen allein hat **CHRISTUS** diß Abendmal  
 eingesetzt / Vnd diesen allein ist es ein Sacrament vnd  
 warhafftig des **HERRN** Abendmal/ vnd nicht denen/  
 die allein die eussertlichen Ceremonien / ohne glauben vnd  
 bekerung zur schmach **CHRISTI** vnd ihrem gerichte  
 mißbrau-



missbrauchen / Dieweil außserhalb des rechten von Gott geordneten brauchs kein ding oder Ceremonj ein Sacrament ist vñ bleibet / Wie Rom. 4. von der Beschneidung / vnd 1. Corinth. 11. mit namen vom Abendmal geschrieben stehet.

Diesem vnserm glauben vnd bekentniß nach / haben wir offte vnd viel bezeuget / vñ bezeugen hiemit noch / Das vnser gegenteil vns für Gott vnd aller welt onrecht thut / In dem sie vns auffdichten / das wir die ware gegenwertigkeit vnd niessung des leibs vnd bluts Christi in seinem Abendmal verleugnen. Denn wir diese mit mund vnd herten als lezeit bekant vñnd noch bekennen. Das aber darumb der leib Christi in oder bey dem brot / vnd sein blut in oder vnter dem wein soll sein / Vñ damit leiblich vnd wesentlich in den mund oder leib der glaubigen vnd onglaubigen eingehen / Ja auch vberal wesentlich so wol als die Gottheit gegenwertig sein soll / Dis ist das wir bestendiglich one alle bergung vnd hinderlist verneinen / vnd darüber zwischen vns der streit vnd die Hauptide ist / Das also wir nit die ware vñ wesentliche / in Gottes wort gegründte gegenwert vnd niessung Christi in seinem Abendmal / Sonder die falsche / wider Gottes Wort von Menschen erdichte / abgöttische / leibliche / mündliche gegenwert vñnd niessung seines leibs vnd bluts im brot vnd im wein verneinen.

Dis haben wir wol nu offte vnd viel geschrieben vnd geredt / wird aber von vnserm gegenteil so ganz vnd gar vergesen vñnd vnter die banck gestossen / Als hette man es nie gehört noch gelesen. Bitten derhalben alhie abermal alle biderleut vnd liebhaber der warheit / Sie wollen doch nit vnsern Widersachern vnd verleumdern mehr von vnserer  
 lere

lere vnd bekentniß glauben geben / denn vns selbest.

Unsere haubtbeweißungen / sagen sie / sind diese zwo. II.  
 1. Der leib Christi ist zu einer zeit nur an einem ort / Der wegen ist er nicht im brot nach dem er gen Himmel gefaren.  
 2. Das fleisch ist kein nutz / verstehe leiblich oder mündlich gessen. Nu ist wol war / daß auch diese beweißungen von D. Luthern so wol als von vnserm gegenteil noch nie widerleget sind / ob sie schon viel darwider geschrieben / Aber dennoch soll der Christlich Leser ingedenck sein / daß wir in vnserm beweiß allezeit erstlich fürschlagen / daß die leiblich gegenwert vñ mündlich niessung des leibs Christi im brot / mit keinem wort in der Schrifft ist gegründet / vnd derwegen keines wegs zuglauben oder in die Christliche Kirch einzufüren. Darnach / daß Christus selbest vnd S. Paulus diese wort / Das ist mein leib / viel anders erkläret / Vnd daß Christus nit anders sich vns zuessen giebet / denn wie er biß in ewigkeit in allen außewelten wil wonen / vnd alle Artikel des glaubens von Christo / vnd die ganze lere von Sacramenten vnd dem ganzen Predigamt / viel einen andern verstand dieser wort erfordern. Dis sind vnser haubtgründe / wie in vnsern Schrifften zusehen.

Unsere grund von eigenschafft des waren leibs Christi III.  
 si / wollen sie also widerlegen / Daß er nach dem stand eines natürlichen vnd verklärten leibs jeder zeit nit mehr denn an einem ort / Aber nach d. Matieset / die er durch das sitz zur rechten hand Gottes bekommen hat / zugleich an allen orten sey / Vnd derhalben auch im brot des Abendmals. Sind jnen aber darauff zwo antworten für eine gegeben. Erstlich / Daß der leib Christi im ersten Abendmal noch nicht zur rechten Gottes gesetzt / vnd mit seiner himlischen Matieset

gezieret war / Vnd derwegen ihrer antwort nach / weder von den Jüngern / noch von vns mündlich gessen wird / Diemal wir in jenit anders können vnd sollen essen / denn die Jünger im Ersten Abendmal. Zum andern / Daß mit keinem Buchstaben der Schrifft zuerhalten ist / Daß die allenthalbenheit des leibs ein stück der Matetest Christi sey / die er vor oder nach dem eingang in seine herlichkeit gehabt. Diese beide antworten sind von ihnen noch nie widerlegt / ob sie sich gleich viel daran versuchet.

1111.

Sie wollen nicht lassen gut sein / vnser beschreibung / oder erklärung der Menschwerdung des Sohns Gottes / Daß / nemlich / der ewige Sohn Gottes mit seiner menschlichen Seel vnd Leibe / sich auff heimliche / onerforschliche vnd onausprechliche weise / also verbunden vnd vereiniget hat / daß er mit samt derselben seiner angenommenen menschheit das wesen oder die substanz der einzigen Person Christi ist. Wie wollen sie aber diese erklärung vmbstossen ? Sie sagen / es sey diß nicht genug / zu erklärung der Menschwerdung / vnd zu rechter erkentnis Christi / Vnd fragen derhalben weiter / was diß sey geredt. Darauff haben wir zuuor geantwortet / nicht wie sie sich nicht schämen / nach vnser klaren vnd von ihnen / wie anders mehr / mit schweigen vbergangenen antwort / vnser worte mutwilliglich zuverkeren / daß die menschwerdung Christi in der Schrifft nicht außgedruckt vnd erkläret sey / sonder daß sie geschehen vnd geschaffen sey. Denn so wir sie ganz vnd volckömlich verständen / warumb were sie ein so groß geheimnis dauon Paulus sagt / 1. Timoth. 3 / vnd alle Christliche Lehrer bekennen / daß es vnerforschlich vnd onausprechlich

sprechlich sey: Ist derwegen so viel dauon in der Schrifft  
 offenbaret/ als vns zu vnserer seligkeit nötig / vnd etlicher  
 massen verstandlich ist / daß nemlich / die zwo Naturen die  
 Göttlich vnd die Menschlich / mit einander das wesen oder  
 die substanz / oder / wie gegenteil vnd auch etliche der alten  
 geredt (wiewol sich die newen auff diese weise zureden ge-  
 schewet) stück der einigen person des Sohns Gottes / oder  
 des einigen Christi seien / Wie etlicher massen zu verstehen  
 auß der gleichniß leibs vnd der seelen / welche das wesen/  
 oder substanz / oder stück eines einigē ganken mensche sind.  
 Den auch ein bawer kan verstehē / was da heisset / stück oder  
 teil eines ganken / lebendigen / vernünfftigen / einigen din-  
 ges sein. Vnd diß heisset mit einander eine person machen.  
 Wie aber die Gottheit mit der Menschheit so hart vnd ge-  
 nau sich verhaßtet vñ verbunden hat / daß sie mit vnd ne-  
 ben der menschheit ein wesentlicher teil eines einigen Christi  
 wird / dauon haben wir gesagt vnd sagen noch / werde auch  
 alle rechtglaubige Christē mit vns biß ans end der welt sage  
 müssen / es sey weder auß der schrifft noch auß der vernunfft  
 zuergründen oder zuerforschen / Vnd sollen wir derhalben  
 mit allen Heilige / vnserm Herrn Gott zugefallen / der vns  
 solches als zu vnserer seligkeit nicht nötig / in diesem leben  
 nicht hat wollen fürschreiben zulernen / diß gerne onerfor-  
 schet vnd darinnen mit vergeblicher mühe vnd vnser blin-  
 den vernunfft ongegrübelt lassen. Denn wer da mehr wil  
 wissen / denn ihm Gott offenbaren wil / dem gehet es ge-  
 meiniglich vnd billich also / daß er auch des jenigen erkent-  
 niß verleuret / das ihm von Gott zulernen offenbaret vnd  
 befolhen ist. Volt Gott daß solches vrtail Gottes nicht  
 zusehen were am vnserm Gegenteil. Denn weil sie die

Päpstlichen abgötischen gedicht vom Abendmal zu verteu-  
 digen/ bey obgemeldtem einfaltigen verstand vñ erklärung  
 des worts / Menschwerdung / nicht wollen bleiben / sonder  
 mehr vnd ein anders wissen / denn auß Gottes wort dauon  
 zu lernen ist / So heist bey inen mensch werden / ist den men-  
 schen der Gottheit an eigenschafften gleich machen / Ist  
 mit diesem menschen / ist durch diesen menschen alles wir-  
 cken / Ist daß die Menschheit ein erschaffene mitgeteilte all-  
 mechtigkeit habe / Ist daß Christus keine ande / erschaffene  
 Gottheit habe / sonder die wesentliche natürliche Gottheit  
 wircke alles durch diesen menschen / Ist daß die menschheit  
 mit irer substanz vnd wesen / Ist daß sie persönlich allent-  
 halben sey. Flattern vnd fallen also von einem Irrthum  
 auff den andern / daß endlich sie selbst nicht wissen / was sie  
 sagen / vnd wenn sie lang vñ her gefahren sind / vnd das ge-  
 heimniß der menschwerdung biß auff den boden erschöpfet  
 vnd außgecket haben / So ist endlich der Beschluß / Wel-  
 cher gestalt aber nun die Rechte Gottes / vñ also auch Chris-  
 tus nach seiner Menschheit allenthalben sey / das kan nie-  
 mand mit seiner vernunft begreifen / deñ es ist ein geheim-  
 niß / welches mit dem glauben muß gefasset / aber nicht kan  
 verstanden werden. Merck alhie / Christlicher leser / Wenn  
 sie sagen / daß Gottes Sohn Mensch wird / sey so viel ge-  
 sagt / daß der Mensch Jesus mit der Gottheit allmechtig  
 vnd allenthalben ist / wie er aber almechtig vnd allentha-  
 ben sey / köñe nicht verstanden werden / So ist das geheim-  
 niß der Menschwerdung ganz wol erkläret / vnd die erkent-  
 niß Christi hell vñnd klar für augen gestellt / Wenn aber wir  
 sagen / Menschwerden heisset sich also mit Menschlicher  
 seel vnd leib vereinigen oder verbinden / daß diese beide na-  
 turen

turen miteinander die substanz/ das wesen oder die stück der  
einigen gangen person Christi sind / Wie aber diese zusam-  
menfügung vñnd verbindung zugehe / ist nicht offenbaret  
vñ onerforschlich / So habe wir so dunkel geredt/ daß vns  
niemand verstehet / Vñnd ist die erkentnis Christi gar erlos-  
schen vñnd verloren.

Aber wie dem allem/ so möchten wir wol leiden/ vñ wol-  
ten vns des von herken frewen / daß sie mehr vñnd bessers/  
von diesem vñnd andern geheimnissen Christliches glau-  
bens wüßten vñnd sagten/ den wir/ Daß sie aber mehr wollen  
dauon sagen denn die Schrifft/ das ist sñen nicht zugestat-  
ten. Nun ist aber droben angezeigt / vñnd bey allen rechten  
verstendigen Christen ongezwieuel/ daß Mensch werden/  
nicht nur so viel heiße / als den Menschen mit Göttlichen  
eigenschaften zieren / oder mit vñnd durch ihn alles oder et-  
lichs wircken (Denn diß heiße one allen zweuel mit Nestorio  
Christum trennen) Sonder gar viel ein höher vñ wunder-  
barlicher geheimnis/ nemlich/ daß dieser Mensch Christus/  
darumb Gott ist vñ heißet/ daß die ewige natürliche Gott-  
heit/ so wol als seine Menschheit/ das ist/ sein leib vñnd seele/  
zu seiner substanz vñnd wesen gehörig/ das ist / ein stück oder  
teil seiner person ist. Denn also viel vermögen diese wort  
der Schrifft / das fleisch vñnd die knechtische menschliche  
Natur an sich nemen / vñnd derselben teilhaftig werden/  
Phil. 2. Heb. 2. vñnd die volkomene Gottheit leibhaftig oder  
wesentlich/ das ist/ nicht allein als einen Inwoner/ der den  
Menschen mit gaben zieret / vñnd durch ihn wircket/ sonder  
als ein stück od teil seines wesens oder seiner person / in sich  
wonende haben. Ist derhalben vnser erklärang der menscha-  
werdung/ als die auß der Schrifft genommen/ vñnd allezeit/  
F iij wie

wie sie selbst müssen bekennen / In der Christlichen Kirchen  
 von den Aposteln her behalten / recht / genug / vnd klar / so  
 viel vns Gott in seinem wort dauon hat offenbaren wol-  
 len / Des gegenteils aber nit allein onuerstendlich vnd mit  
 ihr selbst streittig / sonder auch im grund falsch vnd frug.  
 Denn weil sie so viel fragens können / was das sey / daß die  
 Gottheit vnnnd Menschheit miteinander die substanz der  
 person Christi sind / So frage wir sie widerumb / Ob Chris-  
 tus darumb warer Gott sey vnd heisse / Daß die ewige na-  
 türliche Gottheit ein wesentlich stück seiner person ist / wie  
 die ganze Christenheit vermög heiliger Schrift bekennet /  
 Oder / Darumb daß die Gottheit diesen mensche mit göt-  
 lichen eigenschafften ihr gleich machet / oder durch diesen  
 menschen wirket / Wie der Kezer Nestorius / vnnnd andere  
 den Sohn Gottes gelestert / Alhie sollen sie ein wenig ver-  
 blasen / ehe denn sie vber den graben springen / vnd nicht so  
 schnell sein vns vmb der warheit willen als Kezer zuschme-  
 hen vnd zu verdammen / vnnnd für Mahometisten aufzu-  
 schreien / ehe denn sie baß hetten bedacht / wo sie mit ihrer  
 neuen Lere hinauf wolten / Da ob wir dem Mahomet vnd  
 vnd seinem Alcoran neher weren / die wir den Menschen  
 Christum darumb vber alle Engel vnd Menschen setzen /  
 daß er wesentlicher / natürlicher / ewiger Gott vñ schöpffer  
 himels vñ der erden mit seynem ewigen Vater ist / Oder sie /  
 welche den Menschen Christum / allein darumb lassen  
 Gott sein / daß die Gottheit diesem menschen alle ire krafft  
 vñ wirkung gegeben vñ durch in vbe. Deñ ob sie gleich sa-  
 gen / sie geben dem menschen Christo alles / wir aber nur et-  
 was / So ist doch am tag / dz sie im gebē / das er nit habē wil /  
 nemlich die gleichheit seiner menschliche natur mit der göt-  
 lichent

lichen/vñ wirkungen der menschliche natur/ die allein selb-  
 ner Gottheit eigē sind/ Berauben aber hiemit den Men-  
 schen Christum seiner ewigen natürliche Gottheit/ welche  
 das fürnemste ist/ daß im die schrift für alle Creaturē gibe.  
 Dargegen aber dieweil wir diesem Menschen die ewige/  
 natürliche Gottheit zuschreiben/ muß nothalben folgen/  
 daß wir im alles zuschreiben/was dem einigen/lebendigen/  
 waren Gott allein zugehört/ doch also wie auch die Gott-  
 heit selbest im zugeschrieben wird/ durch einigkeit der per-  
 son/nicht durch gleichheit beider naturen oder wirkungen  
 der Gottheit durch die Menschheit.

Also möchten sie auch mit frem schwalbennest am hauß/  
 an einander geleimten brettern/ stro im sack/wol daheimen  
 bleiben. Denn vnser lere von der Menschwerdung Chri-  
 sti/nichts solches vermag. Wir wissen daß die ganze völli-  
 ge Gottheit in der menschheit Christi wonet/Vnd mit der-  
 selbe zu einer einigē person verbundē/vñ dennoch nit in die-  
 selbe eingeschlossen/sond zugleich ganz in irer angenomē-  
 menschheit/vñ außser der selbe an allen ortē gegenwertig ist.

Ire erklärung der menschwerdung habē wir also wider-  
 legt/ Da Christus in mutter leib oder im grab lag/oder am  
 Creuz hieng/war freilich sein leib vnd seele nicht allenthal-  
 ben noch Almechtig/ 2c. vnd war dennoch die person Chri-  
 sti nit getrent/sonder war dieser mensch allenthalben vñ al-  
 mechtig auch im tod/so wol als er warer Gott dazumal war  
 vñ bleib. Derhalbē kan die menschwerdung oder persönlich-  
 vereinigtig nit in der allenthalbheit oder almechtigkeit der  
 menschheit stehen/od diese mit sich bringē. Darauff widerho-  
 le sie ire außflucht/die Nat. Christi hab solches zuthun ver-  
 möcht/od sie es gleich nit allezeit gethā. Lassen aber dahindē  
 vnser



vnser darauff gegebene antwort / Erstlich / Das zwischen vns die frag nicht ist / was Christus zuthun vermöge / sonder was er thun wolle vnd zuthun verheissen habe. Denn so bald sie mit einigem grund der Schrift erweisen / das Christus wolle mit seinem leibe an vielen oder allen orten sein / Sind wir bereit zuverfluchen alle die dawider disputiren / Ob es im zuthun möglich sey. Dargegen aber so bald bekant vnd erhalten ist / das er mit seinem leibe nicht allenthalben ist / vnd alles durch denselben wirket / oder solches nicht thun wil / So ist gewis / das solches die Menschwerdung Christi oder persönliche vereinigung nicht erfordere / Vnd können sie darauff gar nit beweisen / Das der leib Christi im brot oder anderswo sey. Zum andern / Das in der ganzen Schrift nirgend zu finden / das Christus seine Menschheit vor oder nach der Auferstehung almächtigt vnd allenthalben gegenwertig machen / Vnd alle wirkungen seiner Gottheit durch die Menschheit vben vnd volbringen gewolt habe. Stehet derhalben vnser beweis noch feste / Weil der Mensch Christus auch im thod / im grabe / in Mutter leibe / alles an allen orten erhielt vnd regierte / Ja auch Miracul thet / vnd doch nicht durch seine Menschheit sonder durch seine Gottheit / vnd dis one trennung der zwoen naturen / So stehet die persönlich vereinigung nicht in diesem wirken der Gottheit durch die Menschheit / davon gegenteil saget.

Sie zihen auch mit ein / Das Christus leiblicher / natürlicher weise nirgend anderswo denn in mutter leibe vnd im grabe gewesen / Vnd in seiner Auferstehung nichts newes bekommen / denn allein die vollkomene offenbarung der Majestet die er zu vor verborgen gehabt. Lassen aber außen / das

men

nen dargegen eingehalten ist / Der leib Christi sey weder heimlich noch öffentlich / weder natürlicher noch vbernatürlicher weise jemals an mehrer deñ an einem orte gewesen / Sey auch nicht onsterblich vnd one schwachheit gewesen für der Auferstehung / Auch nicht lebendig weil er in dem grab lag / sonder hab solches vermög der H. Schrifft / erst durch die Auferstehung bekommen. Denn Johan. 17. bittet Christus / Der Vater wolle die herrlichkeit seiner ewigen Gottheit / die er allezeit gehabt / aber vnter der knechtlichen gestalt seiner Menschheit verborgen gefüret / durch die herrlichkeit vnd verklärung / die er an seiner menschheit erst bekommen solte / kund vnd offenbar machen.

Auch sol der Christlich Leser alhie als im fürgang merken / Daß sie sagen / In der Auferstehung habe Christus die ganze vnd volkomene offenbarung seiner zuuor verborgenen herrlichkeit bekomē. Nu hat er aber die allenthalbenheit seines leibs nach der Auferstehung eben so wenig als vor / mit dem kleinsten werck oder wort jemals offenbaret. Derhalben folget / daß diese nit ein stück oder volkommenheit / sonder ein erdichter zusatz seiner herrlichkeit vñ Mälestet sey / welche one diese allenthalbenheit ganz vnd vollkommen ist vnd bleibet. Denn daß sie fürwenden / er erzeige sie durch seine wirkungen an allen orten / Darauff ist antwort / Daß die Gottheit Christi ire eigne wirkungen zuvben / die allenthalbenheit der verklärte menschheit eben so wenig bedarff oder braucht / als der onuerklärten.

Item / Daß sie diese ire antwort wollen stützen mit der gleichniß vom kind in der wiegel / welches die vernunft hat / die es noch nit braucht / So doch Christus die wirkungen seiner Gottheit in Mutterleibe / so wol als sekund gebet

hat/ Vnd aber die Allenthalbenheit nie gebraucht noch er-  
zeiget.

v l.

Ferner vntersehen sie sich den gemeinen Mann wider  
vns damit zuerregen / daß sie fürgeben / wir füren wider  
wertigere / reden Ja vnd Nein in einem athem / daß sich  
bißweilen lasse ansehen als hielten wir es mit inen / So wie  
doch im grund die ware gegenwert vnnnd niessung Christi  
verleugnen/ Vnd daß nichts denn brot vnd wein im heil-  
gen Nachtmal sey/glauben vnd leren.

Daß vnserere worte solten also lauten / als vnserere Lere  
mit den gewilichen Irthumen des gegenteils / wider die  
wir streitten/ einiger weise beschmeisset were / das were vns  
von herzen leid / Hoffen aber es werden alle die nur augen  
haben / vnd vnserere Schrifften ansehen wollen / sich dessen  
nicht bald lassen vberreden. Desgleichen daß wir die wa-  
re gegenwert vnd niessung Christi verleugnen / vnd nichts  
denn brot vnd wein im Heiligen Abendmal sollen lassen/  
Sind wir vns viel eines andern bewust / zeugen auch viel  
ein anders vnserere Lere vnd Schrifften. Denn da man  
die ware gegenwert vnd niessung des leibs vnd bluts Chri-  
sti in seinem Abendmal bekennet / lautet diß noch lang nicht  
also / als man hiemit die leibliche / mündliche oder Ubiqui-  
tetische gegenwert vnd niessung derselben in dem brot vnd  
wein bekente oder zuliesse. Denn es noch lang nicht be-  
wiesen ist / daß diß die ware in Gottes wort gegründte ge-  
meinschaft Christi sey. Vnd herwiderumb / da man rund  
vnd lediglich bekent / daß die substanz vnnnd wesen des leibs  
vnnnd bluts Christi auff keine weise zu einer zeit an meh-  
ren denn an einem orte sey / oder in den mund oder leib der  
niess-

niessenden eingehe / wird hiemit keines wegs die warhafftige  
 geniessung / gemeinschafft vnnnd gegenwert Christi ver-  
 neinert / welche geschribet durch waren glauben / durch wel-  
 chen Christus in vnsern hertzen wonet vnd vns aller seiner  
 verdienst vnd wolthaten teilhafftig machet / vnnnd durch  
 krafft des Heiligen Geists / welcher vns zu gliedern vnnnd  
 zu Reben machet an vnserm haubt vnnnd Weinstock Jesu  
 Christo / es sey gleich der leib Christi stell vnd orts hal-  
 ben / vns ferne oder nahe. Dieweil wir denn diese gemein-  
 schafft der verdienst / des Geists vnd des waren wesentli-  
 chen leibes Christi in seinem Abendmal / glauben vnnnd  
 treiben / warum werden wir aufgeschrien / wir lassen nichts  
 darinnen denn Brot vnd Wein? sonderlich weil sie vnse-  
 re worte selbst setzen / da wir bekennen / das zuweiterley speis  
 im Heiligen Abendmal gessen werde / die eusserliche / sicht-  
 bare / leibliche / welche das warzeichen der Himlischen gas-  
 ben vnnnd gnad Gottes ist / nemlich / das natuerliche brot /  
 vnnnd die innerliche / on sichtbare / Geistliche / welche die  
 gabe vnd geschenk ist / deren wir durch das eusserliche zei-  
 chen erinnert vnd versichert werden / nemlich der leib Chris-  
 ti / one welches niessung kein Mensch das ewige leben ha-  
 ben kan. Oder solte diese speise darumb nicht warhafft-  
 ig gessen werden / vnnnd das ewige leben vns geben / das  
 sie nicht durch den mund in den leib eingehe? Wie  
 wuerden denn die wort Christi bestehen / da er sagt /  
 Mein fleisch vnd blut ist warhafftig ein speis vnd tranck  
 wo wuerden alle die auferwelten bleiben / die zum Abendmal  
 nit komen moegen. Oder solte auch im H. Zauff nichts denn  
 wasser sein / vnd wir nicht warhafftig mit dem blut Christi  
 von sunden gewaschen werden / darumb das wir nit leiblich  
 G | | mit

mit demselben werden begossen? Aber diese öffentliche ver-  
 kerung vnserer lere ist so viel vnd oft von vns vnd andern  
 widerleget vnnnd abgeleinet / das vns billich wundert / wie  
 sich die Theologen nicht schämen / vns ferner damit zu ver-  
 leumdē / Vnd tragen keinen zweuel / sie werden mit diesem  
 vnnnd dergleichen stücken / ihre sach / bey allen verständigen  
 vnd Gottliebenden / gar nicht besser machen. Jezund ist  
 genug das wir kürzlich angezeiget / das vnser lere ihr selbst  
 nicht widerwertig / sonder mit sich selbst vnd mit Gottes  
 wort ganz wol stimmt / Wenn wir die ware niessung vnd  
 gemeinschaft Christi bekennen vnd vertedigen / vnd aber  
 die falsche / leibliche / mündliche verneinen / Vnd leren / das  
 vns der leib Christi nicht anders gegenwertig ist / denn wie  
 er von vns gessen wird / Vnd Christus nicht anders wird  
 gessen / denn wie er in den außewelten bis in ewigheit wo-  
 nen wil.

## VII.

Eben also wollen sie auch vns widerwertiger rede vber-  
 zeugen von der Malestet des menschen Christi / als wir die-  
 selbe mit geferbten Worten bekennen / vnnnd doch im grund  
 widersprechen / auß Christo einen onmechtigen Menschen  
 machten / vnd im nach seiner Menschheit nichts denn die  
 blossen Titul vnnnd namen geben / Diweil wir sagen / der  
 Mensch Christus sey almechtig vñ allenthalben / vnd auch  
 nach seiner Menschheit ein Herr aller Creaturen / vnd mit  
 gaben vñ herlichkeit vber alle Creaturen gezieret / vnd sey  
 doch seine Menschheit nicht almechtig noch allenthalben.

Alhie verschweigen sie zum ersten / das wir die Mensch-  
 heit Christi fürnemlich darumb vber alle Creaturen erhe-  
 ben / das sie mit der Gottheit eine person / das ist / einen eini-  
 gen Christum machet / welches sonst keiner Creatur gegeben  
 vnd

vnd die einige rechte vrsach ist/darumb dieser mensch Gott ist/die Heiligen Engel vnd Menschen aber nit Gott sind.

Zum andern/sage sie/weñ wir leugnen/das die menschheit Christi almechtig sey/ So geben wir seiner menschheit gar nichts den blossen Titul vnd namen / machen auß Christo einen onmechtigen Man/ verleugne die Majestet Christi. Ist inen aber nu viel vnnnd offte genug geantwortet/das diß ein lesterliche rede wider den Sohn Gottes ist / das seine menschwerdung/ das ist/ die annemung vnseres fleisches vnd die einigkeit seiner person/ Item/die weisheit/gerechtigheit/heiligkeit/sterck/herlichkeit vnd glantz/damit die seele vnnnd der leib des Sohns Gottes für allen Engeln vnnnd mensche begabet ist / Item/ Die herrschafft vber alle Creaturen/das nemlich/diesem menschen in allem / was er auch nach seiner Menschheit wil vnnnd schaffet/alle Creaturen/müssen vnterworffen sein / vnnnd schuldig sind zugehorsamen / vnd er alles was er mit dem willen seiner Göttlichen vnd Menschlichen natur wil/in allen Creaturen/durch die almechtigkeit seiner Göttlichen natur außricht kan/es sey gleich one zuthun seiner Menschheit / in dem das der Gottheit allein zustehet / oder durch zuthun der Menschheit / in dem darzu seine Menschliche Natur erschaffen / vnnnd von dem ewigen Wort des Vaters in einigkeit der person angenommen ist / Nichts denn ein blosser Name vnd Titul sey.

Zum dritten / ist diß kein widerwertige rede / wenn man sagt/ Der mensch Christus ist almechtig vnd allenthalben / vnd / die Menschheit des Menschen Christi ist nit almechtig vnd allenthalben. Denn das wort / Mensch / begreiffe die ganze person / welche warer Mensch ist / vnnnd zugleich auch warer Gott. Das wort Menschheit aber heisset nur

die eine Natur / so in dieser person ist. Darumb wird der Person recht vnd mit warheit zugeschrieben / was einer vnd was beiden Naturen zugehöret / Aber einer Natur wird nicht recht zugeschrieben / was der andern eigen ist / vnd eine Natur von der andern vnterscheidet. Also sagt man recht vnd one alle widerwertigheit / Dieser Mensch ist Gott nach seiner Göttlichen Natur / Aber nit / die menschheit dieses Menschens ist Gott / Sonder sie ist mit Gott oder der Gottheit vereiniget. Also auch / Dieser Mensch ist almechtig vnd allenthalben nach seiner Gottheit / Aber nit die Menschheit ist almechtig vnd allenthalben. Dieser mensch ist erschaffer aller ding nach seiner Gottheit / Aber nit die menschheit dieses menschens. Jte / Gottes ewiger Son ist gestorben nach seiner Menschheit / Aber nit seine Gottheit.

Darwider sagen sie / Ist nicht auch seine Menschheit almechtig / So ist dieser Mensch Jesus eben so wenig almechtig als andere Menschen. Aber es ist ihnen geantwortet / Das sie eben damit die ware Gottheit dieses menschens verleugnen. Denn sol diß gelten / die Menschheit ist nicht almechtig vnd allenthalben / darumb ist es auch der mensch nicht / So wird auch müssen gelten / Die Menschheit dieses Menschen ist nicht Gott / darumb ist auch dieser mensch Jesus nicht Gott. Alhie hetten wir billichere vrsach denn sie von Antichristlicher leugnung der menschwerdung des Wortes zusagen / vñ zuschreie / Was düncket dich liebe Christenheit vmb diese leut / oder was meinstu / daß sie doch endlich auß Christo machen werden / oder wie gewiß meinstu / daß sie ihres glaubens in ihrem gewissen sind / &c. Ist der halben kein geschwinder griff / vnd kein betrug / weñ wir sagen / Der Mensch Christus ist almechtig vnd allenthalben /  
aber

aber nit nach seiner menschheit / sonder nach seiner Gottheit / Gleich wie kein betrug ist wenn die Apostel sage / Gott hat für vns gelidten / aber nit nach seiner Gottheit / sonder nach dem fleisch / Act. 20. 1. Pet. 2. vñ 4. Item / Durch dessen blut wir vergebung der sünden haben / durch denselben ist Himmel vnd erden erschaffen. Coloss. 1. Item / Theodoretus Dialogo). Also sol man von Christo reden / daß / wenn man von den nature saget / man einer jedt zuschreibe / was jr zugehöret / vnd wisse was der Gottheit / vnd was der menschheit eigen ist / Wenn man aber von der person redet / muß man in gemein von ihr sagen / was jeder naturen eigen ist / vnd beides dem Heiland Christo zuschreiben / vnd eben eien / Gott vñnd Mensch nennen / Gottes Sohn vnd des Menschen Sohn / Davids Sohn vñnd Davids Herrn / Abrahams samen vñnd Abrahams erschaffer / vñnd also von den andern allen. Solche vñnd dergleichen reden der schrifft vñnd alten Christlichen lerer einen betrug zuneñen / solte sich ein onmechtiger mensch enthalten.

Denn daß sie sagen von grossen vnterscheid zwischen diesen reden / Der mensch Christus ist Gott / ist ewig / ist erschaffer der welt / 2c. Vñ / der mensch Christus ist almechtig / ist allenthalben / ist erhalter vñnd regierer aller ding / 2c. Das haben sie auß Gottes wort nie gelernet / sonder in jr eignen hirn erdichtet. Denn die Schrifft leret / daß eben einer natur zugehöret / Alles erschaffen vñnd alles erhalten / Vñnd daß Almechtig vñnd Allenthalben sein / eben so viel heisse / als ewiger natürlicher Gott sein / Vñnd derhalben der Mensch Christus nicht anders almechtig vñnd allenthalben ist / denn wie er ewiger / natürlicher Gott / vñnd aller ding erschaffer ist. Welches zwar auch auß gegenteils seßigen newen rede



rede folget / daß kein erschaffene / sonder allein die ewige natürliche Gottheit vñnd Allmechtigkeit in diesem Menschen sey vñnd wircke.

Also ist es auch kein betrug / daß diese reden gleicher welt se zu verstehen sind / Gott ist gestorben / vñnd / dieser Mensch ist almechtig / onsterblich / &c. Denn sie können eben so wenig auß Gottes wort beweisen / daß die Menschheit sey almechtig worden / als daß die Gottheit sey gestorben. Vñnd ist derhalben jr vnterscheid alhie abermal erdichtet. Daß sie aber sagen auß Cyrillo / Das fleisch habe nicht das wort zu sich herab gezogen / sonder das wort habe das fleisch zu sich hinauff gezogen / das bekennen auch wir / Aber in seinem rechten verstand / Nemlich / daß nicht die Gottheit ihre macht vñnd herlichkeit verloren / sonder die menschheit mit hohen gaben gezieret / vñnd ihre sch wachheit vñnd dürfftigkeit in Christo zu seiner zeit habe abgeleget. Daß aber darumb die Menschheit dem Wort an eigenschafften gleich sey worden / habe sie weder auß der Schrift noch auß Cyrillo oder einigem Christlichen alten Scribenten gelernet. Denn die Schrift zeuget klar / Daß Christus auch nach dem fleisch der erstgeborne aller Creaturen / vñnd das haupt seiner kirche sey / daß er mit gabe / ehr vñnd herlichkeit vber alle Creaturen erhaben / vñnd deñnoch dem Vater biß in ewigkeit vnter worffen sey vñnd bleibē werde / 1. Cor. 15 / Vñnd wird die menschheit Christi nicht von jr selbst / sonder eben so wol / als alle andere Creaturen / von der Gottheit erhalten / registret vñnd mit gaben vber alle andere Creaturen gezieret / Psalm. 45. Du bist der schönest vnter den menschen kindern / holdselig sind deine lippen / darumb segnet dich Gott ewiglich / &c. Item / Darumb hat dich Gott / dein Gott / gesalbet mit freuden

freudenöle mehr dein gefellen. Gebt derwegen wir dem  
 Herrn Christo keinen gemessenē befelch / Sirkeln auch seine  
 Mai. nit auß / wie gegenteil mit vielen spotworten fūrgibt /  
 Sonder bekennen / daß er nach art vñ eigenschafft beid seiner  
 Naturen / weis / vermag / thut vnd wircket alles was im ge-  
 felt. Weiß derhalben der Menschen gedanken / vnd alles  
 was er wil / auch nach seiner Menschheit / nit allein jekund /  
 sonder auch zur zeit der nidrigheit / auß krafft seiner Gott-  
 heit / welche seinen Menschlichen verstand onausprechlich  
 höher mit erkentniß Gottes vnd aller Göttlichen werck / er-  
 leuchtet / denn alle Engel vnd menschen / vnd dennoch den-  
 selben shr selbst nicht gleich machet / wie geschrieben stehet /  
 Marc. 2. Jesus erkante mit seinem Geiste / daß sie also bey  
 sich gedachten / 2c. Ist auch kein streit in vnsern worten / daß  
 die Menschheit der Gottheit nicht gleich / vnd dennoch mit  
 ame / gaben / ehr vnd herligkeit vber alle Creaturen erhas-  
 ben. Denn die Menschheit Christi sehr wol kan mecht-  
 ger vnd weiser denn alle Engel / vnd dennoch der Gottheit  
 an macht vnd weißheit nicht gleich sein.

Alhie dichten sie vns abermal ein newes auff / Daß wir  
 nemlich solten geschrieben haben / Die Menschheit Christi  
 sey vñnd wircke bey vns eben so wenig als bey den Altuä-  
 tern. Vnsere worte aber sind diese / Daß Christus vns mit  
 seinem fleisch vnd Geist nicht anders lebendig mache denn  
 alle glaubigen von anbegin der Welt / welchen das Dyffer  
 seines fleisches das leben gab / 2c. Hiemit haben wir frei-  
 lich nicht verneinet / wie sie thun / Daß Christi fleisch vnd  
 blut auch bey den Altuättern vñnd vnter dem Alten Testa-  
 ment gewircket habe / sonder viel mehr geleret / daß es auch  
 zur selben zeit den glaubigen das leben gab. Denn das  
 D offer

opffer vnd verdienst vnnnd fürbit Christi/von anbegin der Welt/ für dem angeſicht Gottes/vnnnd in den herzen der glaubigen iſt krefftig gewesen / vergebung der sünden vnnnd lebendigen troſt inñ zugeben/nach der lere Pauli/1. Cor. 10. Sie aſſen alle eben dieſe geiſtliche ſpeiſe/nemlich Chriſtum/ Vnd weil Chriſtus ſelber ſpricht / es habe niemand das leben/ der ſein fleiſch vnnnd blut nicht iſſet vnnnd trincket / So müſſen ſie freilich auch dieſe ſpeiſ geſſen / vnd dadurch das ewige leben entpfangen haben / Aber nicht mündlich oder leiblich / ſonder geiſtlich durch waren glauben an Chriſtum eben ſo wol als wir. Denn eine ſeligheit/vnd einerley weiſe vnd weg dieſelbe zuentpfahen geweſen iſt vnd bleibet / von anbegin der Welt biß ans ende. Der vnterſcheid aber des Alten vnd Newen Teſtaments / iſt nicht dieſer / ſo ſekund erſt von den Wirtembergiſchen Theologen erfunden / daß nemlich zuvor die Gottheit durch ſich ſelbeſt / ſekund aber durch die Menſchheit alles wirkte. Den von dieſem neuen vnterſcheid haben Jeremias am 31/ Johannes am 1/ Paulus in der 1. zum Cor. am 3. capitul. 2c. nichts gewußt/ Sondern diß iſt der fürnemſte vnterſcheid/daß jene ſelig wurde durch Chriſtum der noch geboren werden/ für ſre ſünde gnug thun/ vnd ſie in frem fleiſch für dem angeſicht Gottes vertreten ſolte / vnnnd dem ſie durch ſeinen Geiſt / der in ihnen ſchon woneete/vnnnd in der Menſchheit Chriſti wonen würde/ ſolte eingeleibet werden / Wir aber durch den der ſchon geboren iſt / für vns bezahlet hat / vns für Gott vertritt / vnd dem wir durch ſeinen Geiſt eingeleibet ſind / Vnd alſo ſekund erfüllet iſt / was zur ſelben zeit verheiſſen / fürgebildet vnd gehoffet ward.

IX.

Mit deßgleichen ongrund legen ſie vns auch zu / daß nach

nach vnser lere / Christus nach seiner Menschheit sein wir-  
 ckung allein in seinem leiden / sterben vnd aufferstehung ge-  
 habe / Ihund aber wirkte seine menschheit das leben eben so  
 wenig als da sie nit gewesen ist. Denn ist sein opffer krefftig  
 gewesen ehe den sein fleisch geboren ward / wie viel mehr ist  
 diß opffer vnd diese speiß ihund krefftig nach der erfüllung?  
 Darumb sehet geschrieben / Hebr. 7. Er lebet für vnd für/  
 daß er die verrete / so durch in zu Gott komen. Vnd am 9.  
 Er ist eingangen in den Himmel selbest / nu zuerscheinen für  
 dem angesicht Gottes / für vns. Denn ob er gleich nicht  
 mehr leidet vnd flehet wie zur zeit seiner nidrigheit / Auch  
 ob er gleich nach seiner Menschheit nicht alles wirket / was  
 ob er gleich nach seiner Gottheit thut / So ist dennoch darumb die  
 Menschliche natur nicht müßig noch one fre wirkungen/  
 Sonder sein ein mal gescheneß opffer vnd Gebet / vnd  
 sein allezeit werender wille vnd begeren / auch nach seiner  
 Menschheit / daß vns der Vater vmb seinen willen zu gna-  
 de anneme / ist ein für vñ für werende verrettung der glau-  
 bigen für Gott / Vnd werden wir in seiner zukunfft zum ge-  
 richt vnd hernach in ewiger Himlischer freud vnd gemein-  
 schafft mit ihm / hören vnd sehen / daß seine Menschheit  
 darumb nit müßig sey / ob sie gleich mit alles was die Gott-  
 heit wirket.

Vom Himmel / sagen sie / vnd ewigen leben / schreiben wir  
 auch so vngleich vnd ongeremt / daß an etlichen orten me-  
 niglich halten möchte / wir weren mit ihnen einig / So wir  
 doch von wegen vnserer irdische kindischen phantaseien / die  
 Mat. des himlischen wesens an ein besonder ort sehen / vnd  
 auch schier vnsern Herrn Gott selbest dahin einschleßen.

Wir haben geschrieben / daß wir in dem ewigen Hima-  
 H ij lischen

lischen leben nit mehr werden der mittel bedörffen / dadurch  
 sekund vnser leben erhalten wird / vnd wir zu Gottes vnd  
 seiner wercke erkentniß komen. Darauf sehen wir nit / Was  
 für eine einigkeit mit dem Ubiquitetischen himel / oder was  
 für ein streit zunemen sey wider diese lere / daß weder Chri-  
 stus mit seinem verklärten leibe / noch die auferwelten / mit  
 im allenthalben / sonder droben im Himel / vber vnd außser  
 dieser ganzen sichtbaren Welt / sind vnd sein werden. Denn  
 ob wir gleich nicht an mehren denn an einem ort zu jeder  
 zeit sein werden / kan dennoch Gott wol one diese mittel so er  
 in diesem leben gebrauchet / sich vnd seine weißheit / gerecht-  
 tigkeit / freud vnd seligkeit vns mitteilen.

Da sie aber noch nicht auffhören / vnser in der Schrift  
 gegründte / in der ganzen Christenheit bis anher einhellig-  
 lich getriebene / vnd mit irem eignen zeugniß bestetigte lere  
 vnd bekentniß vom Himel vnd Himelfart Christi vnd der  
 auferwelten / zuverspotten vnd zulestern / Sollten sie / wo  
 nicht Gottes vnd seines worts / vnd der ganzen Christen-  
 heit / die sie zu Türcken vñ Juden wollen machen / doch nur  
 jr selbest verschonet haben / damit jnen jr spot vñ lesterung /  
 so sie gen Himel außspeien / nicht in jr eigen angesicht fiel.  
 Denn es sey jnen lieb oder leid / so müssen sie dennoch / wie  
 ire eigne worte lauten / rund bekennen / vnd den Articul von  
 der leiblichen Himelfart Christi fest vnd onbeweglich ste-  
 hen lassen / daß Christus nach weise vnd art seines verklär-  
 ten leibes / nicht allenthalben / sonder eben so wol als auch  
 die auferwelten / die ewiglich bey Christo sein / vnnd seine  
 herrlichkeit schawen werden / allein in dem Himel sey vnd  
 wone / welcher Himel daselbst ist / da Christus für den an-  
 gen seiner Jünger hinauff gefaren / vnnd von dem ort der  
 vers

verdamit biß in ewigheit abgefondert sein wird. Du ist aber  
 auß allen vnsern schrifftten / lere vnd bekentniß nichts an-  
 ders denn eben diß zuerzwingen noch zuschmelzen. Wie  
 dörfen sie denn die Articul des glaubens / die sie so rund  
 wollen bekennen / vnd fest vnd onbeweglich müssen stehen  
 lassen / kindische / irrdische / grobe phantafelen / Alcoranische  
 vñ Zalmudische gedichte schelten: Was düncket dich doch/  
 Christlicher leser / vmb den rhum vnfers gegenteils: Wenn  
 sie also handeln in diesem vñ in andern stücken / so haben sie  
 ire sach gewonnen / vnd lauter seiden gespuñen / Weñ aber  
 wir die algemeinen / ongezweuelten vñ auch inñ onleugba-  
 re vnd onbewegliche Articul des Christliche glaubens / mit  
 der H. Schriffe / ja auch mit gegenteils eignen worten be-  
 kennen / so müssen wir so grob garn haben gespunnen / daß  
 kein wunder wer daß wir für angst von der sach entlieffen.  
 Aber also gehet es / wenn man irthum durch irthum ver-  
 tedigen wil. Wir glauben inñ wol / das sie selbst bekennen/  
 Sie möchten vnser kindische gedancken an vns vñnd an-  
 dern wolleiden / wenn sie inen nur nicht die gegenwertig-  
 heit des leibs Christi auß dem Nachtmal (das ist / den Antis-  
 christischen vom Papst erdichten Gößen auß dem brot) ne-  
 men. Denn freilich diesem zu gefallen / alle die newen on-  
 gehewren verfelschungen der lere von der menschwerdung/  
 Himeisart vnd Herlichkeit Christi / auff die ban gebracht  
 sind worden / die sonst vielleicht wol dahinden weren blie-  
 ben. Eben wie sie mit dem Alcoranischen vñnd Zalmu-  
 dischen Himmel jr gespöt treiben / Also thun sie auch in dem  
 sie vns andichten / wir sehen Gott wie einen Menschen an  
 ein gewisses ort im Himmel / vnd ziehen den spruch des 115.  
 Psalms / gut Zalmudisch an / Der Himmel der Himeln ist  
 H. iij des

des Herrn/ze. Denn wir nie gesagt noch geschrieben / daß  
 Gott allein vber vnd außser dieser sichtbaren welt sey / son-  
 der daß er hie eben so wol als daselbst gegewertig sey / Aber  
 daselbst seine herlichkeit vñ Mai. vns sünd onbegreiflicher  
 vnd onaußsprechlicher weise klärer vnd völliger denn in  
 dieser welt / vñ one die mittel die er in diesem leben braucht /  
 seine außserwelte Engel vñnd menschen schawen lasse.  
 Vnd dis ist die ursach / darumb die Schrifft so offte saget /  
 daß vnser Gott im Himmel sey / wenn sie den rechten Gott  
 von den Götzen vnterscheiden wil / Item / daß vns Chris-  
 tus hatgeleret betten / Vnser Vater der du bist im Him-  
 mel / Item / daß die Schrifft an so vielen orten also redet /  
 Gott gebe alles gute vom Himmel / die gaben Gottes komē  
 oben herab vom Himmel / wenn sie gleich hernieden vnter  
 dem sichtbaren Himmel erschaffen werden / Item / Er sehe  
 vnd straffe vom Himmel/ze. Item / Daß Gott die ding da-  
 durch er seine gegenwertigkeit / willen vnd wirkungen den  
 menschen anzeigen wil / herab vom Himmel komen leßt / Daß  
 wir / nemlich / keine irdische gedanken von Gott vñ seiner  
 Mai. sollen fassen / oder dieselbe in die enge vnd in das ge-  
 ringe ansehen dieser sichtbaren welt / Himels vnd der Er-  
 den einschliessen / sonder allezeit ingedenck vnd gewis sein /  
 daß die gaben / vnd die anzeigungen seines willens / die er  
 vns giebet / nicht anderswo her komen / deñ von demselben  
 einigen waren Gott / der droben in dem Himmel wonet / re-  
 giret / vnd sich daselbst mit solcher Mai. vnd Herlichkeit  
 offenbaret vnd erzeiget / die kein aug gesehen / kein ohr gehö-  
 ret / kein herz noch gedanken fassen kan / vñ derhalben nie  
 allein daselbst im Himmel / sonder auch hie auff Erden vnd  
 allenthalben gegenwertig vñnd mächtig ist / vnd krefftig  
 lich

lich herrschet vnd wircket. Mögen sie derwegen so lang es  
 inen Gott verhengt / der H. Schrifft spotten / welche an  
 so vielen orten zeuget / daß die Engel von Himmel herab /  
 vnd wider hinauff gefaren / daß Christus hinauff gefaren /  
 vnd also wider herab wird faren / daß er vns / nach dem  
 wir in den Wolcken werden entgegen gezuget werden /  
 zu sich neme / vnd wir ewig mit im seien / da er ist. Denn  
 mit den stimmen vnd sichtbaren zeichen oder offenbarun-  
 gen des willen Gottes vom Himmel / als dem fener vnd  
 wind am Pfingstag / der Tauben gestalt / dem leinen tuch  
 das Petrus sahe / ic. ist es ein ander ding. Ist den men-  
 schen anzuzeigen / daß sie von dem Rechten droben im Hi-  
 mel regierenden Gott her komen / genug / daß sie von oben  
 herab komen vnd erscheinen / sie werden gleich vber / oder  
 in / oder vnter dem sichtbaren Himmel erschaffen vñ zuhören  
 oder zusehen gegeben. Stehen derhalben alle diese vnd an-  
 dere von vns angezogene zeugnis noch feste / zubeweisen /  
 daß der Himmel / da Christus sekund mit seiner verklärten  
 menschheit ist / vñ dahin er vns zu sich nemen wil / nit her-  
 niden auff Erden / nit allenthalben / sonder droben / auffer  
 vnd vber dieser ganzen sichtbaren welt sey / Vnd folget  
 dennoch darauff weder ein Alcoranischer noch Talmudis-  
 scher Himmel / noch irgend ein anbindung oder einschlies-  
 sung Gottes / in den Himmel oder einig ort.

Denn daß sie vom gewissen platz fürgeben / ist nicht  
 vnser Lehre / sonder jr altes vnd offte abgeleintes gespöt.  
 Wir binden E H N I S Zum an keinen gewissen platz /  
 Sonder bekennen allein vermög der Heiligen Schrifft  
 vnd Articul vnsern allgemeinen Christlichen Glau-  
 bens / daß er sekund mit seiner Menschheit nicht in dieser  
 sicht



sichtbaren Welt / sonder vber vnnnd auffser derselben ist / one  
 alle anbindung oder einschliessung an ein gewisses ort oder  
 platz / in onermesslichem glantz vñ vns onbegreiflicher herr-  
 lichheit. Auch das sie so spöttisch fragen / weil die wort  
 Essen vnd Trincken / nicht in eigentlicher bedeutung / son-  
 der als wechselreden in der Schrifft gebraucht werden / für  
 die Himlische freud vnd seligkeit / Warumb denn eben dis  
 eigentlich vnd nach laut des Buchstaben zu verstehen sey /  
 wenn der Himmel in der schrifft ein ort genent / oder als von  
 einem ort dauon geredt wird? Darauf nemen wir one lan-  
 ges umbsehen / die antwort auß jrem eignen munde / nem-  
 lich / Das die ganze Schrifft zeuget / das Christus mit sei-  
 nem verklärten leibe / eben so wol / als wir / nicht allenthal-  
 ben / sonder an gewissem ort in der Himlischen glori vnnnd  
 herrlichkeit ist vnd bis in ewigkeit sein wird / Vnd dassel-  
 be ort zeuget sie durch auß / das es droben / auffser vnnnd vber  
 diesen ganzen sichtbaren Welt vnd Himmel sey. Darge-  
 gen aber leret sie / das wir in dem Himlischen wesen nicht  
 essens vnd trinckens werden bedörffen / oder brauchen / wie  
 in diesem leben / vnd derhalben diese reden nicht nach dem  
 buchstaben / sonder nach art der wechselreden zu verstehen  
 sind / von der freud vñ seligkeit die wir in Gott werden ha-  
 ben / das wir der ergekungen so zu diesem leben gehören / nit  
 mehr werden bedörffen noch begeren. Desgleichen ver-  
 geblich gespött ist auch das sie fürwerffen / von dem neuen  
 Himmel vnd neuen Erde / Gleichsam als darumb der Him-  
 mel nicht von der Erde vnterschieden bliebe / wenn sie ver-  
 newert würden / oder Gott gesagt hette / er wolte an statt  
 des Himels vñ der Erden nur einen Himmel / vnd nit beide /  
 Himmel vnd Erde machen / Oder die Erde darumb zum He-  
 mel

mel werden müſſte/ wenn ſie die Außerwelten mit ſame dem  
 Himel innen hetten. Sind derhalben nit wir / ſonder vn-  
 ſer gegenteil die ſentigen/die freuentlich vnd fürwiſſlich von  
 denen ſachen reden/ deren ſie keinen grund haben/ vñ deren  
 erkenntniß Gott biß in jenes leben vns fürbehaltē hat / Als/  
 was für Himel vnd Erde ſein werden / Wer die Erdē wird  
 innen haben / Was für ort vnd zeit vber vñnd auſſer dieſer  
 ſichtbaren Welt ſey, vñnd was dergleichen ſre fragen ſind.  
 Wir aber bleiben einfeltiglich bey dem / das vns Gott in  
 ſeinem Wort hat offenbaret / vnd wil daß wir es ſollen wiſ-  
 ſen/ Nemlich/daß auch gegenteil muß bekennen / daß nicht  
 allein jeſund / ſonder auch hernach/ Himel vnd Höll/ das  
 iſt / die wonungen der Außerwelten vñnd der Verdammten/  
 nicht allein ſo viel ſeligheit vñ peyn / ſonder auch ſo viel ſtill  
 vñnd ort belanget/ von einander vnterſchieden ſind/ vñnd  
 ewiglich werden bleiben / Luc. 16. Dieſe alte Marckſtein /  
 die Gott einmal geſetzt hat / ob jr gleich dieſe Theologen an  
 einer ſeiten des blats ſpotten / müſſen ſie dennoch bald auff  
 der andern ſeiten laſſen ſtehen/ vnd ſelbeſt bekennen/ daß ſie  
 allezeit werden bleiben. Derhalben wir ihr gifftiges ge-  
 ſpött abzuweiſen/ kein andere antwort bedörffen/ denn ihre  
 eigne wort.

Lezlich ſtraffen ſie widerumb vnſere Lere vom Abends  
 mal in dieſem/daß wir ſagē/ Die wort Chriſti/ das iſt mein  
 leib/2c. das iſt mein blut/2c. ſind nicht nach dem buchſtaben/  
 oder wie ſie lauten/ zu verſtehen / ſonder nach erklärung der  
 H. ſchrift. Vnd weil wir ſolches zum aller erſten beweifen/  
 mit gegenteils eignē bekentniß / Daß ſie nemlich ſelbeſt mit  
 jrer lere nicht bey dem buchſtaben der wort bleiben / Vñnd  
 derhalben ganz onbilllich handeln/da ſie andere darzu wol-  
 len

x1.

len dringen / So vntersehen sie sich widerumb die Leute zubereden / daß sie die Wort Christi verstehen / wie sie lauten.

Unser beweis ist dieser / Christus spricht / das ist mein leib / vnd verstehet mit dem wörlein das / das sichtbare / natürliche brot. Sie aber wollen nicht / daß das brot der leib Christi sey / Sonder in / oder bey / oder mit / oder vnter dem brot sey der leib Christi. Derhalben bleiben sie nicht bey dem laut der wort / nemlich / daß das brot selbest der leib Christi sey / sonder suchen ein auflegung vnnnd erklärung der worte Christi. So bald aber diß geschihet / so ist vnnnöthen / die gewissen mit klarem vnnnd sattem grund der Schrifft / solcher deutung oder auflegung der worte zuversichern / Vnd geben sie also den beweis vnnnd haubtgrund / darauff man sich bißher so sehr beruffen hat / mit der that auß der hand. Daß solches die einfeltigen nicht sollen mercken / streitten sie wider ihr gewissen vnnnd wider die öffentliche greiffliche warheit / sie bleiben bey den worten / vnd damit sie diesem ungegründten fürgeben einen schein macht / Kommen sie widerumb mit iren Geldseckeln / Habersäckeln vnd Weinkantzen herfür / vnnnd dreyen sehr mit Wein verschüttten vnd Habern aufklopfen / darumb daß wir geschrieben / Es scheine wol zuglauben / als ob es solchen Theologen mehr vmb den geld vnd habersack vnd weinkantzen zuthun were / denn vmb Christum vnd seine Sacrament. Wir aber vnter teilen von niemands hers vnd gewissen / Zweiueln nie es irren ir viel onwissentlich. Diß allein haben wir gesagt / vnd müssen es jekund noch viel mehr sagen / daß es auß irem disputirn vnd schreiben also scheine / als iren sie nie alle onwissentlich / sonder streitten etliche halbstariglich vber öffentliche

fentlichen / vberzeugten vñ greifflichen frehmen / Vnd die  
 mit solchem beweis / der bey allen Gottesfürchtigen / ver-  
 stendigen vnd die warheit liebende / auch nicht einen schein-  
 der warheit oder ernstlichen ersuchung derselben kan behal-  
 ten / vnd so viel vnd manigfaltig / vnd onwidersprechlich  
 inen genommen ist / daß sich wol zuerwundern / wie sie sich  
 denselben so offte zuregen nicht entlich ein mal schämt. Die  
 Herzen sind vns verborgen / das werck ist meniglich für aus-  
 gen / von demselben können vñd sollen wir nicht anders  
 vrteilen vnd reden / denn wie wir es an jm selbst befinden.  
 Derhalben / ob wir wol vnser manigfaltige ondankbar-  
 heit vñ verdienst Göttliches zorns / an vns mit herrlichem  
 leid erkennen / Sollen sie doch zusehen / daß ire dreyung  
 nicht etwa auch sie angehe.

Denn erstlich fragt man sie / Ob die wort Christi nach  
 laut des buchstabens zuuerstehen sind / So antworten sie  
 für vnd für / als leute die vbel höreten / Es sind klare / helle /  
 verständliche wort / ein gebreuchliche gemeine weis zuredt /  
 darüber mā kein auflezüg bedarff / Vergessen aber als het-  
 ten sie es nie gehört / daß man inen so offte gesagt / es könne ein  
 rede wol klar vnd auch den Kindern verständlich sein / wie  
 denn auch die wort Christi klar vnd verständlich sind / vnd  
 könne dennoch nit nach dem buchstaben zuuerstehen sein.

Zum andern / wollen sie den buchstabischen verstand der  
 wort Christi mit diesen exempeln beweisen / Das / nemlich /  
 der seckel vñ das gelt darinnen / ist das gelt / Das / nemlich /  
 der sack vnd der habern darinnen / ist der habern / zc. Wenn  
 wir also schliessen / Die Schrift redet von alle Sacramen-  
 ten also / daß sie dem eusserlichen leiblichen warzeichen die  
 namen der innerlichen / geistlichen gaben vnd geschencken

Gottes gibe / Derhalben redet sie auch vom Abendmal also / daß sie das brot den leib / vnd die niessung des brots die gemeinschafft des leibs Christi nennet / In dem verstand / vnd vmb dieser vrsachen willen / darumb sie in den andern Sacramenten also redet / So hat niemand kindischer noch läppischer je geschlossen / vnd die sach so vbel außgerichtet / als wir / Wenn aber sie die reden der Schrifft von H. Sacramenten / mit reden von Weinkanten vnd Habersäckeln vergleicht vñ erklären / so muß es köstliche arbeit sein. Derhalben wir den Christlichen Leser alhie widerumb erinnern müssen / daß ihnen zwo antworten für eine sind auff diese Exempel gegeben / welche sie gar fein können verschweigen / dieweil ihnen dieselben zuruck zustossen vnmöglich ist.

Die erste Antwort ist / Daß sie noch nie haben bewiesen / vnd man ihnen keines wegs nicht zugiebet / sonder eben diß in dieser disputation widerfochten wird / nemlich / Daß es mit dem H. Abendmal ein solche gestalt habe / wie mit dem Habersack oder Weinkanten / oder Gelfsäckel / zc. Denn alhie weis man zuuor / Daß man den Wein in die Kanten / das gelt in den säckel / den Habern in den sack geschüttet / das kind in die wiegen gelegt habe / Vnd derwegen / wenn man sagt / das ist der Wein / zc. nicht allein die kanten oder den sack / zc. sonder entweder nur den Wein / in der kanten / den Habern / das Gelf in dem sack / zc. oder Wein vnd kanten / gelt vnd säckel / habern vnd sack zusammen müsse ver stehen. Dort aber / im Abendmal / zeuget die Schrifft nitend / daß CHRISTUS zuuor oder zugleich seinen leib auff einige weise hab in das brot gebracht oder kommen lassen / oder mit samt dem brot in seine hand genomen / vnd den Jüngern vberreicht / Ist ihnen auch solches zubeweisen  
bif

bis in ewigkeit unmöglich. Derhalben Christus nicht wil sagen / Das brot vnd mein leib / der on sichtbar in dem brot ist / Sonder wil sagen / Das brot ist mein leib / wie solches auch auß dem Text bewiesen / welcher zeuget / daß Christus von demselben gesagt habe / es sey sein leib / das er von dem tisch in seine hand nam / brach / den Jüngern reichte / sie mit frer hand nemen / vñ mit dem leiblichen munde natürlicher weise essen hieß zu seinem gedächtniß vñnd verkündigung seines todes. Diß aber / sagen die Euangelisten nirgend / daß es der leib Christi / sonder daß es das natürliche brot gewesen sey / dauon sie vber tisch hatten gessen / Item / Auß Pauls / welcher für das wörtlein Das / sezet / das brot / vnd dasselbe heist zur verkündigung des todes Christi essen. Haben auch zeugniß der Alten vnd auch der Newen Scribenten dargehan / auch welche die mündliche niessung Christi vertedigen / daß diese rede / das ist mein leib / nicht anders zu verstehen sey / denn diese / das brot ist mein leib / Welches / wie sie bekennen / nach dem buchstaben nicht kan verstanden werden. Auff die Exempel aber vom H. Geist / die sie daran hengen / Ist auch vielmal geantwortet / daß man auß der natur vnd wesen des H. Geistes / welches vns die Schrifft als onbegreiflich / vñdallenthalben gegenwertig beschreibet / weis / daß der Heilige Geist wesentlich bey dem athem Christi / bey der taubengestalt / vñd bey den feuerflammen sey / Sonst würde auß diesen worten / man sage gleich / das ist der H. Geist / oder / die tauben / die flammen / sind der H. Geist / solche gegenwert eben so wenig zunemen sein / als die wesentlich gegenwert des leibs in dem brot / auß diesen reden / das ist mein leib / oder / das brot ist mein leib. Von dem leib Christi aber zeuget die Schrifft / daß er nie an mehreren

denn an einem ort gewesen sey oder sein werde. Sind der halbe auch diese exempel also ungleich/ daß sie sie gar nichts helfen/ vnd siehet die sache noch an dem/ daß sie nicht können die wort Christi glossieren/ Das/ das ist/ das brot vñ mein leib in dem brot/ ist mein leib/ Sie habē den zuor mit andern grunde bewiesen/ daß der leib in dem brot sey/ wie vom Wein in der kanten/ Gelt vnd habern im sack/ vnd vom heiligen Geiſt in der tauben vnd flammen gemeldet.

Die ander antwort auff ire gleichnis ist diese/ Wenn sie gleich hetten bewiesen/ daß sie doch weder gethan habē/ noch thun werden/ oder wenn man ihnen zugebe/ daß Christus das brot vñnd seinen leib zusammen/ hette seinen leib genent/ So blieden sie doch eben so wenig bey dem buchſtaben der wort/ als wenn das brot allein wird der leib genent. Denn der leib allein/ vñnd nicht das brot vñnd der leib zusammen/ eigentlich vñnd nach laut der wort/ der leib Christi sein vñnd heißen kan/ Gleich wie nicht die kanten vñnd wein zusammen/ sonder allein der wein so in der kanten ist/ eigentlich/ vñnd nach laut des buchſtabens/ der wein ist vñ heißet. Darum sie alhie D. Luthers zeugnis (welches doch in diesem seinen irthum/ one Gottes wort eben so wenig gilt/ als der Wirtembergischen Theologen) wid in vñnd wid sich selbst einfürē/ dieweil er außdrücklich bekent/ solche weise zureden heißen die Grammaticj Synecdochen. Nu heißt aber Synecdoche/ wenn man ein ganz ding für ein stück desselben/ oder ein stück für das ganze nent. Der halben wer ein solche rede/ nach laut des buchſtabens will verstanden haben/ zuor die Grammatic vñnd den vnterscheid zwischē einem vñnd zweien dingen/ oder einem ganzen ding vñnd einem stück desselben lernen soll/ ehe denn er sich

sich die Theologi vnnnd Christliche Religion zureformiren  
 vnterschen. So bald aber bewiesen ist / daß gegenteil bey  
 dem buchstaben der wort Christi / wie sie den gemeinen  
 Mann mit gewalt wollen vberreden / nicht bleibet / sonder  
 ein auflegung vnnnd anderen verstand suchet / denn der  
 buchstab mit sich bringet / So sihet jederman daß sie schul-  
 dig sind / dieselbe auflegüg des buchstabens auß der schrift  
 zubeweisen. Vnnnd dis ist / Christlicher Leser / die vrsach /  
 darumb wir auch zu Maulbrun darauff haben gedrungen /  
 was in den worten Christi / durch das wörclein / Das / ver-  
 standen würde / oder was Christus seinen leib geneuet het-  
 te / Nit wie sie leichtfertiglich jetzt widerum fürgeben / vnd  
 vnserer darauff gegebene antwort vergeße / dz wir all vnser  
 sach ebe darauff gesetzt / daß wir zuuor erhielte / das wörclein  
 dz heisse nichts ands den das brot / vñ so vns dis nit würde  
 nachgelassen / mit inē nit weiter könden disputieren / Sand  
 erstlich daß wir inē nit solte zugebe / das öffentliche onwar-  
 heit ist / vñ wir vns fünffzehē vñ aber fünffzehē mal zuuer  
 neine keins wegs nit solle schämē / sie aber auch nur ein mal  
 zuuertedige sich billich sollen schämē / daß nemlich Christus  
 vom brot vñ im brot verborgenē leib zusamen hette gesagt /  
 Das ist mein leib / Zü andern / daß vö der meinüg der wort  
 Christi weder ihnen noch vns möglich zureden / man wisse  
 oder seze denn zuuor was dasselbe sey / daß Christus seinen  
 leib geneuet hat / Vnd zü dritten / es sey gleich brot allein / ob  
 brot vnd leib zusamen / daß wir anfenglich erweisenen / sie  
 blieben nicht bey den worten. Dörffen sie derwegen nit so  
 sehr pochen / als hetten sie vns mit irer verneinung der of-  
 fenbaren vnnnd erwiesenen warheit so sehr für den kopff  
 gestossen / daß wir schier darob verstummet / vnd sich nit so  
 fast



fast künlen mit vnserer eingezogenheit / daß wir ihnen nicht  
 bald für den zuhörern / die vsach darzu gesagt / warumb  
 vns dieser ihrer antwort wunder neme / daß wir nemlich sie  
 nicht für so frech vnd vergessen gehalten / daß sie das senis  
 ge solten leugnen / das also offenbar vnd von Alten vnd  
 Newen Scribenten se vnnnd allezeit bekent ist. Denn wir  
 inen ist gemeldte zwo antworten / inmerdar neben einan  
 der gegeben / Sie aber auff die erste inmer widerholet / das  
 wörtlein / Das / hiesse brot vnd leib / Auff die ander / haben  
 wir von ihnen nichts weiter können bringen / denn daß es  
 ein klare / verstendige / gebreuchliche weise zuredē were / Da  
 man sie doch nicht fraget / Ob die wort klar vnnnd verstend  
 lich (denn sie vns / Gott lob / verstendlicher sind denn inen)  
 sonder ob sie nach dem Buchstaben zuverstehen sind oder  
 nicht. Auff diese frage sollen sie noch ein richtige antwort  
 geben. Dargegen aber wir / wenn wir schon sehen / vnd inen  
 auff weitem bescheid nachlassen / Christus nenne brot vnd  
 fleisch zusammen seinen leib / darumb nicht müssen still ste  
 hen / sonder heben erst recht an mit inen zu disputieren. Denn  
 weil sie auch one shren willen müssen zugeben / Erstlich / daß  
 denoch Christus das brot mit dem wörtlein / Das / gemeint  
 habe / es sey gleich allein / oder mit dem fleisch (denn diß ist /  
 das wir auß frem munde für bekant annemen) Vñ zum and  
 dern / wenn sie gleich brot vnd fleisch zusammen verstehen /  
 daß sie auch also nicht können bey dem buchstaben bleiben /  
 sonder müssen auff den verstand gehen / So werden sie als  
 denn weiter getrieben diesen sren verstand / den sie den wort  
 ten Christi gebē / auß Gottes wort zubeweisen / welches inen  
 onmöglich ist. Den Weinkanten vnd Habersäck sind dar  
 zu viel zu schwach. Das wölle der Christlich leser alhie mit  
 fleiß mercken.

Vom Capernaitischen essen/haben wir snen auch mehr  
 mal geantwortet/Daß sie sich vergeblich dieser aufflag be-  
 schweren. Denn wir sie nicht der reumlichen einschließung  
 oder groben jrdischen niessung des fleisches Christi beschul-  
 digen/Sonder sagen rund vnd Teutsch/daß ire himlische/  
 vbernatürliche / Maiestatliche/ leibliche) mündliche nies-  
 sung / oder wie sie dieselbenennen wollen / eben so gut sey  
 vnd eben so viel grund in Gottes Wort habe / als die gro-  
 be Capernaitische. Den weder die Capernaiter noch Chri-  
 stus selbst / die subtile mündliche niessung seines fleisches  
 von der groben vnterscheiden / vñ eben auß einerley grün-  
 den beide vmbgestossen werden. Denn gegenteil mit D.  
 Luthern selbst bekennet / daß der leib Christi auff die erste  
 weise/das ist/nach art eines natürlichen leibs/ nicht gegen-  
 wertig sey/nach gessen werde. Auff die ander weise/nem-  
 lich eines verklärten leibes oder eines Engels/ sagen sie wi-  
 der D. Luthern / sey er auch nicht da. So kan er auff die  
 dritte weise/nemlich die Maiestatliche oder Göttliche/nach  
 welcher er soll allenthalben sein / noch viel weniger münd-  
 lich gessen werden. Denn nach dieser weise komet er nicht  
 von einem ort ins ander. Darumb sich auch D. Luther für  
 dieser dritten weise gehüet/ vnd gesagt / der leib Christi sey  
 vnd werde gessen im brot nach der andern weise / als nach  
 der er könne mit dem brot / auß der hand in den mund ge-  
 hen. Darauß zusehen wie sich das dürre gezwungene glöß-  
 lein des gegenteils / damit sie Doct. Luthers meinung mit  
 der shren zuvergleichen / vnd ihm auß der andern weise die  
 dritte zumachen sich vergeblich vnterstehē/ mit D. Luthers  
 worten nicht wil reimen. Darzu ist von vns nit auß einem  
 Pflitzerzettel / sonder auß D. Luthers fürnemsten Büchern

dargethan vnnnd war gemacht / daß er der Vbiquitet / wie  
 weit er sich auch im streit / wenn er kein andere außflucht  
 gefunden / darein hatt vergangen / so gar nicht in seinem  
 gewissen hatt können trawen / daß er an anderen orten  
 eben auß denen gründen / die auch wir darwider führen/  
 hat widerleget vnnnd zu nicht gemacht. Thut derhal-  
 ben / nicht allein darumb / daß er in diesem handel nicht  
 Richter / sondern Part ist / sondern auch von wegen die-  
 ser ungleichheit / so in seinen Schrifften zusehen / die an-  
 zählung der Vbiquitetischen Schirmschlege / auß Doctor  
 Luthers Büchern / gar nichts zu Gegenteils sache. Daß  
 sie aber die Schrift Doctor Luthers / so wir auß dem ach-  
 ten Jenischen teil seiner Bücher / angezogen / als einen on-  
 glaubwürdigen klitterzettel verwerffen / gehet nicht vns/  
 sonder die jenigen an / die seine Bücher haben lassen auß-  
 gehen. Dis wollen wir nur als im sürgerang den Christo-  
 lichen Leser erinnern / weil ihnen dis zuschreiben kein sünd  
 ist / So können wir von den Predigten / so er nach seinem  
 letzten abschied von Wittenberg / soll gethan haben / vnd  
 nach seinem tod sind außgangen / eben so wol sagen / Wer  
 weis von wem vnnnd wie trewlich sie auffgeschrieben oder  
 außgangen sind ? Aber solches haben wir nur dem Leser  
 mit einem wort wollen zeigen / Denn vns D. Luthers an-  
 sehen vnd zeugnis one Gottes Wort / eben so wenig streit/  
 als anderer menschen wort.

XIII.

Letzlich / versuchen sie sich auff vnser auß der Vbiqui-  
 tet genommene widerlegung der mündlichen messung  
 des leibs **CHRYSTI** / zu antworten. Geben aber  
 ein

ein solche Antwort / damit vnser eintrede viel mehr bestä-  
 tiget / denn abgeleinet wird. Denn wir haben geschlos-  
 sen vnd schliessen noch also / Was allenthalben gegen-  
 wertig ist / das wird nicht von einem ort zum andern be-  
 weget / wie auch gegenteil bekennet vnd bekennen muß /  
 sonder ist schon zuuor vnd bleibet allezeit an allen orten /  
 gehet nicht in / oder vnter / oder mit dem Brot / auß der  
 hand des Dieners / in die hand / oder in den mund / oder  
 leib der niessenden / sonder ist zuuor vnd bleibet in dem  
 Brot / in der hand / in dem mund / in dem leibe / &c. Der leib  
 Christi aber ist nach gegenteils fürgeben allenthalb / Vnd  
 eben auff dieselbe Maifestetische weise / auff die er allenthal-  
 ben / ist er auch gegenwertig im Brot des Abendmals. Der-  
 wegen folget onwidersprechlich / daß er keins wegs auß der  
 hand in den mund / mit oder in dem brot / kome / oder auch  
 einiger weise in den leib eines menschen eingehe / sonder ist  
 zuuor vnd bleibet onbeweglich in aller Menschen leib /  
 mund / hand / &c. Das ist / er kan so wenig mündlich ges-  
 sen werden / als die onendliche / onbewegliche / allenthalben  
 gegenwertige Gottheit.

Darauff geben sie die antwort / Wie der Sohn Got-  
 tes nicht erst in die Jungfraw Maria kommen / vnd den-  
 noch in frem leibe entpfangen worden (Das ist / menschi-  
 che natur / nach welcher er entpfangen ist / an sich hat geno-  
 men) Item / wie der Heilig Geist / weil er Himmel vnd  
 Erden erfüllet / nicht allererst auff E. H. I. sum kommen /  
 da er in Tauben gestalt auff in herab vom Himmel fur / auch  
 nit allererst in die Apostel kam / da sie Christus anblies / oder  
 da am Pffingstag der wind vnd ffeuer flammē vom Himmel  
 K ij auff

auff sie fielen/sonder ihnen seine herrliche gaben mittellete/  
 Also darff Christus nach seiner menschheit nicht allererst  
 im Nachmal zu oder in vns komen / als ob er zuvor nicht  
 bey oder in vns were/sonder er komt der gestalt in vns/ daß  
 er vns mit seinem fleisch vnd blut speiset vnd trencket/ vn-  
 fern glauben stercket/vñ vns zum ewigen leben erhalt. Vnd  
 in summa/dis/ sagen sie/sey der vnterscheid der gegenwert  
 des leibs Christi an allen orten vnd im Abendmal / daß er  
 denen am meisten vnd in der warheit recht gegenwertig ist/  
 die er (wie wol nicht abwesende) seiner gnaden vnd gaben se-  
 mehr vñ mehr durch den gebrauch des H. Nachmals teil-  
 hafftig machet.

Alhie wolle der Christliche Leser auff mercken / wie das  
 mündlich essen des leibs Christi/mit der Vbiquitet verfocht  
 ten wird. Es ist bisher die onselige spaltung der Euange-  
 lischen Kirchen von wegen des Abendmals vber keiner an-  
 dern frage gewesen/denn was im Abendmal die niessenden  
 bekämen oder entpfingen/das sie zuvor nit hetten/ Ob der  
 wesentliche natürliche leib Christi mit dem brot in ihren  
 mund eingienge/also daß er vor der niessung des brots auß-  
 serhalb/ vñnd nach der niessung innerhalb des munds vnd  
 leibs der niessenden were/ Oder ob die glaubigen durch den  
 brauch des Nachmals im glauben geübet vnd gestercket/  
 dem waren natürlichen leibe Christi als frem haupte mehr  
 vnd mehr durch seinen Geist eingeleibet / vnd seiner wol-  
 that theilhaftig gemacht würdē/ das ist/dieselbe geistliche  
 niessung vñ gemeinschaft Christi/die sie schon zuvor hetten/  
 vnd zu Nachmal brechet in inē gemehret vñ erhalten würdē.  
 Alhie hat mā bisher gestritten/der leib Christi werde durch dz  
 mund in den leib genomē/ von glaubigen vñ ongläubigen/  
 die

die das Brot des Nachtmals entpfahen. Dargegen aber sagen / kund die Wirtembergischen Theologen / daß Christus nach seiner menschheit nicht aller erst im Nachmal zu oder in die niessenden kome / sonder sey schon zuuor in jnen / gleich wie das Göttliche wesen des Sohns Gottes / vnnnd des H. Geistes / nicht herab vom Himmel auff Erden in die Jungfraw / oder in die Apostel / oder auff Christum kome / Sonder unbeweglich zuuor herniden ist / vnd droben bleibet / Wird aber dennoch von im gesagt / es komme herab / wenn es etwas ansehert herniden zuwircken / vnd sich zuerzeigen / wie der Sohn in seiner angenommenen menschheit / der H. Geist in sichtbaren zeichen vnnnd mit seinen gaben vnd wirkunge in Christo vnd den Aposteln. Daß sie nu sagen / es kome der leib Christi nicht in vns / das were vns ein freude von jnen zuhören / weñ sie nicht daran hiengen / das die andern / so die leiblich niessung verteidigen / so wol als wir verneinen / nemlich / daß er zuuor in vns sey.

Die weil sie aber auß zwingender not bekennen / daß die substanz oder das wesen des leibs Christi / nit mit dem brot in den mund gehe / wie auch der H. Geist nit mit der tauben gestalt auff Christum / mit dem athem oder feuwerflammen in die Apostel kome / vnd der ewige Sohn Gottes nicht erst in die Jungfraw kome / da seine menschheit in derselben entpfangen vnnnd mit ihm zu einer Person vereiniget wird. So ist am tag / daß im brauch des Abendmals / neben der niessung brots vñ weins zur verkündigung des todes Christi / vns nit mehr widerfert / denn / wie ire wort lauten / daß vns Christus mit seinem leib vnd blut speiset vnd trencket / vnsern glauben stercket / vnd vns zum ewigen leben erhelte. Dis aber vnd nichts anders / ist vnserere Lere vnd bekentnis /

Doch daß in diesem speisen vnd trencken / die einleibung in  
 den waren wesentlichen leib Christi durch seinen in im vnd  
 in vns wonende Geist/begriffen werde/welche wir nit haltē  
 te/ daß sie von jñe auß diesem speisen außgeschlossen werde.  
 Diese speisung aber geschihet nit durch den leibliche mund/  
 oder irgend ein eingehē des leibs Christi in vnsern leib / auch  
 nit allein im brauch des Abēdmals / widerferet auch keinem  
 ongläubige/als die allein durch waren glaubē an Christum  
 allezeit in den glaubigen geschihet / vñ im Abendmal bestea-  
 tiget vñ vermehret wird. Deñ so bald das eingehē des leibs  
 Christi in vnsern mund vñ leib/hindan gesetzt wird/so bleibet  
 den glaubigen nichts deñ die geistliche nießung Christi  
 neben der nießung brots vnd weins/ den ongläubigen aber  
 nichts deñ die nießung brots vñ weins zu frem gericht vnd  
 vteil. Darum vns nit onbillich wundert/ daß sie für ein so  
 böse arglistige verkerung anzihen / daß wir sie erinnert/ sie  
 habē das 6. cap. Joh. nit nur auff die speiß/sonder auch auff  
 die nießung vñ speiß im Abendmal welche Christus ist/gezogen.  
 Deñ solten die wort Christi im Abendmal den Jüngern  
 klar vñ verstendlich sein/wie sie sagt/vñ wir gern zugeben/  
 von wege der predig Joh. 6/ So muß freilich an beidē orten  
 von einerley nießung geredt sein/sonst würden die Jünger  
 darauß nit verstand dieses essens geschöpfft habē/sond viel  
 mehr in irthum oder zweuel geratē sein. Vñ zwar/wenn sie  
 schō zuvor diß nit hettē gesagt / so leß doch diese fre antwort  
 auff vnser schlufrede/kein andere nießung des leibs Christi  
 im Nachtmal bleiben/deñ Joh. 6. beschrieben wird. Der  
 halben da allein die Vbiquitet daraussen gelassen würde/  
 durch welche doch das mündlich essen nit erhalten /sonder  
 viel mehr außgeschlossen wird / sehen wir nit warum diese  
 spaltung

spaltung zwischen vns nit auffgehoben solte sein / welches  
vns der Sohn Gottes mit freuden sehen lasse / Amen.

111.

Kurze widerholung der fürnemsten offte gegebene  
nen antworten auff die lere von der Allenthalbenheit  
vnd mündlichen niessung des leibs Christi / Vnd ders  
selben vermeinten beweiss.

**W**ie vnser geaittel vnser lere zuueronglimpfen für  
gibt / wir verleugnen die ware gegenwert vnd niessung  
des leibs vñ bluts Christi in seinem Abendmal /  
Da wir doch nit diese / sonder allein die leibliche mündliche  
gegenwert vñ niessung desselben in dem brot vnd wein ver  
neinen / Also geben sie auch ire lere mit solchẽ Worten für / die  
einen schein der warheit habẽ / damit sie aber viel ein anders  
meinen / den Gottes wort vermag. Denn die gegenwert  
des warhafftige leibs Christi im Abendmal / heist bey jñe so  
viel als die gegenwert des leibs in oder bey dem brot des A  
bendmals. Aufstellung oder niessung des leibs vnd bluts  
Christi heist bey jñe so viel / daß der leib Christi mit dem brot  
durch die hand des dieners in den mund / vñ durch den mund  
in den leib der niessenden eingehe. Sich des Herren Nach  
mals gebrauchẽ heist bey jnen so viel / als die eusserliche Cer  
emonien halte / auch one glauben vnd bekerung zu Christo.  
Solche ire lere vñ erklärung / sagen wir / mag nit bestehen /  
darumb daß sie in Gottes wort mit keinem buchstaben ge  
gründet ist / vielfeltig aber darin widerleget wird. Denn  
solcher gegenwert oder niessung nirgend in der Schrift ge  
dacht wird / vñ der leib vñ blut Christi als ein geistliche spet  
se des ewigen lebens allein geistlich von den glaubigẽ / wel  
chen allein das Abendmal von Christo ist eingefest / zum  
ewigen leben wird genossen.

D. III



II.

D. Luthers haubtgrund / sagen sie / sind die helle / klare /  
 düre wort Christi / Nemet / esset / das ist mein leib / &c. Ist  
 aber dieser haubtgrund sinen vñ D. Luthern vor langst mit  
 gründlicher widerlegung genommen / Dieweil die helle / kla-  
 re / düre wort Christi nicht also lauten / in oder vnter oder  
 bey diesem brot ist / oder gehet in ewren mund / mein leib /  
 Sonder das (nemlich das natürliche sichtbare brot / das er  
 von dem tisch in seine hand nam / brach / darreichte / vñ seine  
 jünger mit irer hand nemē / vñ natürlicher weise essen hieß)  
 ist mein leib. Vnd erkläret sich also / Das wir dis brot vnd  
 wein zu seiner gedechtniß vnd verkündigung seines thodes  
 sollen niesen.

III.

Ir ander grund ist die Malestet oder siken Christi zur  
 Rechten Gottes / welche dieweil sie allenthalben ist / vñnd  
 Christus nach seiner Menschheit zu der ganzen rechten  
 Gottes geseket ist / müsse er mit seinem leib allenthalben  
 vñnd derwegen auch im brot sein. Diese Malestet / hat  
 vnser gegenteil / nach dem sie an D. Luthers haubtgrunde  
 verzweuelt / vñnd nit die gegenwert / sonder allein die niese-  
 lung des leibs Christi in dem brot / auß den worten Christi  
 zuerhalten vermeinet / zum haubtgrund vnd nebensgrund  
 der leiblichen gegenwert Christi im brot geleet. Ist ihnen  
 aber offte darauff geantwortet / Das Christus nach seiner  
 Gottheit also zur Rechten des Vaters sike / Das er im an  
 allen göttlichen eigenschafften gleich / almechtig vñ vberal  
 gegenwertig / in seinem namen alles regiere / Nach seiner  
 Menschheit aber also / Das dieselbe natur / die mit der al-  
 mechtigen Gottheit ein einige Person macht / mit herlich-  
 heit vnd gaben vber alle Creaturen erhöhet / Aber nicht der  
 Gottheit gleich vnd allenthalben sey. Denn solches die  
 Schrifft

Schriefft in dieser erhöhung der menschheit Christi an keinem ort nicht begreiffet.

Ir dritter grund ist / So die Menschheit Christi mit allenhalben sey mit der Gottheit / so werde die Person Christi getrennet. Ist oft geantwortet / Ob gleich die Gottheit mit an allen orten die Menschheit mit vnd bey sich hat / Ist vnd bleibet sie doch an allen orten ihrer ein mal angenomene menschheit persönlich vereiniget / darumb das eben dieselbe ganze Gottheit / die außserhalb ihrer Menschheit ist / zu gleich auch in derselben ist vnd bleibet / Wie sie selbst zu Mautbrunn haben bekennen müssen.

IIII.

V.

Ir vierder grund ist die von ihnen new erdichte beschreibüß oder erklärdüß der persönlich vereinigung der zwey naturen in Christo / Nemlich / das sie ein solche vereinigung sey / in welcher das ewige Wort oder Son Gottes hab menschliche natur der gestalt in einigkeit seiner person an sich genomen / das er sie vber alle Creatur / Engel vnd Menschen gesetzt / durch dieselbige vñ mit derselbigen alle ding im Himmel vnd auff Erden handle / vnd one dieselbe nichts thue / welche alle Wirkung mit dem Wort gemein habe. Darauß vermeinen sie als denn zuschließen / weil die Gottheit alles an allen orten durch die Menschheit erhelt / regieret vnd wircket / So müsse sie auch mit der Gottheit an allen orten gegenwertig sein / vnd also auch im brot des Abendmals.

Erstlich aber von diesem zureden / das der Sohn Gottes sein angenomene menschheit vber alle Creaturen gesetzt vñ erhabt / bekennen wir auch dasselbe beständiglich / doch in solchem verstand / der Gottes wort vnd der gesunden lere von vnserm Herrn Christo gemeh ist / Nemlich / Das Christus nicht allein nach seiner Gottheit / sonder auch nach seiner

I

Mensch

menschheit ein Herr aller creaturen ist / dieweil er nit allein  
 warer mensch / sond auch warer / ewiger / natürlicher Gott /  
 mit seinem ewigē vater ist / dz ist / diese angenomene mensch  
 heit eine person vñ ein Christus mit seiner ewigen Gottheit  
 ist / vñ derwegen alle creaturē auch dieser seiner menschheit  
 vnterworffen vnd gehorsā zusein schuldig sind / vñ er alles  
 was er auch mit dem willē seiner warē menschliche seele wil /  
 mit vñ in allen Creaturē erfüllen vñ außrichtē kan durch die  
 krafft Göttlicher vñ menschlicher natur zugleich / wz Gott  
 durch ein erschaffene natur zuwirkē vnd zuthū gefallen / vñ  
 durch krafft seiner Gottheit / wz derselben allein / vnd keines  
 erschaffenen natur zustehet. Den eben darū hat Christus  
 müssen warer Gott vñ mensch sein / dieweil er / beides dz der  
 menschlichen vnd das v göttlichen natur zugehōret / thū vñ  
 außrichtē solte. Vñ auß diser vrsach ist auch diese menschliche  
 natur des sons Gottes / mit gerechtigkeit / weisheit / stercke /  
 herlichkeit vñ allen himlischen gabē on außsprechlich / vber  
 alle Engel vnd menschen geziret / Aber doch der Göttlichen  
 natur / von v sie so wol als andere creaturē erschaffen ist / era  
 haltē / getragen / regiret / vnd mit gaben geziret wird / an sol  
 chen eigenschafften nit gleich / sond der selbē bis in ewigheit  
 vnterworffen / wie 1. Corin. 15. geschriben stehet. Gegen  
 eil aber verstehet dis sehen der menschheit vber alle Creaturen /  
 wie sie sich in diesem vñ andern jre schreiben erkläret / also dz  
 die menschliche natur der göttliche an krafftē vñ wirkung vñ  
 allen göttlichen eigenschafften gleich sey / welches wir als dz  
 wir den grūd göttlichs worts ist keines wegs können eingē.  
 Denn die H. schrift beschreibet vns die menschheit Christi  
 zu allen zeiten vñ orten / endlich / vmbgeschrieben / befindlich /  
 vñ die nit durch jre weder eigne noch mitgeteilte / sond durch  
 krafft der ewigen wesentlichen Gottheit / vom tod erwecket /  
 mit

mit himlischer herrlichkeit gezieret/vñ darin erhalten wird.  
 Zum andern haben sie bißher gedrungen auff die gleich-  
 heit oder mittheilung der göttliche eigenschafftē/ vñ dadurch  
 die persönlich vereinigug/das ist/die menschwerdung des  
 Sons Gottes/wollen beschreiben vnd erklären. Nach dem  
 Ine aber geantwortet/das Mensch werde nit heisse die mēsch-  
 heit der gottheit an eigenschafften gleich machen/vñ solche  
 gleichmachung keines wegs eine person oder einen Christū  
 auß zwoen naturē mache/ So dringē sie ihund auff ein an-  
 ders/dadurch sie solche ire vortige beschreibung der mensch-  
 werdūg Christi/vermeine zuerhalten/nemlich/das persön-  
 liche vereinigug dis sey/dz eine natur alles wz sie thut/mit  
 der andern vñ durch die and/als durch iren werckzeug/wir-  
 ckē vñ außrichte. Nu ist ein mal gewis/das an macht vñ an  
 allen eigenschafften ein ander gleich sein/vñ durch ein ands  
 oder mit einem andern wirckē/es sey gleich etwas od alles/  
 nit eben ein ding sey/auch nit derē eins aus dem andn folge.  
 Deñ es ka wol der werckmeister durch seinē werckzeug arbei-  
 tē vnd wircken/vñ ist deñoch der werckzeug dem meister an  
 eigenschafften nit gleich. Aber diese onbestendigkeit irer lere  
 wollen wir ihund irē weg lassen gehē/vñ allein sehen ob dise  
 beschreibung der menschwerdung des Sons Gottes od per-  
 sönliche vereinigug der Gottheit mit der menschheit/besser  
 sey vñ bas bestehē möge/deñ die zuuor von Ine fürgebrachte.  
 Zu dieser irer newen beschreibung/der menschwerdung  
 Christi oder persönlichē vereinigug leibs vñ seel in dem men-  
 schē/vñ der zwoen naturē in Christo/sagē wir rund vñ ledig-  
 lich Nein. Siehet Ine derhalbē dise zubeweisē. Dis vermeine  
 sie zuehū mit d gleichnis seel vñ leibs eins menschē/welcher  
 persönlichē vereinigug/sagē sie/nichts ands ist/deñ das die  
 Seele

Seele dem leib ire eigenschafft warhafftig vnd der gestalt mittheilet/ daß der leib nichts one die Seele/ auch die Seele nichts one den leib thut / sonder der ganz mensch handelt alles mit leib vnd seele / so lang er ein warhafftiger wesentlicher / lebendiger mensch ist vnd bleibet / vnd also die seele alle ihre krafft vnd wirkung durch den leib als durch iren werckzeug/vbet vñ volbringet. Darauß wollen sie schliefen / weil dis die persönliche vereinigung leibs vnd der seele sey / So müsse auch die persönlich vereinigung der Gottheit vnd Menschheit Christi darinnen stehen/ daß die Gottheit alle ire krafft vnd wirkung durch die menschheit vbet/ wie die Seele durch den leib. Hierauff zur antwort/wolle der Christliche Leser kürzlich folgende puncten bedencken.

Es hat vnser gegenteil alle zeit vber vns geschrien/ Daß wir vnserere Lere von Christo vnd von seinem Abendmal/auff die Philosophi vnd menschliche vernunft vnd gedanken / vnd einbildung des natürlichen lauffs vnd art der Creaturen gründen / in welchem doch vns von ihnen ongütlich geschihet/ Dieweil am tag / daß vnserere Lere von gemeldten vnd andern Stücken nicht auß der Philosophi/ als darinn nichts dauon gefunden wird/sonder auß Gottes wort/in dem sie vielfeltig gegründet/ist genomen. Das gegen aber sekund sie ihre ganze sache / glauben vnd bekentnis von dem sárnemsten hauptstück Christlicher Religion/ Nemlich der person Christi / wir wollen nicht sagen/auff die Philosophische vnd den ongelernten schwere vnd unbekante Disputation / von wirkung der Seelen durch den leib / gründen ( denn die ware vnd rechte Philosophi/ als die ein füncklein der göttliche weisheit ist/ welches auch nach

nach dem fall Menschliches geschlechts durch Gottes gnädige fürsorgung in den Menschen erhalten ist / mit der weisheit Gottes die er in seinem wort hat geoffenbaret / nit streitet) Sonder allein auff diese ihre mit aller rechtsmäßigen Philosophy streittende / vñ doch von ihz für grosse Philosophy aufgegeben gedichte / daß die Seele in dem leib nichts wircke den durch den leib / vñ daß solches soll die persönlich einigkeit leibs vnd der Seelen sein.

Zu dem / haben sie bißher die gleichnis von der Seele vnd Leib allezeit / so viel inen möglich / verkleinert vnd verworffen / als die von wegen der ungleichheit zwischen dieser vereinigung vnd der naturen in Christo / viel zu gering sey / diesen wichtigen handel zu erklären / wollen geschweigen / etwas damit zubeweisen. Solchs thun sie im Maulbrunnischen Gespräch / bald im anfang der dritten Action / mit diesen worten. Die gleichnis vom leib vnd Seele mag die geheimnis nicht erklären / Denn sie rede von einem natürlichen ding / Die persönliche vereinigung aber ist ein vbernatürlich vñ vnder vernunft vnerforschlich geheimnis. Zu dem haben wir nicht zeugnis vom leibe / wie von der Menschheit / die zur Rechten Gottes gesetzt. Denn menschlicher leib hat mit der seelen etliche gemeinschafft / als sehen / stehen / gehen / Aber der menschlichen natur in Christo ist alles gegeben. Derwegen ein grosser vnterscheid hierinnen. Dergleichen reden sie auch an andern orten. Jekund aber / nu inen dieser newe fund / daß die seele alles durch den leib wircke / in den sinn ist kommen / So ist diese gleichnis nicht allein ein wol geschickte vñd feine erklärung / sonder auch jr einiger grund worden / darauff sie jr beschreibung der persönlichen vereinigung bawen.

Ob wir nu wol alhie keiner andern antwort bedörffen/  
 denn gegenteils jetzt angezogene wort / Nämlich / daß auß  
 der natürlichen vereinigung leibs vñnd der seelen von der  
 vbernatürlichen vereinigung der Gottheit vñnd Mensch-  
 heit in Christo / nit zu vrtellen oder zuschliessen / Auch daß  
 noch jrer vorigen lere / die ongleichheit dieser vereinigung  
 eben darinnen stehe / daß die menschheit Christi mit der Gott-  
 heit alle / der leib aber mit der seele / nit alle ( denn dauon ha-  
 ben sie keine zeugniß ) sonder nur etliche eigenschafften ge-  
 mein habe / Den solches jrer jetzigen meinung stracks ent-  
 gegen ist / Auch wir nicht verhoffen / daß jemand verstandi-  
 ger / mit solchem schwachẽ beweiß des gegenteils / in einer so  
 wichtigen sachen / sich werde vergnügen lassen / So wollen  
 wir doch den gemeinen leser erinnern / Daß zwo antworten  
 für eine sind / deren ein jede starck vñnd verständlich genug ist  
 solchen neuen schein der Ubiquitetischẽ persönlichen ver-  
 einigung abzunemen.

Vñnd ist die erste antwort diese / daß wir diesen beweiß der  
 fürgebrachte beschreibung persönlicher vereinigung / näm-  
 lich / daß leib vñnd seel in dem menschen also vereinigt sind /  
 daß die seele alle ire krefftten vñnd wirkungen durch den leib /  
 als durch jrẽ werckzeug vbe vñnd volbringe / vñnd vñ ledig-  
 lich verneinen. Denn alle gelerte vñnd rechtsinnige alte vñnd  
 neue Philosophj vñnd Naturkündiger halten vñnd leren / daß  
 die seele dieselbige ire krefftte vñnd wirkungen durch die leib-  
 lichen / von Gott darzu geordneten mittel vñnd werckzeuge /  
 vbe vñnd volbringe / die der mensch mit andern thierẽ gemein  
 hat / Vñnd die seele allein weil sie in dem leibe ist / wirket / Als  
 die nerung / begierde / bewegung des leibs vñnd orte zu ort / ent-  
 pfindung durch die zufferliche sinne des leibs / vñnd innerliche  
 sinne

sinne des hirns / Die vernunfft aber / das ist / der verstand  
 vñ willen / welche dem mensche für allen andern thieren ge-  
 geben / vñ die seele vbet auch nach dem sie von dem leib ge-  
 scheidt / wircke nit durch ein leiblich mittel oder werckzeug /  
 sonder durch sich selbest / auch weil die seele in dem leibe ist.  
 Denn so dem nicht also / würde sie mit den andern krefftien  
 auffhören zuwirken / wenn die seele von dem leibe scheidet.  
 Geschihet derhalben die entpfindniß der innerlichen sinne /  
 durch das hirn als einen werckzeug der seelen / wie die ent-  
 pfindniß der eusserlichen sinne / durch ire verordnete mittel /  
 das sehen durch die augē / das hören durch die ohrē /c. Von  
 diesen wirkungen aber / der eusserlichen vñnd innerlichen  
 sinne / ist vnterschieden die vernunfft / oder der verstand /  
 welcher in den innerlichen sinnen des hirns / gleich als in ei-  
 nem spiegel / anschawet vñd versteht die ding / so darinnen  
 auß anzeigung der eusserlichen sinne abgebildet vñd gleich-  
 sam färgemaler werden. Denn die etabildung in die inner-  
 liche sinne oder entpfindniß des hirns / dessen so durch die  
 eusserlichen sinne entpfundē wird / geschihet durch die leib-  
 lichen mittel vñnd werckzeug / Nämlich / das Hirn vñd die  
 spiritus. oder geister / so sich in dem hirn geben / Abor den  
 verstand od die anschawung derselbē in dem hirn färgema-  
 lere bildnißien / vbet die vernunfft durch sich selbest / one ei-  
 nigen leibliche werckzeug / Den diese eigne wirkung der ver-  
 nunfftige seele / viel höher subtiler vñd edler ist / den daß sie  
 durch den leib oder ein stück des leibes geübet vñd volbracht  
 solte werden. Ist auch vergebens / daß sie sagt / der Mensch  
 versteht nit one das hirn / sihet nit one die augen / höret nit  
 one die ohrē /c. Itē / Weñ das hirn verlegt / wird der mensch  
 seines verstands beraubt /c. Den wie in einē spiegel die augē  
 nichts



nichtes können seht / es werde denn etwas darin abgebildet /  
 vnd ein ding recht oder onrecht erkennen / darnach es ihnen  
 recht oder onrecht in dem Spiegel fürgebildet wird / Vnd  
 dennoch ein ander ding ist die abbildung in dem spiegel / ein  
 anders die anschawung der bildniß so mit oder durch die au-  
 gen geschihet / Vnd vbet das aug seine wirkung wed durch  
 den spiegel noch durch die bildniß in dem spiegel / als durch  
 einen werckzeug / sonder durch sich selbst vnnnd durch seine  
 eigne angeborne krafft / Also verstehet vnd erkennet die see-  
 le / weil sie in dem leibe ist / durch die vernunfft nichts das  
 außershalb fr ist / Es werde jr denn durch die innerlichen sin-  
 ne fürgebildet / Schawet es auch also an vnnnd vrtheilet also  
 daruon / wie es jr durch den sinn fürgegeben wird / Vnd ist  
 dennoch ein andere krafft vnd wirkung der seele / die fürbil-  
 dung eins dings in dem sinne / welche sie durch leibliche mit-  
 tel vnd werckzeug vbet / vnnnd ein andere der verstand oder  
 vernunfft / welche nit durch leibliche mittel / noch durch die  
 eusserlichen oder innerlichen sinne / sonder durch sich selbst  
 one mittel / die fürgebildeten ding in dem innerlichen sinne  
 anschawet / begreiffet vnd verstehet / &c. Ist derhalben noch  
 wird der leib nicht vernunfftig / Verstehet auch die seele nit  
 durch den leib / Ob sie schon die wirkungen der eusserlichen  
 vnd innerlichen sinne durch in vbet / welche gleich als boten  
 vnd spiegel der seele sind / darinnen sie sihet vnnnd erkennet  
 was außershalb ihr ist / so lang sie in dem leibe ist. Denn  
 daß wir den Leser auch diß im fůrgang erinnern / Wie dem  
 leib / vnd durch den leib seine wirkung vben / ist nit eine rea-  
 de. Die Seele vbet die wirkung der vernunfft nicht durch  
 den leib / Aber dennoch mit vnd neben den andern krefftien /  
 welche sie durch leibliche mittel vbet vñ brauchet. Vnd in  
 summa /

summa / weil gegenteil seine Theologi / durch Philosophi-  
sche disputationes vermeint zuerhalten / nimt vns wunder  
daß sie nicht gedencken / es werde jemand vnter denen sein /  
die ire Schrifften lesen / der inter intellectum & sensum. Das ist /  
zwischen der vernunfft oder verstand / vnd den innerlichen  
sinnen vnd iren wirkungen wisse zu vnnterscheiden.

40

Dieweil es aber scheint / als haben sie verhoffet den ein-  
feltigen vnd ungelerten mit einem solchen behelff die augen  
zuuerstreichen / von dem sie mit so leichtlich / als die in schu-  
len vnterwiesen sind / könden vrteilen / So wollen wir zu  
dieser Antwort noch ein andere geben / die vnser achtens  
auch dem ungelerten Leser soll verstandlich sein. Sehen  
derhalben es sey also (welchs doch keins wegs zu zulassen  
ist) daß die seele alle ire krefftten vnd wirkungen durch den  
leib vbe vnnnd volbringe / wie gegenteil fürgibt. Denn wo  
gleich diesem also were / so würde dennoch keins wegs dar-  
auß folgen / daß sichs auch mit der ewigen vnbegreiflichen  
Gotttheit also hielte / daß sie nemlich nach irer menschwer-  
düg / das ist / persönliche annemung der menschliche natur /  
alle ire krefftten vnd wirkungen nit anders denn durch die  
seele vnd leib dieser angenommenen menschheit vbe vñ vol-  
bringe / Dieweil zwischē der gotttheit Christi vñ der mensch-  
lichen seele / so ein grosse ungleichheit ist / daß auch gegen-  
teil damit / ehe denn sie auff diese neue gemeinschaft aller  
eigenschafften vnd wirkungen leibs vnd der seelen komen  
sind / alle zeit haben diese gleichnis von sich geschoben vnd  
verworffen.

Die menschliche Seele ist endlich vnd begreiflich / vnd  
wonet derwegen also in ihrem leibe / daß sie nicht zugleich  
außer demselben ist / vñnd vbet alle ire wirkungen / so lang  
M
sie

50

sie mit dem leibe vereiniget bleibt / nicht anderswo denn in dem leib / die sie durch sich selbst one mittel wircket / so wol als die sie durch leibliche zu jeder verordnete mittel volbringet. Die Gottheit aber ist onendlich vnnnd onbegreiflich / vnd wonet also in srer seele vnd leib / damit sie in eine person verhaftet vnd verbunden ist / das sie in dieselben nicht eingeschlossen ist / wie die seele in dem leibe / sonder zugleich inner vnd aussere denselben ist vnd allezeit bleibet / vnd aussere denselben eben so wenig als in denselben / onkressig oder müssig ist.

Item / Ob gleich die vernunfft in der menschlichen seele ire wirkung nicht vbet / es wircke denn zugleich die innerlichen sinnen durch ire leibliche mittel / So were doch solches von der ewigen Gottheit **CH**risti zugedencken vnd zusagen ganz ongereimt vnd lesterlich / das sie nichts sollte verstehen noch wissen / Es würde sr den durch die angenommene menschheit kund gethan vnd gezeiget / wie der menschlichen seele / weil sie in dem leibe ist / durch die eusserlichen vnd innerlichen sinne. Denn die ewige alwissende Gottheit der Menschheit **CH**risti eben so wol / als allen andern vernunfftigen Creaturen / alles das die menschheit weis von Gott vnd von seinen wercken / es sey durch mittel oder one mittel / offenbaret vnnnd zuerkennen giebet / Nicht als ein Knecht vnnnd Diener der Menschheit oder anderer Creaturen / sonder als ein Schöpffer / erhalter vnd regierer derselben / vnd ein vrsprung alles guten / das in allen Creaturen zu finden ist / Daher denn auch geschriben stehet / das Christus nach seiner menschheit mit dem **H.** Geist gesalbet ist / *ic.* Vnd ist nichts / das man dis also entschuldigen wil / die Gottheit thu solches nit auß not / sonder freiwillig / das sie

sie alles durch die menschheit wisse vnd verstehe. Denn die  
 Gottheit von ewigkeit alles durch sich selbst gewusst hat  
 vnd noch weis / vnd weder auß not noch freiwillig ire ewi-  
 ge weißheit / welche sie selbst ist / abgelegt oder verloren/  
 vnd so vnwissend vnd vergeßlich worden / daß sie nach der  
 menschwerdung nicht mehr durch oder von sich selbst alles  
 wüßte / vnd irer menschheit alles was sie wil / zeigte vnd of-  
 fenbarete / Sondern durch die menschheit / Ja das noch mehr  
 ist / durch den leib als einen werckzeug vnd mittel / Gott vnd  
 seine werck / sehe vnd erkennete. Wir wollen nit reden noch  
 vrteilen von den personen / die solche gedichte fürzugeben  
 sich nit schewen / Von dieser Lere aber können wir anders  
 nit sagen / denn daß sie nit allein ganz ongereimt / sondern auch  
 wid die ewige Gottheit Christi schmällich vnd lesterlich sey.

Item / Es hat Christus mit seinem menschlichen ver-  
 stand vñ sinne nicht allezeit alles gewusst / als vom Feigen-  
 baum vnd vom Jüngsten tag / Mar. 11. vnt 13. Hat zuge-  
 nomē an weißheit / nit allein für den mensche / sonder auch  
 für Gott / Lu. 2. Darauß offenbar / daß entweder die Gott-  
 heit Christi nicht alles gewusst vnd gesehen / vnd derwegen  
 auch nicht alles regiert vnd erhalten / oder durch sich selbst  
 vnd nit durch die menschheit solches gethan vñ gewireket.

Item / Es leret die Schrifft außdrucklich / daß Christus  
 durch seinen Geist die herzen der Menschen vernewe / er-  
 leuchte vnd widergebere / Johan. 3. vnd 6. 2. Cor. 3. Daß  
 er aber durch krafft / oder wirkung seiner Seele oder der  
 glieder seines Leibs solches thue / findet man nicht geschrie-  
 ben / Sonder folget viel mehr das widerspiel / dieweil auch  
 die menschheit Christi selbst durch den Geist Christi leben-  
 dig vnd heilig gemacht wird.

M ij Item/

7.

Item / Die Gottheit Christi treget vnd erhelt ire angenomene menschheit eben so wol als alle andere Creaturen / nicht durch die menschheit / sonder durch ire eigne Göttliche / almechtige krafft vnd wirkung / oder durch sich selbst / wie geschrieben stehet / Heb. 1. Er treget alles durch sein almechtiges wort / Vnd Matth. 4. begreiffe Christus auch seine eigne menschheit / da er spricht / Der Mensch lebet nit allein vom Brot / sonder von einem jeden wort / das auß dem munde Gottes gehet. Vnd ist one allen zweuel eben einer natur eigenschafft vnd wirkung / auß nichts alles erschaffen / vnd das erschaffen ist / erhalten / Ja die erhaltung ist nichts anders denn ein vollführung der Erschaffung / vnd derhalben allein der ewigen almechtigen Gottheit zugehörig so wol als die erschaffung.

10.

Item / Der todte leib Christi / ist weder durch seine seele / noch durch sich selbst / sonder durch die Almechtige krafft seiner Gottheit vom tode erwecket / vnd wider mit seiner Seelen verbunden vnd vereiniget worden. Denn was nit almechtig / wollen geschweigen / was todt ist / kan weder im selbst / noch einem andern das leben geben. Darumb stehet geschrieben / Johan. 10. Ich lege mein leben von mir / das ichs widerumb neme / 2c. Item / Act. 2. Gott hat ihn aufferwecket / 2c.

11.

Item / Da der leib Christi todt / vnd derwegen weder almechtig noch allenthalben war / Regierte Christus weder etliche noch alle ding durch ihn / wie auch gegenteil selbst bekennet / Vnd ward dennoch die Gottheit weder von dem leibe noch von der seele in dem tode getrennet. Derhalben ist offenbar / das die persönliche vereinigung dis weder sey noch erfordere / das die Gottheit alles durch die menschheit wirkt.

Alhie

Alhie sagen sie wol / Christus habe durch die menschlich  
 natur die todten angerürt vnd aufferweckt / die auffezigen  
 gereiniget / mit der leiblichen stim den Lazarum auß dem  
 grab herfür gebracht / mit seinem ansehen S. Petro das  
 hertz gerürt / dem blinden mit seinem speichel die augen ge-  
 öfnet / den tauben die finger in die ohren gestossen / vnnnd sie  
 widerumb hörend gemacht / Die Apostel mit seinem mund  
 angeblasen vnd jnen also den H. geist gegeben / vñ derglei-  
 chen viel andere mehr wunder gethan / welches er nicht als  
 lein nach der Gottheit / Sonder samt / durch vnnnd mit der  
 menschheit gewircket hat / Ist aber schon zuuor darauff ge-  
 antwortet / Daß / wenn Christus Miracul thut / eben so wol  
 die Gottheit ein andere wirkung hat denn die menschheit /  
 als wenn sie durch andere menschen geschehen / vnd der vn-  
 terscheid nit darinnen stehe / daß Christus die wunderwerck  
 durch krafft oder almechtigkeit seiner menschheit thue / wel-  
 ches die andern nicht könnē / Sonder darinnen / daß in den  
 Heiligen ein ander ist / der die eusserlichen wort oder werck  
 redet oder thut / damit angezeigt wird / was vnd wenn vnd  
 von wem es geschehen solle / vñ ein anderer / nemlich Gott /  
 der den gemeinen lauff der natur durch seine Almechtige  
 krafft endert vnd leitet nach seinem willen / den er den mens-  
 chen offenbaret / vnnnd andern durch sie anzeigen leßt / In  
 Christo aber ist es ebd̄ einer / der das eusserliche wort / oder zei-  
 chen oder werck / vnnnd das wunderwerck selbst thut / jenes  
 mit seiner menschheit / als das rüffen / anrüren / speichel vñ  
 legen / ansehen / anblasen / vnnnd was dergleichen ist / Dis  
 aber / nemlich den todten das leben widergeben / den auffatz  
 hinweg treiben / die herten rüren / die augen vnnnd ohren öf-  
 nen / den H. Geist geben / mit seiner almechtigen Gottheit.

Auch daß sie weiter sagen/die Schrifft schreibet alle wir-  
 kungen der ganzen person zu/so von beiden naturen bestet  
 het/ Derhalben handelt die gottheit alles durch die mensche-  
 heit vnd mit derselben persönlich / wie die seel durch den leib  
 persönlich handelt/ Sonst werde die person getrennet/ Chri-  
 stus von der rechten Gottes gerissen vñ verleugnet/ Darauff  
 ist nu lang vñ viel geantwortet/ Daß dennoch alle wirckun-  
 gen der ganzen person eigel sind / die durch eine natur gesche-  
 hen / eben so wol / als die durch beider zuthun werden voll-  
 bracht / Auß dieser vrsach/ daß beide Naturen dieser person  
 eigen sind/ das ist/ die substanz vnd das wesen dieser person  
 selbst sind. Darumb ist das leiden sterben vnd blutuer-  
 gießen EHN Iusti / nicht allein eines Menschen / sondern  
 auch Gottes eignes leiden/ sterben vnd blutuergießen / weil  
 die Menschheit EHN Iusti / welche gelidten hat vñnd ge-  
 storben ist/ vnd sein blut das er vergossen hat/ Gottes eigne  
 Menschheit/ vnd Gottes eignes blut ist / Das ist/ samt der  
 gottheit das wesen der einigen person Christi ist / Ob gleich  
 die Gottheit in ir kein blut nicht hat / vnd weder leiden noch  
 sterben kan. Also ist auch des Menschen eigen / alles was  
 die Gottheit ist vnd wircket / dieweil auch die Gottheit selb-  
 best dieses Menschen eigen ist. Ist derwegen dieser Mensch  
 ewig/ almechtig/ allenthalben/ erschaffer vñnd erhalter al-  
 ler ding/ darumb daß er zugleich Gott ist / vñnd also wie er  
 Gott ist/ nicht von wegen seiner seele oder seinem leibe mit  
 getrennten Göttlichen eigenschafften / oder Göttlicher wir-  
 ckung / so durch ihn als durch einen werckzeug geschehen/  
 Sonder von wegen der waren / natürlichen/ ewigen/ wes-  
 sentlichen Gottheit / welche zu der substanz vnd wesen sei-  
 ner Person gehöret. Ist auch Gott selbst geboren / geo-  
 stor

storben/erstanden/auffgesaren/ 2c. Darumb daß er zugleich warer natürlicher Mensch ist/ Vnd also wie er Mensch ist/ nicht von wegen Menschlicher seiner Gottheit mitgetheilten eigenschafften / Sonder von wegen der waren/ natürlichen / von Maria gebornen Menschheit / welche zu der substanz vnd wesen seiner person gehöret.

Vnd ist alhie zu mercken / daß sie sagen / mit vnnnd durch die Menschheit wircke die Gottheit alles / Denn mit einem andern / vnnnd durch ein anders wircken / nicht aller ding eins ist / wie es von Gegenteil für eins wird gebrauchet. Den daß die Gottheit alles durch fre angenommene menschheit / als durch ihren werckzeug wircke / ist sesund widerleget / Kan derhalben / diese rede in diesem verstande nicht zugelassen werden / Auch nicht in diesem / daß die Menschheit / mit vnnnd neben der Gottheit / alles wircke / was die Gottheit wircke. So es aber also verstanden wird / Daß die Gottheit nach ihrer Menschwerdung von der Menschheit onabgesondert vnnnd ongetrennet / vnd mit derselben in einer Person vereiniget vnd verbunden bleibende / alles thut vnnnd wircket / daß also nicht allein Gott / sonder auch ein Mensch dasselbe alles thut / was die Gottheit wircket / Vnd dennoch die Gottheit durch sich selbst wircket / was ihr eigen vnd ihr allein zugehörig ist / durch die angenommene Menschheit aber / was die Natur vnnnd art der waren Menschheit leidet / So ist diese rede nicht zu verneinen / Wie auch die Seele alles in vnd mit dem leibe / aber nicht alles durch den leib wircket / Sonder durch sich selbst was der vernunft eigen ist / Vnd durch den leib die andern wirckungen / zu denen die leiblichen mittel geschickte vnd von Gott geschaffen vnd geordnet sind / wie zuuor gemeldet.

Also



Also da sie sagen / Die Gottheit wirket persönlich alles  
 durch die Menschheit vñnd mit derselben / das ist auch eine  
 von inen new erdichte Rede / den einfeltigen die augen zu  
 blenden / damit sie auch also möchten sagen / Die Mensch-  
 heit wirket persönlich alles mit der Gottheit / ist persönlich  
 Almechtig / Allenthalben / &c. Ist aber eigentlich vñnd recht  
 zureden / Persönlich etwas sein oder thun / so viel gesagt  
 daß ein Person dasselbe sey oder thue / es sey gleich nach be-  
 den oder nach einer Natur / so in derselben person ist. Der-  
 wegen man auch nicht also redet / Die Gottheit hat persön-  
 lich gelidden / ist persönlich gestorben / &c. Oder die Mensch-  
 heit / oder seel vñnd leib Christi ist persönlich ewig / almech-  
 tig / allenthalben / &c. Sonder / Gott hat persönlich / das ist /  
 nicht so viel seine Göttliche natur / sonder so viel diese per-  
 son belanget / welche warer Gott ist / gelidde / &c. Der mensch  
 Christus ist persönlich / das ist / nicht seiner Menschlichen  
 natur halben / oder an vñ nach derselben / sonder seiner per-  
 son halben / welche warer mensch ist / oder an vñnd nach der-  
 selben / almechtig / allenthalben / &c. Denn was an oder nach  
 einer dieser beiden naturē geschihet / das geschicht an dieser  
 person / welche die Naturen in irer substanz vñnd wesen hat.  
 Also ist nicht die Gottheit / sonder Gott / persönlich ein wa-  
 rer mensch / Vñnd nicht die menschheit / sonder dieser mensch  
 persönlich warer natürlicher Gott. Denn diese von vñnd  
 offte widerholte Regel nicht betriegē kan / Wie Gottes ewi-  
 ger Sohn Mensch ist / also ist vñnd thut vñnd leidet er auch  
 alles was ein warer Mensch / thut vñnd leidet / Vñnd wie die-  
 ser Mensch Christus warer natürlicher Gott ist / also ist  
 vñnd thut er auch alles / was dem einigen / waren Gott allein  
 zugehoret.

Diß sey kürzlich gesagt von den zweo anworten/ auff die gleichniß des leibs vnd der seelen / damit sie wollen beweisen / daß persönliche vereinigung so viel sey vnd heiße/ daß eine natur der andern alle ihre eigenschafften mittheile/ vnd alle ihre krefftien vñ wirkungen durch sie vbe/ Welches wir erstlich verneinet vnd widerlegt/ vnd darnach onwider sprechlich bewiesen / da gleich diß von leib vnd seele künde gesagt werden / so folge doch nit/ daß es auch mit der Gottheit/ vnd menschheit Christi also sein künde. Inund wollen wir noch eins den Christlichen Leser erinnern / daß nemlich / wenn gleich diese mittheilung der eigenschafften vñnd wirkungen/ zwischen leib vnd seel/ Gottheit vnd Menschheit bestehen möchte/ dennoch damit noch nit die persönlich vereinigung oder die menschwerdung des Sohns Gottes beschriben / oder vermög der Schrifft vñnd des grunds Christlicher Religion/ erkläret were.

Denn etwas oder alles durch ein ding thun vnd wirken als durch seine werckzeug / vñ eines andern werckzeug sein/ oder mit einander etwas oder alles wirken / noch lang nicht so viel ist vnd heißeet / als persönlich vereiniget oder eine person mit einander sein/ Wie auß allen werckzeugen/ vnd mitteln/ vnd allen denen dingen / so durch mittel oder werckzeug / oder so samtlich mit einander wirken / mehr denn augenscheinlich ist.

Item/ Gott der ewige Vater wirket alles mit vñ durch seinen ewigen Sohn vnd H. Geist / vnd sind sie dennoch nicht eine / sonder drey personen. Wollen sie sagen / Es sey aber der Sohn vñnd H. Geist nicht ein werckzeug des Vaters/ So verstricken sie sich selbest noch mehr. Den weil die drey personen der Gottheit nicht also mit einander wir-

N

cken/

cken / wie ein Meister vnd sein werckzeug / sonder ein ander  
 an Natur / krafft vnd wesentlichen eigenschafften durch  
 auß gleich / Ja auch eines einigen wesens sind / vnd solche  
 gleichheit vnd Gottheit dem Sohn von dem Vater / vnd  
 dem Heiligen Geist / von dem Vater vnd den Sohn  
 volkômlich mitgetheilet ist / vnd dennoch vmb solcher ge-  
 meinen vnd gleichen Natur vnd wirkung willen / nicht zu  
 einer person werden / Wird one zweuel solches viel weni-  
 ger geschehen in den dingen / die nicht einerley natur / sond  
 so weit vnterschieden vñ vnter einander sind / als der werck  
 zeug vñ der meister / Ja als der schöpffer vñ das geschöpffe.

Item / So diß die persönliche vereiniung / das ist / die  
 19. Menschwerdung des Sohns Gottes were / daß er durch  
 diesen menschen Christum alles wircket / So würde mensch  
 werden nichts anders können sein vnd heißen / denn durch  
 diesen menschen alles wircken vnd aufrichten / welches one  
 zweuel allen Christlichen herzen abschewlich soll sein zu  
 hören / Vnd noch viel mehr vnd gröber Christum trennet  
 auff Nestorianische weise / denn daß sie bißher haben sarge-  
 geben von gleichheit der eigenschafften. Denn darauff ste-  
 het vnser trost vnd seligkeit / Daß dieser Mensch Christus  
 nicht darumb Gott ist vnd genennet wird / daß Gott ihnen  
 mit Göttlichen eigenschafften vnd gaben ihm gleich ge-  
 macht / oder etwas oder alles durch in oder mit ihm wircket /  
 Sonder daß er in seiner substanz vnd wesen / nicht allein  
 ware menschliche seel vnd leib / sonder auch die ewige / wa-  
 re natürliche Gottheit des ewigen Sons Gottes hat. Diß  
 bitten wir vmb der ehre Christi willen / wollen alle fromme  
 Christen fleißig bedencken / damit sie mit diesen neuen sünd-  
 den vnd rencken nicht hindergangen / vnd ihre seligkeit mit  
 samt dem einigen grund derselben / nemlich dem HEN  
 Christo

Christo warem Gott vnd Menschen/ versteren.

VI.

Sie klagen daß wir in̄ ongütlich thun/ In dem wir in̄  
 färgeworffen/ daß sie zweierley Gottheit vñ almechtigheit  
 in Christo machen. Darauff antworten wir/ daß entweder  
 wir inen nit onrecht thun/ Oder sie ire vorige lere/ wie denn  
 in ihrer jetzigen erklärang zusehen ist / müssen widerrufen.  
 Denn sie zuor also von Christo vnd seiner Gottheit ge-  
 rede/ daß in im erstlich sey die ewige / natürliche vñ wesent-  
 liche Gottheit des Sons Gottes/ Vñ darnach die erschaf-  
 fene göttlichen eigenschafften / almechtigheit / alwissenheit /  
 allenthalbenheit der menschlichen natur / welche jr von der  
 ewigen onerschaffnen Gottheit mitgetheilet sind / wie den  
 Heiligen erliche vnd gemessene / erschaffene eigenschafften  
 vnd gaben mitgeteilet werden. Den diese erschaffene göttli-  
 che eigenschafften der menschheit nennen sie die gestalt Got-  
 tes in der Christus nach seiner menschheit auch zur zeit der  
 nidrigheit sol gewesen sein / Vnd die Gottheit / ja die volle  
 der Gottheit / welche in Christo leibhafftig wone / Vnd in  
 summa von wege dieser göttlichen erschaffnen eigenschafften  
 seiner menschheit sey auch der mensch Christus Gott. Dar-  
 gegen aber sage sie jetzund / daß die menschlich natur Chri-  
 sti durch die persönlich vereinigung mit ein andere abgese-  
 derte erschaffene gottheit bekomē / mit welcher sie für sich sel-  
 best / one die natürliche vñ wesentliche gottheit handelte / sond-  
 der ewig Son Gottes hat sich mit der einmal angenomenē  
 menschheit also vereiniget / dz er durch disen mensch / vñ mie-  
 im alles im himel vnd auff erdē verrichtet / wie die einig we-  
 sentliche seele s̄het durch dz aug / vñ das aug s̄het auß d̄ we-  
 sentliche krafft der wesentliche seelen / vñ nit auß einer and̄ra  
 abgsonderte krafft zc. Nu kan aber ein jeder auch ongelerter

genugsam verstehen / daß die erschaffene eigenschafften/  
 als als möchtigkeit/alwissenheit/algegewertigkeit / zc. der  
 menschlichen natur/ durch welche sie alles wircke vnd wis-  
 se / vnnnd allenthalben sey/nicht die ewige/natürliche/wes-  
 sentliche Gottheit des Sohns Gottes selbst ist. Stossen  
 derhalben wol die Theologen hie mit ihren vorigen irthum  
 vmb / aber setzen einen andern an die stat. Denn / daß die  
 Gottheit Christi in irer menschheit/das ist/also daß sie mit  
 der menschheit persönlich vereiniget bleibe / alle ihre wir-  
 ckungen vbe/ Vnnnd auch durch die menschheit dieselben so  
 der erschaffenen menschlichen natur zustehen/ Vñ derhal-  
 ben der ewig Son Gottes/thue alles was der mensch thut/  
 vnd der mensch Christus thue alles was die Gottheit thut/  
 Das ist recht/vnd mit der H. Schrifft geredt/Haben auch  
 wir nie anders geredt noch gehalten. Daß aber die Got-  
 theit alles wircke durch zuthun der menschheit/ als durch ir  
 werckzeug/vnd derhalben die menschheit/ oder der mensch  
 Christus nach oder durch seine menschheit alles thue / Ist  
 onrecht vnnnd der Schrifft vnnnd allem grund Christlicher  
 Religion zuwider / wie oben ist bewiesen. Ja sie schreiben  
 auch jekund noch weiter / die herrlichkeit des Sohns Gots  
 tes / zu welcher er / wie sie sagen / schon in Mutter leibe nach  
 seiner menschheit gesetzt/ sey nichts anders / denn der Son  
 Gottes selbst. Wo bleiben aber hie die mitgetheilten eigen-  
 schafften vnd gaben der menschlichen natur Christi / damit  
 sie zuuor alle ihre bücher gefüllet? Ja auch dieselben die wir  
 mit der Schrifft / der menschheit Christi zuschreiben / als  
 weißheit / gerechtigkeit / sterck zc. damit die Menschheit  
 Christi gezieret ist / vnd welche mit dem alter haben zugenom-  
 men? Dis ist nit allein ein vmlerung irer vorigen lere / son-  
 der

der soll auch noch wol ein seltsamer Sohn Gottes/vnd ein seltsame Theologia werden.

VII.

Sie widerholen auch diesen ihren behelff/ Christus hab zur zeit seiner nidrigheit auch seine Mat. in den wunderwercke/in der verklärung/zc. bewiesen/ Derhalb sey schon zur selben zeit auch sein leib vnd Seele almechtig gewesen/vñ habe alles mit der Gottheit wircken können. Vergessen aber das wir offte darauff geantwortet/Erstlich/das Christus weder vor noch nach seiner Aufferstehung/seinen leib an zweien/wollen geschweige an mehrẽ oder an allen orten gegenwertig erzeiget/auch mit keinem wort gemeldet hab/das er solches in ewigkeit thun wolle. Derhalb im solches viel zu künlich von ihnen zugeschrieben wird. Vnd zum andern/Das die Miracul durch krafft vnd almechtigkeit nicht der Menschheit/sonder der Gottheit des menschen Christi/geschehen sind/welcher auch die Sonne verfinsterte/die Felsen vnd den Fürhang zuris/die Greber auffthet/die Todten auffweckte mit seiner Gottheit/da er mit seinem leibe todt in dem grabe lag/vñ auch nach gezeils bekentnis/weder durch seine vom leib geschiedene seele/noch durch den leib/einiges miracul thet/noch dieselben zuthun almechtig war.

VIII.

Sie widerholen auch die Sprüch der Schrifft/so sie bisher mit newen auflegung auff die Ubiquitet gezogen. Wie wol aber auff diese im Maulbrunnschen gesprech vnd in vnserm Gegenbericht genugsam geantwortet/Doch weil sie durch diese vermeinen irer Lere einen schein zumachen/Wollen wir kürzlich auch die erinnerung vom rechten natürlichen verstand derselben widerholen.

Johan. 1. Das Wort ist fleisch worden. Soll in so viel  
N. iii. heißen/

heissen/als/dz wort/das ist/der ewig Son Gottes/wircket  
alles durch das fleisch / oder durch den mensch. Dis leiden  
die worte Johan. nit/welcher darumb spricht/ Das wort ist  
fleisch worden/ auff das er anzeigte/der Son Gottes habe  
die menschliche natur mit aller vnser schwachheit / one die  
sünde/angenomē. Nu bekent aber auch gegēteil/ dz er durch  
die mēschheit in jrer schwachheit/als in mutter leib/da doch  
die menschwerdung od persönliche vereinigung geschēhe  
ist/vñ am creus/im grabe/da sie nit auffgehört hat/nit hab  
alles regieret. Derhalbē kan dis nit die menschwerdūg sein.

Item/Nicht eben der ist ein mensch / der alles durch einē  
menschē wircket/ Sonder der menschliche Seele vnd leib  
in sich/oder an sich hat/als wesentliche teil oder stück seiner  
eigenen person. Ist derwegen gegēteils gloß vber diesen  
hauptspruch Johannis/durch auß Nestorianisch.

Item / Die Schrifft erkläret diese rede/ fleisch werden/  
Phillip. 2. Hebr. 2. mit diesen worten/ Die knechts gestalt/  
das ist / den Samen Abrahams / an sich nemen / fleisches  
vnd bluts teilhafftig werden. Ist aber viel ein ander vñnd  
höher ding/ fleisch an sich haben/ deñ durchs fleisch wircket.

Item / Sie müssen zulassen / das fleisch werden/so viel  
heisse/als das fleisch sein eigen machen/ Welche erklärūg  
freilich nicht vnser (denn wir kein eigne wollen haben/ wie  
gegēteil/sondlich in so hochē sachē) doch auch nit allein Cy  
rillus/sond auch Theodoret/ Chrysofomij/ Athanasij/ Zu  
stinj/ auß dem wir sie haben angezogē/vñ aller alten Christ  
liche lerer/ welche sie auch nit von inē selbst/sonder auß dem  
mund Christi haben/da er sagt/ Mein fleisch ist warhafftig  
eine speiß / Item/ Das ist mein leib/ Item/ Meine seele ist  
betrübt bis in tod/re. Das fleisch aber sein eigen fleisch ma  
chen/

Gen / heist nicht durch das fleisch wirken / sonder sich also mit dem fleisch vereinigen / daß die zwei naturen samlich das wesen einer einigen person machen wie zun Colo. am 2. steht / In ihm wonet die gottheit wesentlich / das ist / also / daß er selbst wesentlich Gott ist.

Wie aber diese vereinigung der gottheit mit dem fleisch zugehe / sagen Justinus / Cyrillus vnnnd alle Christliche alte Scribenten / sie wissens nit / vnd Paulus 1. Timoth. 3. Es sey ein groß geheimnis. Die Wirtembergischen Theologen rühmē sich / sie wissen es / Nemlich / es sey die wirkung der Gottheit durch das fleisch. Aber Gott behüte für solchem wissen / vns vñ alle Christen / die nit wollen öffentlich Nestorianer sein. Deñ wie Cyrillus meine / daß das fleisch die ganze wirkung des wortes entpfangen vnd an sich gezogen habe / erkläret er selbst / da er darzu setzet / *per coniunctionem* / durch die zusammenfügung oder vereinigung mit dem wort / das ist / daß dieser mensch alles thut was Gott thut / darumb / daß dieser Mensch zugleich auch warer Gott ist. Wie aber dis zugehe / sagt weiter am selben ort Cyrillus / können wir weder mit dem verständig begreifen / noch mit der zungen außsprechen / Sonder fassen es mit schweigen vnd mit festem glauben. Vnd an ein andern ort / *De incarnatione unigeniti* / c. 17. 24. da er den spruch / Das wort ist fleisch worden fürnime zu erklären spricht er also / Das Wort / weil es volkomner Geest vmb mensch ist / hat an sich genommen einen leib mit einer vernünfftigen Seele / vmb denselben mit im warhafftig vereiniget / auff die weise / die im betant ist / denn mit vnsrer sinnen können wir diese gedanken ganz vnd gar nicht fassen / vnd ist des menschen Sohn genant worden. So wir aber / als in einen spiegel schatwende / sollē dauon redē / So tan der menschliche verständig etlicher massen abnehmen / daß dñ wort mit dem leib der ein vernünfftige seele hat / vereiniget sey / wie auch die seele des mensche mit irē leibe / ob derselbe gleich einer andern natur ist / doch ein solche gemeinschaft vñ vereinigung betome hat / daß es schier sthet net / als were sie nit etwas anders deñ der leib / darumb daß durch die zusammenfügung auß beide ein lebendiges thier wirt / vñ bleibt doch die seele in irer eignen natur.

Vnd



Vnd bald hernach / Was in einem andern wonet / wird nicht selbest also / wie das selbe ist / in dem es wonet / Sonder man verfehlet viel mehr / daß ein ander ding in einem andern sey. In der natur aber des worts vnd der menschheit / zeigt vns allein diß den vnterscheid an / daß es nicht einerley Naturen sind / dem es wird auß beiden ein einiger Christus.

Vnd damit ja an der meinung Cyrilli niemand könne zweueln / wie er die Göttlichen eigenschafften dem Menschen Christo zuschreibe / So erkläret er sich mit einem eintigen Spruch / *Lib. 6. de Trinit.* dermassen / daß er alle gedichte des gegenteils / sonderlich den vnterscheid / daß der menschheit die Göttlichen / aber nicht der Gottheit die menschlichen eigenschafften mitgeteilet sollen sein / auff einen hauffen vmstößet. Die worte Cyrilli lauten also. *Tametsi oportebat manifeste intelligere, quod sicut Deus existens natura, & ex Deo natura propria facit humana: ita & homo factus, Deitate dignum honorem & gloriam tanquam propriam habet. Adoratur enim non solum super terram sed & in caelis: quamuis quod adorare debuerit, ut homo & Iudaeus, non respuerit.* Das ist. Man muß klar verstehen / daß wie er / so er doch natürlicher Gott ist / vñ auß Gott gebore / die menschliche eigenschafften ihm zueignet / er auch also / nach dem er mensch ist worden / die ehr vnd herrlichkeit welche der gottheit gebüret / als sein eigen hat. Denn er wird angebetet nit allein auff Erden / sonder auch im Himmel / ob er gleich sich nicht widert / daß er als ein Mensch vnd als ein Jud / anbeten sollte.

Johan. 1. Von seiner völle haben wir alle entpfangen / gnad vmb gnad. Was die völle der gnaden in Christo sey / müssen wir nit auß der Menschen / sonder auß Gottes wort lernen. Darinnen befindet sich nit / daß die allenthalbenheit des leibs ein stück dieser völle oder genaden sey. Erkläret sie auch der Euangelist daselbest viel anders / nemlich / daß

daß sie sey die gnade vnd warheit so vns durch In widerse-  
ret/das ist/ die von Gott verheiffene wolthat/ vergebung  
der sünden/ H. Geist/ gerechtigkeit/ vnnnd ewiges leben/ so  
vns durch das verdienst vnnnd die krafft Christi werden ge-  
schenckt. Denn durch die almechtigkeit seines Geistes/ nit  
seines fleisches/ beine oder adern/ hende oder füsse/ ver-  
newert er vns zum ewigen leben/ welches er vns durch das  
leiden seiner menschheit erworben vnd verdienet hat.

Johan. 3. Gott gibt den Geist Christo nicht nach maß.  
Diesen Spruch solten sie auch nicht ehe anziehen/ sie hetten  
denn zuvor auß der Schrifft bewiesen/ daß die Allenthal-  
benheit vnd Almechtigkeit auch gaben des heilige Geistes  
werden/ welches wir Inen/ wie zuvor/ verneinen/ darumb  
daß es in der Schrifft nicht zufinden ist. Wie auch dis wi-  
der alle Schrifft ist/ daß die menschliche seele oder leib Chri-  
sti den H. Geist gebe. Denn die Menschheit Christi muß  
selbst von der Gottheit mit dem heiligen Geist gesalbet  
werden/ Vnd kan keine Creatur den H. Geist geben oder  
durch denselben wirckē/ sonder allein der ewige Vater vnd  
der ewige Sohn Gottes nach seiner Gottheit/ von wel-  
chen er außgehet.

Matth. 28. Mir ist gegeben aller gewalt im Himmel vnd  
auff Erden. Der mensch/ sagen sie/ sitzt mit im regiment.  
Ist recht gesagt/ Aber mit vnterscheid der Gottheit vnnnd  
der menschheit/ nach der Gottheit/ als warer Gott/ almech-  
tig vnd allenthalben/ Vnd ist dennoch der mensch almech-  
tig/ Sie wolten denn leugnen/ daß dieser mensch almechti-  
ger/ natürlicher/ ewiger Gott sey/ Nach der menschheit aber  
also/ daß er nicht allein Herr ist vber alle Creaturen/ son-  
der auch vber sie alle mit gaben vnd herrlichkeit gezieret/  
D vnd

vnd sie alle auch seinem menschliche willen gehorsam müssen sein / von wegen seiner Gottheit / vnnnd dennoch die menschheit der gottheit nicht gleich ist / sonder vnter derselben bleibet / wie alle menschen vnd Engel vnter der menschheit Christi sind. Das sie aber vnter der Gottheit bleibe / darzu gehöret nicht allein vnterscheid des wesens / sonder auch der eigenschafften / macht / weißheit / herrlichkeit / &c. Denn was zugleich almechtig vnd allenthalben ist / das ist nit vnter einandern / sonder neben einander / vnnnd einander gleich.

Eph. 1. Heb. 1. vnd 2. Das Christus zur rechten Gottes vber alle Creaturen / Engel vñ menschen gesetzt ist / das macht auch seine menschheit der Gottheit nicht gleich an macht vnd herrlichkeit. Denn nach der Gottheit ist er dem Vater gleich / nach der menschheit ist er vber alle Creaturen / aber doch vnter dem Vater / ja auch vnter jm selbst / nit allein zur zeit der nidrigheit / sonder auch jesud bis in ewigkeit / 1. Cor. 15. Vnd stehet auch alhie Eph. 1. Das er zur Rechten des Vaters gesetzt sey im Himmel / vnnnd Hebr. 1. in der höhe / derwegen er also zur Rechten Gottes / das ist / vber alle Creaturen gesetzt / das er dennoch mit seiner menschheit nit allenthalben / sonder drobe im Himmel ist. Vnnnd eben nach diesem sitze zur rechtē Gottes ist vnd wird er bis in ewigkeit sichtbar im Himmel sein / Den Stephanus sahe in zu dieser Rechten Gottes / das ist / in dieser Himmlischen herrlichkeit stehen / Act. 7. Vnd diese herrlichkeit darcin er nach dem tod eingangen ist / hat er vor vñ im den tod nit gehabt / nemlich / die onsterblichkeit / stercke / glantz vñ andere Himmlische gaben / damit er jesud gezieret ist / Den sein selbst nicht zugleich starck vnnnd schwach / sterblich vnnnd onsterblich

lich war/ze. Von der Gottheit aber ist recht gesagt / daß sie ihre Herrlichkeit vñ Maie. eben so wol in der schwachheit als in der herrlichkeit der menschlichen natur gehabt / aber durch die Herrlichkeit der Menschheit nicht wie hernach an Christo erzeiget.

Ephe. 4. Der herunter gefaren ist / das ist derselbe / der auff gefaren ist vber alle Himmel / auff daß er alles erfülle. Weil er sagt / Christus sey hinauff gefare vber alle Himmel / So leret er ausdrücklich / dz er sekund nit hernidē / nit vberall sey / sonder droben in der höhe / in dem Himmel / der vber vnd außser allen diesen sichtbaren Himeln ist. Vñ redt von der sichtbaren Himelfart / die vber sich in die höhe geschehen ist / warhafftig vnd nach laut des buchstabens / vnd nit von der on sichtbaren Vbiquestiſischen Mai. vnd Himelfart / die in Mutter leib solte geschehen sein. Vnd nach dieser sichtbaren Himelfart / saget Paulus / habe er die Christenheit erfüllet / nit mit seinem fleische / sond mit seinē geist vnd gabe / Denn also erkläret sich der Apostel selbst gewaltiglich. Vnd bedarff zu dieser außglessung der gaben keiner Allenthalbenheit der Menschheit / Denn den Heiligen Geist geben / das ist / durch ihn wirken in den herzen der Menschen / ist ein wirkung nicht der Menschheit / sonder der ewigen / waren Gottheit des Vaters vnd des Sohns.

Philippem am 2. Ob wol Christus in Göttlicher gestalt war / hielt ers nicht für ein raub / Gott gleich sein / sonder euffert sich selbst / vñnd nam Knechts gestalt an / ward gleich wie ein ander Mensch / vñnd an geberden / als ein Mensch erfunden / ernidriget sich selbs / ze. Darumb hat ihn auch Gote erhöhet / vñnd ihm ein Namen gegeben / der vber alle namen ist.

Dis haben die Wirtembergischen Theologen zu vor also  
 glosiert/ Die gestalt Gottes heisse nit Göttlichs wesen oder  
 natur/sond die Nat. vñ herrlichkeit Gottes/da der mensch  
 Christus sich stellet nit wie ein mensch/sond wie ein Gott &c.  
 Ja sagen auch weiter / Es könne der text nit leiden/ das ge-  
 stalt Gottes/göttlichs wesen vnd natur solte heißen / denn  
 es were ein läppische rede/das Gott in Gottes gestalt gewe-  
 sen/dieweil nit zwene Götter weren. Nach dem sie aber mit  
 dieser glos nit mögen bestehen/ suchen sie jzt ein andere/vñ  
 sol nu Gottes gestalt die Gottheit heißen / doch in welcher  
 die menschheit sey/das ist/mit der die menschheit persönlich  
 vereiniger sey. Aber diese glos würde erstlich zu der Vbiq-  
 tet nichts helfen. Denn mit Gott ein persō sein/heisset noch  
 lang nit allenthalben od Gott gleich sein/od alles mit Gott  
 wirken. Zu andern kan sie auch eben so wenig bestē als die  
 vorige. Denn was in Gottes gestalt sein heisse/erklāret Pau-  
 lus selbst/nemlich/Gott gleich sein. Denn eben ein ding ist  
 es/das Christus gehabt/vnd das er nicht für einen raub ge-  
 haltē hat/Vñ dasselbe heisset er zu vor/in der gestalt Gottes  
 sein/vñ darnach/Gott gleich sein. Nu ist aber Christus gott  
 seinem Vater gleich/nit nach der menschheit/wie gegenteil  
 dichtet/sond nach der Gottheit. Derhalben war er nach der  
 gottheit in der gestalt Gottes/das ist/seinem vater an gött-  
 lichem wesen vñ eigenschafften gleich. Item/ Paulus sagt/  
 Er sey dazumal schon in Gottes gestalt gewesen / da er die  
 knechts gestalt/ das ist/die knechtische menschliche natur an  
 sich nam/vnnd nach derselben sich aufleerete/das ist/vnser  
 schwachheit an sich zu haben/vnnd seine ewige / natürliche  
 Gottheit vnter der selbē verborgen zu halten ansteng. Sage  
 derhalben Paulus wol von der gottheit so mit der menscheit

heit vereiniget ist / Aber erstlich nit durch gleichheit der ei-  
 genschafften vñ Wirkung / sond durch verbindang der na-  
 turen / substansen vñ wesen / des göttliche vñ des menschl-  
 chen / zu einer person / Zum andern / redt er nit allein von der  
 gottheit / welche die knechtsgestalt an sich genomen / sonder  
 auch die schon zuuor war / ehe denn sie die knechtische natur  
 an sich nam / Vnd meldet derwegen die persönlich vereini-  
 gung der Göttlichen vñ menschlichen natur / nit mit diesen  
 worten / in Gottes gestalt sein / oder Gott gleich sein / Son-  
 der damit / daß er beides / in Gottes vnd in knechts gestalt /  
 Gott vñ den menschen gleich sein / von der einigen per-  
 son Christi sagt. Also erklären diesen spruch nicht auß  
 ihrem kopff / sonder auß vermög des texts / alle rechtlerende  
 alte vnd newe Christliche Scribenten. Vnd wird noch / wie  
 zuuor / mit gegenteils newen glossen / dieses vñ dergleichen  
 herrliche zeugniß der Schrifft / die ware / natürliche / ewige  
 gottheit des menschen Christi / wider die Keger zubeweisen /  
 zunicht gemacht. Denn so in Gottes gestalt / vnd Gott  
 gleich sein von der menschheit zuuersehen ist / vñd nur so  
 viel heisset / als mit Göttlichen eigenschafften gezieret / wie  
 sie zuuor gesagt / oder ein Werkzeug der Gottheit sein / die  
 durch diesen menschē wircke / wie sie Jesund reden / So könn-  
 en auch die ongelerten sehen / daß von der ewigen Gott-  
 heit dieses menschen / darauß nichts wider die Keger zuer-  
 halten ist. Wollen ist geschweigen / vnd die gelerten las-  
 sen bedencken / was diß für ein newe Philosophs vnd Theo-  
 logs ist / daß auch die vernunfft der Menschlichen seele / sol  
*forma corporis*. das ist / die gestalt des leibes / die dem leib sein  
 wesen giebt / vnd die Gottheit *forma humanitatis*. die gestalt der  
 angenommenen menschheit sein / Den die wesentliche gestalt

art vnd eigenschafft einer jeden Creatur / in vnd mit der  
selben erschaffen ist. Derhalben entweder diese neue rede  
des gegentheils ganz onrecht vnd ongehewer ist / oder hat  
Christus ein erschaffene Gottheit.

Coloss. 2. In Christo sind alle schätz der weisheit verborgē  
ge. He sagt Paulus nit / In der menschheit Christi / sond in  
Christo / sind alle schätz der weisheit. Derhalb da gleich an  
diesem ort sein fürnemē were zuleren / daß d mensch Christus  
alwissend sey / so folgt doch nit / dz er solches von der mensch  
heit verstehe / dieweil dennoch der mensch nach seiner gotts  
heit alwissend ist / Es wolten den die Theologen sagen / daß  
in Christo zu der zeit / da er seigen auff dem baum suchte vn  
keine fand / Mar. 11. nicht alle schätze der weisheit weren ge  
wesen. Aber wie im Gegenbericht angezeigt / der text Pau  
li giebt / daß er redet von vollkommenheit der weisheit des  
Euangelij Christi / zu vnserer seligkeit / vnd vermeidung  
aller zusätze.

Itz / am selben ort / In Christo wonet die ganze völle der  
gottheit leibhaftig. In diesem zeugniß komen sie auch von  
den gaben vnd geschencken / welche der menschheit von der  
gottheit solten mitgeteilt / vnd die völle der Gottheit sein /  
dauon der Apostel redet / widerumb auff die wesentliche in  
der menschheit wonende / vnd persönlich mit der selben ver  
einigte gottheit. Welche ongleichheit irer lere wir snen nit  
wollen auffrucken / sondern fremen vns viel mehr / daß sie  
dieses stück irer irthums lassen faren / vnd wünschen / daß sie  
wie sie sehen / daß die völle der gottheit nit die erschaffenen /  
der seel vnd dem leib Christi von der Gottheit mitgeteilt  
gaben / sonder die vollkomene / ewige / wesentliche Gottheit  
des Sons Gottes selbst sey / Also sie auch lernen / daß leib  
haftig

hafftig/ob wesentlich in Christo wone / nit nur heisse durch diesen mensche alles wirckē/ sonder mit samt der menschheit/ das wesen vnnnd die substanz dieses menschengs/ oder dieser person Christi sein / durch ein heimliche on außsprechliche verbindniß vnd vereinigung/ Daß die Gottheit nit allein in diesem menschen wone / sonder sein substanz vnd wesen selbest sey. Denn diß/ haben wir geschrieben / sey die meinung dieser worte Pauli/ vnd nit nur wie sie vns zumessen/ daß wir in Christo alles haben / so zu vnser seligkeit nötig/ Welches Paulus auß der vollkommenen Gottheit Christi schliessen wil/ vnd hernach leret/ da er sagt/ In ihm seit ihr volkommen.

Laß die angehengten Sprüch/ Act. 2/ daß Gott Jesum zu einem Herren gemacht hat/ Psal. 110. Setz dich zu meiner rechte/ Act. 4/ Im name Jesu Christi/ stehet dieser für euch gesund/ 1. Timoth. 3. Gott ist offenbare in Fleisch/ vnd auff alle dergleichen so sie fürbringen mögen / Ist genugsam in erklärung der vorgehenden geantwortet / Denn eben darumb / daß Christus nach seiner Menschheit ein gemachter Herr ist / so ist er auch nach dieser Natur nicht almechtig/ vnd dem der ihn zum HERRen gemacht / gleich/ sonder nit bis in ewigkeit vnterworffen/ 1. Corinth. 15 / vnd dennoch Almechtig nach seiner Gottheit / vnnnd auch nach seiner menschheit/ mit amte/ gaben vñ herzllichkeit vber alle Creaturen erhöhet / Vnd thut dieser Mensch miracul vnd göttliche werck/ in seinem eignen Namen/ das ist/ auß eigenem gewalt/ damit er seine eigene Gottheit erzeiget.



Antwort auff die beschwerung vnd ableinung  
der verdamten Irthumen vnd Kekerien / so  
auß gegenteils Lere würden  
erfolgen.

I.

**D** Jeweil sich die Wirtembergischen Theologen nach  
der leng beschweren vnd verantworten der Kekerien  
en vnd irthumen / so auch sie selbst verdamme / vnd  
doch inen von vns der gestalt zugemessen / als die auß ihrer  
Lere würden müssen erfolgen / oder auch derselben / wo nit  
mit worten / doch mit verstand vnd meinung / nit ongleich  
sind / Haben wir vns des verdachts / als wir inen hierin  
nen so groß onrecht gethan / als sie sich beklagen / zuentla-  
den / vnnnd gemeine kirchen Teutscher Nation / sonderlich  
aber die einfeltigen Christen zu warnen / Auch kürzlich zu  
end dis schreibens anzuzeigen not geachtet / auß was grund  
vnd vrsach wir gegenteils lere / als gedachten irthumē ver-  
wand / gestraffet.

Vnd erstlich verstehet meniglich / dz sich eines irthums  
zuentschuldigen / nicht allein nötig sey / denselben mit wor-  
ten von sich schieben vnd verdammen / sonder gehöret auch  
dazzu / Erstlich / das man nicht eben denselben / mit andern  
worten / denn die so man verdammet / vnd doch mit einer-  
ley vnd gleicher meinunge / lere vnnnd vertedige / Vnd zum  
andern / das man auch nicht ein solche Lere füre / die wol nit  
eben derselbe irthum ist / aber doch da sie bestehen vnd ange-  
nomen werden solte / denselben mit sich bringen / vnnnd mit  
notwendiger folge bestettigen würde. Zum Exempel /  
schilt vns gegenteil Nestorianer / als die wir die person Christ  
ist solten trennen / So wir doch diese Kekerien nicht weni-  
ger

ger denn sie verdammen. Derhalben weil sie dennoch meinen/sie thun vns hierinnen kein onrecht/ darumb/ daß ihrem fürgeben nach/ solche trennung der person Christi auß vnser Lere solle erfolgen / vnnnd so dem also were/auch vns nicht onrecht geschehen würde / So haben freilich auch sie solcher beschuldigung ihrer Lere/ sich nicht also hoch zube klagen/ehe denn erwiesen ist/ daß dieselbe ire lere gemeldten Irthumen nicht verwant sey/oder einen weg bereite. Damit aber hieruon meniglich desto bas könne vrteilen / wollen wir auffß kürzest / ihre ableitung derselben Irthumen erwegen.

Eutyches hat gewolt / es were nur ein natur in Christo/nemlich/ die göttliche / welche im leib der Jungfrawen / in ein menschliche natur / vnnnd nach der Himelfart wider in die Göttliche verwandelt were/wie auch die Schwentckelischen leren / ob sie gleich derselben vergötteten natur den namen der menschheit geben. Ist derhalben alle vermischung der zwoen nature in Christo dem Eutychianischen Irthum gemäß vnnnd verwant. Nun haben aber die Wirtembergischen Theologen bißher also von der Menschheit Christi geredt/ daß jr alle Göttliche eigenschafften/aufgenommen/ daß sie nicht von ewigkeit gewesen/mitgeteilet weren/daß sie on sichtbar/ on befindlich/ on umbschrieben/zugleich allenthalben gegenwertig/ almechtig/ alwissend/ &c. were/ Vnnnd in summa alles an ihr hette vnd thete/was die Gottheit hat vnd thut. Dis haben wir gesagt/vnnnd können noch nicht anders sagen / denn daß es ein Eutychianische verwandlung der menschlichen natur in ein Göttliche sey. Denn ob sie gleich sagen / die Gottheit sey ein Geist/ die menschheit habe einen leib/ So schreiben sie doch derselben

ben genannten menschheit alle eigenschafftē eines geists vnd  
 der Gottheit selbst/ zu / als daß sie onbestindlich ist / keinen  
 raum einnimt/allenthalben vñ almechtig ist ic. welches ebe  
 so viel ist/als wenn einer sagte von wasser das nit naß vnd  
 von natur kalt/sonder trucken vnd heis als ferner/oder von  
 ferner/das nit heis noch trucken/sonder kalt vñ naß als was  
 fer were / das ist / mit namen ein leib / vnd mit der that ein  
 geist/mit dem namen ein menschliche/mit der that ein gött  
 liche natur. Deñ daß sie sagen/das wesen bleibt vnterschie  
 den/wenn schon die eigenschafften gleich sind / ist nicht ge  
 nug. Denn zwene Engel / haben auch vnterschiedene we  
 sen/vnnd doch einerley natur. Sie sagen auch wol kund/  
 daß die menschheit nit in jr selbst almechtig sey / sonder die  
 almechtige wesentliche Gottheit wirke durch sie / Kom  
 aber doch auch dahin/daß die menschheit onbestindlich vnd  
 allenthalben gegenwertig vnd wirkende / das ist / almech  
 tig sey / welches nichts anders heist denn Gott sein. Die  
 weniger helfen sie die gleichnisse des leibs vnd der Seelen/  
 des ferners vnd eisens / der Sonnen strahel vnd breñspie  
 gel. Deñ in diesen alle noch lang kein solche gleichheit aller  
 eigenschafften vnnd wirkungen sich befindet / als sie ma  
 chen in der menschheit vnnd Gottheit Christi. Da sie aber  
 wollen sich mit der art des natirlichen vnd verklärten vnd  
 Metaphetischen Leibs schützen / fallen sie auch in des Leo  
 hers Marcions Irthum. Denn ist der ware Leib Chri  
 sti allenthalben / So ist der sichtbare / an einem ort vmb  
 schriebene Leib Christi / nicht sein warer Leib/sonder ein  
 ander wesen oder gestalt / Dieweil one allen zweiffel kein  
 leib/ Ja ganz vnd gar kein ding / zugleich sichtbar vnd on  
 sichtbar/vmbgeschrieben vnd onvmbgeschrieben ist.

LII.

Daß sie mit Nestorio die einige person Christi trennen/  
 vnd

vnd auß den zwoen naturen / zwo Personen sonnd für den  
 Menschen Christum / der zugleich warer Gott sey / einen  
 vergöteten / das ist / mit göttlichen eigenschafften gezeire-  
 ten menschen machen / haben wir damit bewiesen / Daß sie  
 für vnd für getrieben vnd alle ire bücher dessen volgeschrie-  
 ben / es sey kein ander vnterscheid zwischē Christo vnd an-  
 dern Heiligen / den daß die Heiligen etliche / Christus aber  
 alle Göttliche gaben / eigenschafften vnd Maiestet habe.  
 Haben derhalben nit wir / die wir inen solches fürgehalten /  
 sond sie sich zu schemen / die dis so oft vñ viel getriebē / vnd  
 ihund dörfen leugnen. Denn ob sie gleich von onzerrentli-  
 cher vereinigung sagen / Erklären sie doch das wort Ver-  
 einigung nie wie sich gebüret / durch heimliche verbindung  
 des Göttlichen vnd menschlichen wesens zu einer person /  
 sonder durch mitteilung der Göttliche eigenschafften vnd  
 Mat. ebē wie Nestorius. Daß sie aber ihund sagē / die persön-  
 lich vereinigung sey die mitteilung der krafft der wesentliche  
 Gottheit / oder dz die wesentliche Gottheit alles durch die-  
 sen menschen wirket / damit fallen sie noch tieffer in die Ne-  
 storianische trennung der person. Denn / wie zuuor gemel-  
 det / Mensch werdē / oder sein / heisset nit durch einen mens-  
 chen wirken / es sey etwas vñ alles / sonder die menschliche  
 natur zu wesen seiner persō / mit sich heimlicher onaussprech-  
 licher weise verbindē. So lang an statt dieser verbindung /  
 die mitteilung der eigenschafftē gesetzt wird / ist one zweuel  
 die person getrent / vñ vñ der persönlichē vereinigung nichts  
 den der name behaltē. Dichtē wir inē derhalbē nichts auff /  
 verkerē inen nichts / brauchē kein böse stücke noch bosshaffte  
 gē mutwillē. Den sie one vnterlaß treiben / auch noch in die  
 her irer erklerung / So die menschheit nit alles hab vñ wircke

was die Gottheit hat/ vnd wircket/ So sey Christus nicht  
Gott/sonder ein onmechtiger Mann/vñ andern Heiligen  
gleich. Dis müssen sie wider zurück hinein nemen / so sie  
dem Nestorianischen Irthum wollen entlauffen / vnd be-  
kennen/wie die not erfordert/das die persönlich vereinigt  
etwas anders sey denn solche mittheilung der Göttlichen ei-  
genschaften oder wirckungen.

IIII.

Sie schelten vns bosshafftige leute/ darumb das wir ge-  
sagt/wenn ire beschreibung der menschwerdung recht were/  
So würden Gott der Vater vnd heiliger Geist eben so wol  
Mensch sein als der Sohn. Ursach/ Persönlich mit Gott  
vereinigt sein/ heist inen so viel als mit Göttlichen eigen-  
schaften vnd gaben Gott gleich sein. Nu sind aber einerley  
wesentliche eigenschaften/almechtigkeit/weisheit/allent-  
halbheit/vñ was dergleichen ist/des ewigen Vaters/Sons  
vñ H. geistes. Derhalb muß irer lere nach / folgen/das die  
gabe damit die menschheit gezieret/den wesentlichen eigen-  
schaften nit allein des Sons/sonder auch des Vaters vnd  
H. geistes/gleich/ Vnd sie alle drey mit der menschheit per-  
sönlich vereinigt seien. Dis wollen sie damit von sich schie-  
ben/das des Sohns almechtigkeit vnd weisheit geboren/  
des Vaters vnd H. geistes nit geboren sey. Aber damit sind  
sie noch lang nit verantwortet. Denn sie freilich nit die per-  
sönliche eigenschaft des Sons / damit er vom Vater vnd  
H. geist vnterscheidt ist/nemlich / das er von ewigkeit vom  
Vater geboren / sonder die wesentlichen eigenschaften der  
menschheit mittheilen/die er mit dem Vater vñ H. Geist ge-  
mein hat/als weisheit / gerechtigkeit / almechtigkeit/alge-  
genwertigkeit/ &c. Diese aber sind gleich vñnd einig in den  
dreyen personen / wie das göttliche wesen / welches diese ei-  
gens-

eigenschafften selbst sind. Derhalben was der gebornen  
almächtigkeit vnd weißheit des Sohns gleich ist / auch der  
ungebornen des Vaters vnd H. Geistes gleich sein / vnnnd  
derwegen so diß die persönlich vereinigung were / nach ges  
genteils Lere / mit allen dreien persönlich vereiniget sein  
müßte.

Sonderlich schreien sie ober grobe greiffliche onwarheit /  
boßhafftige verkerung / groben schwermergeist vnd lüg. na  
geist / In dem daß wir geschrieben / sie machen mit ihrer  
lere zweierley Gottheit in Christo / ein ewige / natürliche  
vnd wesentliche / Vnd ein erschaffene / mitgeteilte / Vñ den  
menschen Christum zu einem erschaffene gemachten Gott.  
Diß wollen sie damit verantworten / daß sie sekund schrei  
ben / Sie haben niemals geleret oder geschrieben / daß Chri  
stus nach seiner Menschheit ein eigne abgesonderte / er  
schaffene Gottheit habe / sonder solche Mai. sey nichts an  
ders den ein mitteilung der krafft der wesentlichen Gottheit  
vñ eigenschafft des Sons Gottes / welche eigenschafften  
sind der göttlichen natur wesen selbst /c. Ist diesem aber  
also / so setzen sie in Christo kein andere alwissenheit / almeh  
tigkeit / algegenwertigkeit / c. denn des ewigen Worts oder  
Sons Gottes / welches dz göttliche wesen od natur selbst  
ist. Dargegen ist auß allen jren Schrifften am tag / daß sie  
bisher mit henden vnnnd füßen gestritten haben / daß die al  
wissenheit / almächtigkeit / vnd alle andere göttliche eigens  
schafft / so der menschheit wesentlich sollen mitgeteilet sein /  
die gestalt Gottes / in der die menschheit von mutterleib an  
sol gewesen sein / Die völle der gottheit die in Christo leib  
hafftig wonet / nit die ewige Gottheit selbst sey / sonder die  
göttliche Mai. der menschheit / so jr von der Gottheit gege  
ben

Ben vnd mitgetellet sein sol. Protoc. fol. 96. a. Du sind aber alle ding erschaffen / die nit das Göttliche wesen selbst sind. Item / Sie nennen dieselbe Mai. die gaben des heiligen geistes / Vnd sagen / der vnterscheid zwischen Christo vnd den Heiligen sey dieser / daß ihnen nur etliche vnnnd gemessene / Christo aber alle vnd ongemessene gaben des Geists gegeben sind / Zihen darauff den spruch Joh. 3. Gott gibt dē geist nit nach maß. Die gaben aber des H. geistes sind freilich nit das göttliche wesen selbst / sonder sind wolthatz des H. geistes die er in dē menschē wircket vñ erschaffet. Darvñ auch die / so mit denselben begabet sind / neue Creaturen genennet werden. Item / Sie nennen diese Mai. der menschheit selbst *Accidentia*, zufellige eigenschafft / die nit für sich selbst / sonder allein in oder an einem andern ding oder wesen sein können / Protoc. fol. 24. b. da sie von der menschheit also sagen / Vnd wird *substantia*, das wesen / nit verendert / sonder allein das *Accidens*, zufellige eigenschafft. Item / es schreibet auch *Jacobus Andree* in seiner *Apologia contra Thes.* Ingolstadt. also / *Nūquam diximus, nūquam scripsimus, nunquam credidimus, Maiestatē communicatam homini, esse idioma Dei, id est, dō s' lex subsistentia uerbi, &c.* das ist / Wir haben nie gesagt / nie geschrieben / nie geglaubet / daß die Mai. so dem menschen ist mitgetellet / ein eigenschafft Gottes sey / das ist / das wesen der person des worts. Heißt das nicht kalts vñ warmes mit einem athem geblasen / So müssen sie ein eigne sprach haben / in welcher schwarz wels / vñ weis schwarz heisset. Itē / Als wir hatten gesagt / daß *Augustinus Tract.* 50. in *Joha.* durch das wort *Maiestatē* nach welcher er sagt / Daß Christus nicht von vns weis che / verstehe die Göttliche Mai. welche die Gottheit selbst ist / Da mußte nicht allein diese vnser antwort / sonder auch die

die leere Sanct Augustins selbest nichts gelten / Protocoll/  
 fol. 93. b. 98. b. Vnd da sie gleich diß nit selbest geschriben  
 vnd gesagt hetten / So müssen sie es doch one das zugeben.  
 Denn wer wil ihnen gesehen / daß die seele Christi kein an-  
 dere weißheit / güte / gerechtigkeit / zc / vnd sein seele vnd leib  
 kein andere sterck vnd krafft habe / den die wesentliche weiß-  
 heit / gerechtigkeit vnd stercke der Gottheit? Wer ist so on-  
 uerstendig der nicht sehe / wie viel ongereimtes dings dar-  
 auß würde erfolgen? Weil sie denn müssen bekennen / daß  
 in Christo zweierley weißheit vnd macht / die menschliche/  
 welche nicht das wesen / weder der Menschheit / noch der  
 gottheit / sonder ein gabe / das ist / von der gottheit erschaf-  
 fene / vnd wie groß sie auch sey / vñ vns onbegreiflich / den-  
 noch an jr selbest nit onendliche eigenschafft der menschheit  
 ist / Vnd die Göttliche welche onerschaffen / onendlich vnd  
 das wesen der Gottheit selbest ist / So verstehet vñnd weiß  
 freilich jedermeniglich / Daß zwischen vns nit die frag ist  
 gewesen / Ob die wesentlichen eigenschafften der Gottheit /  
 das ist / das göttlich wesen selbest in Christo / onendlich / on-  
 ermeßlich / onbegreiflich vnd allenthalben gegenwertig sey /  
 Sonder von der erschaffenen weißheit / sterck vñnd andern  
 eigenschafften vñnd gaben der Menschheit / ist die frage /  
 Ob sie auch onendlich vñnd der Göttlichen wesentlichen  
 weißheit vnd sterck des Worts gleich sind / vnd ob das wes-  
 sen der Menschheit allenthalben sey / so wol als das wes-  
 sen der Gottheit. Sagen sie nun alhie / Ja / so stehet vn-  
 ser einrede feste / daß sie neben der ewig gottheit des worts /  
 ein erschaffene Gottheit / das ist / Allwissenheit / almachtig-  
 heit / allgegenwertigkeit der menschlichen natur machen.  
 Den allwissend / almchtig / allenthalbē sein / heist eigentlich  
 so viel



so viel als Gott sein/wie sie auch selbst gesagt/vñ geschrie-  
 ben/das̄ Christus nach beiden naturen Gott sey / nach der  
 Göttlichen / ewiger Gott vnd eines wesens mit dem Pa-  
 ter/nach der menschlichen aber von wegen der mitgetheilten  
 Mat. vnd Göttlichen gaben / Protocol fol. 33. b. 34. a. vñ  
 Brentius De Mai. Christi, schreibt/*Alia est diuinitas communicans seu  
 participans, alia communicata, seu participata, sicut alius est donator, aliud  
 donum ipsum.* das ist / Ein andere Gottheit ist / die da mittel-  
 let / ein andere die mitgeteilet ist / wie ein anderer ist der da  
 schencket / ein anders das geschenck selbst. Vñnd nach dieser  
 mitgetheilten Gottheit allein/lassen sie den Menschen Chri-  
 stum Gott sein. Denn die wesentliche Gottheit wollen sie/  
 so viel jr wesen belanget/in alle Creaturen eben wie in dem  
 menschen Christo gegenwertig habe/Den vnterscheid aber  
 machen sie allein in dieser mitgetheilten Gottheit / welche  
 andere Creatur stückweis/der mensch Christus aber ganz  
 vnd vollkommen habe/ wie Brentius nach der leng schreibt/  
*in Senten. de Lib. Bulling.* Lassen derhalben/ das ewige Wort/  
 natürlichē/Aber den menschē Christum nur einen gemach-  
 ten vnd erschaffenen Gott sein/wie seine Gottheit ist/ von  
 welcher wegen er der Göttlichen namē für andern Creatu-  
 ren tragen soll. Sagen sie aber/Nein/die erschaffene weis-  
 heit/sterck vñnd andere eigenschafften vnd gaben / damit  
 die seele vnd der leib Christi gezieret ist / sind nicht onend-  
 lich vñnd den wesentlichen Göttlichen eigenschafften an  
 größe vñnd onermesslichkeit gleich / Sonder haben ihre  
 maß ( wie denn eigentlich vnd gewis̄ keine Creatur / nicht  
 allein am wesen / sonder auch an größe vnd unbegreiflich-  
 heit / kan irem Schöpffer gleich sein ) So ligt abermal all  
 ihr Ubiquitetisch gebew vber einem hauffen / vnd werden  
 sie

sie für aller welt mit ihrem eignen zeugnis vberweisen/das sie vns vnnnd vnserere Lere mit höchster onbillichheit so lang vnd sehr geschmehet vnd gelestert / als wir Christum trenneten / den heilige gleich hielten / zu einem onmechtigen man machten / seine Mai. verleugneten / vnd was des dings onzweifelich ist. Alhie mögen wir zu richtern leiden / nit allein die ganze Christenheit / sonder auch die ganze Welt / Ob wir oder gegenteil dem lügengeist / schwermergeist vnd schwindelgeist näher sind verwant.

Zum lesten / wollen sie auch des nit wort haben / das sie die Articul des glaubens / von der menschwerdung / von der Himelfart / vnd von dem sitzen Christi zur rechten des Vaters / mit einerley verstand in einander mengen. Weiß aber sie jekund etwas anders sagten / denn zuuor / wie sie in vorgehenden stücken thun / so neme vns nit so sehr wunder / das sie vber so mutwillige verkerung vnd offenbare onwarheit schrien / Als da sie jekund eben so offentlich gemeldte Articul mit einerley glos verkeren vnd vermischen / vñ sich mit iren eignē worten so hefftig anklagen vñ schuldig geben / als von vns jm̄er kōnde geschehen. Deñ die Menschwerdung / sagen sie / ist anders nichts / deñ das Gottes Sohn in Mutter leibe ein warhafftige menschliche natur von leib vnd seel in Gott auffgenommen. Was nennen sie aber / in Gott auffnehmen? Folget gerad darauff / das Christus nach d̄ menschlichen natur vber alle Creaturen in Gott gesetzt sey. Was nennen sie aber in Gott gesetzt sein? Folget weiter / Mit Gott persönlich vereintigt / heist nit allein von im erhalten / vnnnd nimmer verlassen werden / sonder also in Gott hincin gesetzt sein / das der mensch alle Mai. des Sons Gottes vberkommen hat / mit dem er ein substanz vnnnd wesen worden ist.

VI.

Von der Himelfart / sagen sie / wir lassen die leibliche himelfart Christi nach der Histori vnd Geschichte bleiben wie sie ist / vñ im articul des glaubens lautet / daß Christus nach seiner aufferstehung am vierzigsten tage mit leib vnd seele warhafftig gen Himmel gefaren / vñ bey seinen Jüngern nit geblieben / nach art vñ eigenschafft des verklärten leibs / vñ also warhafftig im himel / vñ ebe so wenig als auch wir / alle halbē gegenwertig ist od sein wird. Vnd sezt weiter darzu / durch diese leibliche himelfart ist Christus noch die andere vnd viel höhere himelfart nicht genomen noch entzogen / nemlich / da der mensch Christus mit Gott ein person worden ist.

Zur rechten Gottes sitzen / sagē sie / hab diesen verstand / daß Christus nach seiner himelfart zu der rechten der Mat. vñ krafft Gottes / das ist / in solche Mat. gesetzt sey / daß er nu auch nach seiner menschheit / mit Gott / alles was im himel vnd erden ist / regiere / wie er selbst bezeuget / daß im alle gewalt im himel / vñ auff erden gegeben sey. Den zur rechten Gottes sitzen / heist in diesem articul nichts ands den mit Gott in gleicher Mat. vnd herlichkeit regieren. Darneben aber zeigē wir an / dz Christus die Mat. nit erst nach seiner himelfart vberkomen / sond auch vor derselben gehabt / vñ durch vereinigung menschlicher natur mit Gott in ein person erlangt / nach der aufferstehung aber erst vollkommenlich erzeigē vnd gebraucht. Auß diesen iren worten ist offenbar / eben so wol als auß allen iren vorigen schriften / daß bey iren diesem articul alle drey / so viel heißen / als in die Mat. setzē gesetzt werden / oder die Mat. vberkomen / Noch dennoch müssen wir liegen / wenn wir sagen / daß sie diese articul in einander mengen. Denn daß sie zweierley himelfart / vnd zweierley sitzen

ſehen zur Rechten Gottes dichte/ damit machen ſie ſre ſach  
 nicht beſſer. Denn ſie möchten wol ſiebenerley Himelfart  
 vnd ſehen zur rechten/in irem frechen hirn ſchneiden/wenn  
 man ſnen diß geſtände vnd glaubte/darumb daß ſie es heu-  
 ten geſagt. Aber ſie haben auß der Bibel nicht gelernet/daß  
 die menſchwerdung Chriſti ſein Himelfart vnd ſekung  
 ſeiner Menſchheit zu der Rechten Gottes ſey / oder heiße/  
 wollen geſchweige/daß die menſchwerdung die rechte/hohe  
 vnd fürnemſte himelfart/ vnd ſekung zur rechten Gottes/  
 Die himelfart vnd ſekung aber zur Rechten/dauon die an-  
 dern zwene articul reden/nur ein bezeugung oder erzeugung  
 derſelben ſey/ die ſchon in Mutter leibe geſchehen. Den die  
 h. ſchrifte alſo leret/ dz die menſchwerdung die vereinigung  
 der zwoen naturen zu dem weſen der einigen perſon Chriſti  
 ſey/ ſo in der entpſengnis Chriſti in mutter leibe geſchehen/  
 Die himelfart/die warhafftige hinwegnemung der menſch-  
 liche natur auß dieſer ſichtbaren welt hinauff in den himel/  
 Das ſehen zur rechten Gottes/nicht nur die angefangene/  
 ſonder die vollkomene erhöhung der menſchheit in der him-  
 liſchen Göttlichen herlichkeit/nach ſeiner himelfart/Wie  
 anderswo nach der leng von andern vnd von vns iſt auß-  
 geführt / vnd auch gegenteil wider ſeinen willen/ vnd ſeine  
 vorige gloſſen/muß bekennen.

Daß ſie aber ſolche ongereimte gloſſen / mit neuen/  
 von ſhnen erdachten / vnd onuerſtendlichen worten zu-  
 decken / dieſe rede ſo offe eiuern / vnd als vnſer eigen be-  
 kennenis für ſich anzihen vñ brauchen/die menſchheit iſt mit  
 der Gottheit eine ſubſtanz vnd ein weſen/od ein perſönlich  
 weſen worden/iſt zumal ein ſchwacher behelff. Denn erſtlich  
 haben wir nit alſo geredt/die zwo naturen ſind ein ſubſtanz

vnd wesen worden / sonder sie sind die substanz / oder zu der substanz vnd wesen einer einigen person worden. Es können aber wol mehr ding oder wesen denn eins / mit einander das wesen einer person / oder eines andern ganzen vñ auß mancherley vnterschiedenen dingen zusammen gesetzten dinges sein. Wie in der person Christi zwey vnterschiedene wesen oder naturen sind / die göttliche vnd die menschliche / Vnd doch beide mit einander das wesen der person sind. Jedoch dem gemeinen leser onuerstendliche wortgezenck zu vermeiden / wöllen wir diese neue form zureden / nicht als die vnserre (denn wir sie nie gebraucht) sonder als des gegenteils / sekund für sich lassen gehen / Sonderlich so sie verstehen / wie sie reden / ein persönlich wesen. Denn so sie damit wolten verstanden haben / daß diese zwey wesen ein wesen werten / von wege gleichheit oder gemeinschaft der eigenschafften oder wirkungen / were diese rede nicht zu zulassen. So sie aber damit meinen / daß sie auff sonderliche vnd vnaußsprechliche weise zusammen verhaftet sind / daß sie mit einander ein einige ganze person machen / ist sie vns nit zuwid.

Denn die nature die also mit einander ein wesen / das ist / eine person machen / können wol an eigenschafften vnd wirkungen ungleich / vnd nit beide allenthalben sein / one alle trennung der person. Darumb sie auch vergeblich so viel wesens machen mit dieser ihrer neuen rede / die menschheit Christi habe das persönlich wesen / nach welchem sie allenthalben sein sol / von mutter leib an gehabt. Den das persönlich oder zusammen gesetzte wesen / das ist / die person / ist allenthalben nicht nach beiden natürlichē wesen / das ist / nature / auß welcher es bestehet / sond nach dem göttlichen Leß sich derwegē nit also schliessen / Das persönlich wesen / das ist /

ist/die person ist allenthalben/ Die menschheit hat das persöhnliche wesen/dz ist/sie gehört zu wesen diser person/Darumb ist sie allenthalben. Denn mit beide natürliche wesen od naturen / so dispersöhnliche wesen machen/ (Daß wir sekund auff ihre weise reden) sonder nur das Göttliche ist vberal.

Das diesem also sey/ müssen sie entweder zu geben/oder mögen der Marcionitischen Keheren/ Die ein spiegelfechten mache auß allen Articuln des Christlichē glaubens / nit entrinnen. Denn gleich wie der natürliche vñnd noch mit schwachheit beladene leib Christi nicht allenthalben war/ also ist auch der herrliche verklärte leib sekund eben so wenig allenthalben auff ein Himlische Matestetische weise/als er in seiner verklärung auff dem Berge war / oder als wir in ewigkeit sein werden/ Vñ ist die sichtbare herrliche gegenwert vñnd wandel Christi in dem Himmel mit seinen außerswelten / eben so wenig nur ein schein / gesicht oder spiegelfechten/als die sichtbare / natürliche gegenwert zur zeit der schwachheit in mutter leib / auff erden / am creuz/ im graben/ &c. Vñ der einige leib Christi / eben so wenig zugleich sichtbar vñnd on sichtbar / vñbgeschrieben an einem ort / vñd onumschrieben an allen orten/als er zugleich todt vñnd lebendig war. Müssen sie derwegen/ so sie nicht wollen Marcionitische lere füren/den verklärten leib/ ebē so wol als den natürlichen/ den lebendigen so wol als den todten / mit freer vñbiquitetischen Mat. zufrieden lassen.

### Beschluß.

**D**Is ist nu / Christlicher Leser / das wir auff dis mal  
 nur antwort auff der Wirttembergischen Theologen  
 D. iii Erklä

Erklärung / der gemein Christi zuwiteilen auff's kürzest haben fürlegen wollen / Vnd hoffen es sol meniglich darauff verstehen / daß vnser Gegenbericht / nit allein in denen stückē / der nit wenig / so gegenteil onbeantwortet gelassen / sondern auch an denen sie sich in irer Erklärung versucht habe / noch onumgestossen bleibe / Dargegē aber gegenteils lere von der allenthalbenheit des leibs Christi / vñ mündlichen niessung desselben im Abendmal / dermassen von ih̄ vertediget / daß wir dieselbe zu widerlegen / nicht andere gründe bedörffen / denn ire eigne worte vnd bekentniß.

Denn weil sie bekennen müssen / daß weder der verklärte noch der natürliche leib Christi / zu einer zeit an mehrern denn an einem orte ist vnd sein wird / vñ aber der leib Christi von seiner entpfengniß an / biß zu der aufferstehung ein natürlicher / vñ von der aufferstehung an für vnd für biß in ewigkeit / ein verklärter leib ist vnd bleibet / Wie können sie denn sagen daß er zu frgend einer zeit allenthalben gewesen / oder noch sein werde / es sey Materietischer oder göttlicher weise / ob wie sie es j̄mer nennen wollen? Item / weil sie bekennen / daß er in der nidrigheit / auch auff Materietische weise / nie allenthalben gewesen / vnd dennoch die person Christi nicht getrent ist worden / wie können sie denn sagen / daß die menschliche werdung des Sohns Gottes die allenthalbenheit des leibs mit sich bringet? Item / weil sie nit wolle daß die bein / adern / fleisch / blut / hend / füß / vnd and' stück oder glieder des leibs Christi alles erfüllen / warumb sol man denn von dem ganzen leibe sagen / daß er aller erfüllet? Item / Sind die göttlichen eigenschafften die dem Menschen Christo mitgeteilet werden / nit von Gott erschaffene gaben in v̄ seele vnd dem leibe Christi / sonder das Göttliche wesen selbst / wie ist j̄nen denn

denn möglich diese lere zuwidlegen / daß nit die menschheit  
 sond allein die gottheit Christi almchtig / alwissend / unbe-  
 greiflich vnd allenthalben gegenwertig / vnd nit die weis-  
 heit / sterck / wesen vnd gegenwertigkeit der seele vñ des leibs  
 onendlich / vñ der gottheit gleich sein: Item / ist der Mensch  
 Christus persönlich allenthalbe / wie er persönlich Gott ist /  
 vñ bleibet auch persönlich warer Gott / ob gleich nicht seine  
 menschheit / sond allein die gottheit Gott ist / warum solte er  
 den nit auch persönlich allenthalben / alwissend vñ almch-  
 tig sein / ob er gleich solches nit nach seiner menschheit / son-  
 der nach seiner gottheit ist: Item / Gehet der leib Christi im  
 Abendmal mit oder in dem brot in keines Menschen mund  
 oder leib / warum treibe man den einen so grossen staub auff  
 mit dem streit vber der mündlichen nießungen: Item / Ist  
 die nießung Christi so im Abendmal geschihet / nichts an-  
 ders denn daß er vnsern glauben stercket / vñ vns mit sei-  
 nem leibe vnd blut zum ewigen leben erhelt / Warum dich-  
 tet man denn ein sonderbare vnd leibliche nießung des  
 selben im Abendmal / die auch den Gottlosen widerfare:  
 Vnd damit kurz beide / die Ubiquitet vnd die mündliche  
 nießung auff ein mal selbst einander die sache machen / So  
 muß je das mündlich esse entweder one die Ubiquitet / oder  
 mit der selben bestehen. Daß es aber one die Ubiquitet nicht  
 möge bestehen / ist vom gegenteil nit allein bekät / sonder auch  
 zu hefftigste bisher gestritet. Daß es mit der Ubiquitet noch  
 viel weniger könne bestehen / ist von vns so klärtlich vñ onwi-  
 dersprechlich erwiesen / daß es gegenteil auch wid seinen wil-  
 len nachgebē muß. Weil den nu irem eignē bekentniß nach /  
 die mündlich nießung nichts ist / warum hat mā dieselbe zu  
 erhalten die Ubiquitet erfunde / damit sie doch augeschentlich  
 wird



wird zunichte gemacht: Warumb werden wir also häßlich angegriffen/ verlesert/ geschmähet vnd gelestert/vnnd die Christliche Kirch so sämerlich zurißten / betrübet / geergert/ vnd iren Widersächern zuwiderstehen geschwechet/daruff daß wir bey dem verstand der Articul des glaubens vnd des Abendmals bleiben / welchen auch gegenteil mit vns zu lassen vnd bekennen muß/Vnd dem jenigen / nicht beifallen/ das gegenteil vber diese von beiden teilen bekante lere hinzusetzt / so es doch mit Gottes wort/ mit der alte Christlichen kirchen vnnd beider parten bekentnis / Ja auch mit sich selbst/ so manigfaltig streitet?

Wenn gleich kein hertz auff Erden were / das solches beuegete / So wissen wir doch gewiß / Gott wird sich des zu seiner zeit annemen vnd darinnen Richter sein. Sind aber ongezweiuelter hoffnung/ es werden gottesfürchtige vnnd verstandige Christen / die vnser billiche vnd notwendige verantwortung lesen oder hören/ leichtlich können vrtailen/welches teils lere in Gottes wort gegründet sey/vnd die gewisheit zufrieden stelle / Oder ja zum wenigsten/ vns also / wie von etlichen bissher geschehen / zuverdammen nit so schnell sein / vnd auch bey andern / daß in das brennende sewer nit ferner geblasen / sonder viel mehr dasselbe gedempfft vnnd gelöscht werde / so viel an ihnen ist / zuerhalten sich beflissen/Sonderlich wenn sie werden sehen vnd bedencken/ Daß die Wirtembergischen Theologen nicht von den geringsten stückel schwebender disputacion/viel anders sekund reden den zuuor. Welches vns den auch in hoffnung bringet/ daß wo nit alle/ doch etliche des gegenteils Theologen/dennach sie so weit sich begeben vnd erkläret haben/ daß sie durch die Maiestat des menschen Christi / nicht die erschaffen

fenen Göttlichen eigenschafften der menschheit vnd gaben  
 des Heiligen Geists / damit die menschheit Christi ge-  
 ziere sey / sonder die natürliche / wesentliche Gottheit des  
 Sohns Gottes / oder die onausprechliche vereinigung  
 derselben mit der menschheit zu der Substanz vnnnd wesen  
 einer einigen person / verstehen / Auch die Articul des glau-  
 bens / von der Himmelfart vnnnd sitzen Christi zur Rechten  
 Gottes / also verstehē / daß der verklärte leib Christi / ihund  
 nicht auff Erden / sondern droben in der höhe in der Himli-  
 schen Herrlichkeit ist / dahin man ihn hat sehen hinauff fa-  
 ren / Sagen darzu / daß die menschheit Christi nicht nach  
 irem natürlichen wesen / sonder nach dem persönlichen we-  
 sen / allenthalben sey / Vnd vber dis alles / daß im Abend-  
 mal kein eingehen des Leibs Christi in vnsern mund oder  
 leib geschehe / Sonder die nießung die alda geschihet / sey /  
 daß Christus vnsern glauben stercket / vnd vns mit seinem  
 Leibe vnd Blut zum ewigen leben erheldt / So geben sie vns  
 nit wenig anlaß zu hoffen / sie werden sich mit der zeit / auch  
 in dem vbrigen / als in der Himmelfart vnd sitzen Christi zur  
 Rechten Gottes in Mutter leibe / in der gegenwert des leibs  
 Christi in der menschen leibe vor der nießung im Abend-  
 mal / vñ was dergleichen ist / eines bessern bedencken. Hette  
 auch wir die ongleichheit irer sigen vñ vorigen redē nit be-  
 gere ans liecht zuzihē / da sie vns nit so hart mit schmäwor-  
 ten angetastet / vnnnd für der ganzen welt für onwarhaffte /  
 boßhafftige / mutwillige verkerer / nit one merckliche nach-  
 teil rechter Christlicher Lere / die wir durch Gottes genad  
 faren / außgeschrien hetten. Da sie aber sagen wollen / sie  
 habens nie anders gemeint / denn sie jesund reden / vnnnd  
 sind nicht recht verstanden worden / Aber doch darneben  
 X auch

auch fre newe dunckele reden nicht auff ihre alte irige meinung / sonder auff die rechte gesunde in Gottes wort gegründte lere deuten vnnnd ziehen / So wollen wir sie nicht allein von herken gern lassen selbest außleger ihrer worte sein / sonder auch ihnen so viel an vns ist / darzu helfen / vnnnd mit der that beweisen / daß wir nicht eignen rhum / noch wortgezenc / sonder die ehre Christi vnnnd das Heil vnnnd einigkeit seiner Kirchen suchen. Denn so sie wollen / daß die Menschheit oder der Mensch Christus also vnnnd in dem verstand persönlich allenthalben sey / wie die Menschheit oder der Mensch Christus warer ewiger Gott ist (dieweil sie selbest diß Exempel brauchen) Vnnnd der leib Christi also im brot mündlich gessen werde / wie der Heilige Geist in taubengestalt oder fiewerflammen vom Himmel in die Apostel feret / Ja auch wie wir in dem Lauffwasser mit dem blut Christi werden begossen / So sehen wir nicht / warumb nicht der schädliche streit vffgehoben / vnd Christliche lang gewünschte einigkeit / mit heil vnnnd freude der betrübtten Christenheit / ein mal erlebet solte werden.

**B**itten derhalben von ganzem herken / den G<sup>o</sup>tte der warheit vnd des friedes / er wolle die senigē / so auß onwissenheit irren / mit rechter erkenntniß seiner G<sup>o</sup>ttlichen warheit erleuchten / denen aber die halbstarziglich die erkante warheit verfolgen / mit seinem gewalt wehren / vnd seine Kirche von allem Irthumb / ergerniß vnd abgötterey erlösen / vnd in heilsamer Christlicher einigkeit vnd friede / zu der ehr seines heiligen Namens / genädiglich schützen vnd erhalten / durch vnsern Herrn Jesum Christum / Amen.

Psalm. 115.

Nicht vns **HERR** / nicht vns / sonder  
deinem Namen gib Ehre / vñ  
deiner gnad vñ war-  
heit willen.



1295534

177

Handwritten text, likely bleed-through from the reverse side of the page. The text is faint and difficult to decipher but appears to be organized into several lines.

